

TULLIANUM

TAGGARA N YUGERTEN

Amyaru n udlis yura :

- *Iberdan n Tissas, tameddurt n umeynas Messaoud Oulamara, si PPA armi d FFS*, Tizargin Le Pas Sage, Lezzayer, 2007. Asuqel s tefransist «*Les sentiers de l'honneur*», Éditions Koukou, Alger, 2013, et Éditions L'Harmattan, Paris, 2014.
- *Tullianum - Taggara n Yugerten*, ungal, Internet 2008, Asqamu Unnig n Timmuzya, Lezzayer, 2009.
- *Omaha Beach - Ass-A d Wussan*, ungal, Tizargin n FCNAFA, Tafaska n Usaru Amaziy, Lezzayer 2010.
- *Akkin i Wedrar*, ungal, Tizargin Achab, Tizi Wezzu 2011.
- *Muhend Abdelkrim - Di Dewla n Ripublik, amezruy n ttrad n Arif akked Tegduda n Arif, 1920-1926*, Tizargin L'Harmattan, Paris 2012.
- *Timlilit di 1962*, ungal, Tizargin Achab, Tizi Wezzu, 2015.

Toute représentation ou reproduction intégrale ou partielle, par quelque procédé que ce soit, du texte et/ou de la nomenclature contenus dans le présent ouvrage, et qui sont la propriété de l'éditeur, est strictement interdit.

Editions ANEP
ISBN :
2^{ème} Semestre 2016

Aumer **U LAMARA**

TULLIANUM
TAGGARA N YUGERTEN

Agbur

Tazwart	7
Ṭtrad n Yugerten	17
Deffir tallit n Makawsen	17
Tallit n Bestia Calpurnius	23
Tallit n Albinus Postumius	33
Tallit n Metellus Cecilius	43
Tallit n Marius akked Sylla	75
Tikli n Ruma (Triomphe n Marius)	95
Di tesraft n Tullianum	115
Tallit taneggarut	141
Asaru n umezruy	143
Amezruy n Tullianum	147
Adriraw	154

Tazwart

Di 1976 di Paris i yufiy adlis n Salluste¹, «Tttrad n Yugerten»² (*Bellum Yugurthinum / La Guerre de Jugurtha*).

Adlis-nni yliy fell-as ur bniy.

D yiwen umeddakel i yi-d-innan : «ussan-a, Maspéro³ iznuzu idlisen zun d tikci, akken ad iqfel taḥanut-is ussan i d-itteddun. Llan din wid ilhan. Azzel skud ur fuken !»

Akken i teffey. Ass-nni kan ufiy-d iman-iw di taḥanut-nni, ferney-d idlisen ara d-aṣey ; gar-asen illa «Tttrad n Yugerten».

Isem n umyaru Salluste, selley yis-s si zik. Salluste ilul di tmurt n Ruman deg useggas -87 S.A⁴. Yugerten immut di -104 S.A. Gar tmettant (Imut) n Yugerten akked tlalit n Salluste zrin

1. Salluste Caius Sallustius Crispus (-87 ar -35 S.A.), illa akked Cesar di Ruma. Di -46, ibedd d aqerru udabu n Ruman di Tmazya. (*Proconsulat d'Afrique*). Ittwassen ugar s udlis-nni yura : «Bellum Yugurthinum» (*La guerre de Jugurtha*).

2. *La guerre de Jugurtha (Bellum Yugurthinum)*, Salluste, édition bilingue français/latin, les Belles Lettres, 1941 Paris, réimpression en 1974. Traduction du latin par Alfred Ernout.

3. Les Editions François Maspéro, Quartier latin, Paris. Cette librairie fut, jusqu'à sa fermeture en 1976, un lieu incontournable pour de très nombreux étudiants, intellectuels, artistes ou tout simplement lecteurs attachés aux causes que défendait François Maspéro, au risque de la censure et de plusieurs attentats contre la librairie.

4. S.A. : Send Eisa (*avant Jésus Christ*) ; D.A. : Deffir Eisa (*après Jésus Christ*).

kan 18 n yiseggasen. Mi yura Salluste adlis-nni «Bellum Yugurthinum», ad yili di leemer-is gar 30 d 40 n yiseggasen.

Nezmer ad d-nini llan kan 60 n yiseggasen gar tmettant n Yugerten di Yennayer n -104, akked tira n udlis n Salluste. Tallit n 60 n yiseggasen amzun d ulac di tira n umezruy. Di leqrun-nni, tamurt ur tettbeddil udem di 60 n yiseggasen, mačči am wass-a.

Tira-nni n Salluste tban-d zun d tamuylı n win illan din, d inigi, di ttrad n Yugerten mgal Ruman.

Mi bdiy tayuri n udlis-nni, ufiy-t zun d tawwurt i d-ildin sdat-i akken ad zrey amezruy iddren n Yugerten, d amezruy n Tamazya¹.

Gas akken iččur tiɛ, d adlis d wawal, di tedyant-nni ufiy illa wayen ixușšen.

Syin yur sdat, ačal n tikkal i as-ulsey, yriy adlis-nni. Yal aseggas ad t-id-ddmey, ad-t-yrey tikkelt ney snat, syin ad t-sersey. Tuyal-iyi am win ittessen irennu-yas fad. Yal tikkelt zerrey sdat wallen-iw agellid Yugerten itteddu, ittazzal, iferru timsal n tmurt-is, ikkat aneccab deg yimenyi, itteddu yef ugmer deg yizuyar ney deg yidurar, ney icudd s txelxalin n wuzzal, itteddu d amehbus yer tesraft Tullianum,... Taggara, ufiy ayen ixușšen deg udlis-nni : ixușş wawal n Yugerten.

1. Tamazya tella tebda yef sin : Tamazya n wagmuɔ (Tunes akked wagmuɔ n Lezzayer) ; Tamazya n utaram (Merruk akked umur utaram n Lezzayer). Akkin, tella Libya akked Tiniri (Ssehra).

Di 2006, deg usihar «*La Foire du Livre*» n Paris, yliy-d tikkelt tis snat yef udlis¹-nni n Salluste. Mi t-id-ddmey, ufiy d adlis i d-iffyen di tmurt n Lezzayer syur tizargin «Grand Alger Editions». Ferhey mi ufiy adlis-nni. Ferhey ugar imi adlis d-ihekkun tudert n Yugerten iffeý-d di tmurt n Yugerten. Ass-nni tban-iyi-d Tmazya n Yugerten akked tmurt n Lezzayer n wass-a, d yiwet n tmurt !

Zrin nnig 2100 n yiseggasen segmi yemmut Yugerten.

Tas netta yemmut, isem-is akked ubrid i d-iwwi yef tmurt-is, ar ass-a ddren. Abrid-is injer seg yiseggasen-nni n ttrad i iga mgal Ruman, akken ad ikkes tabarda yef tmurt-is.

Akken ad d-yuwal wawal n Yugerten, ufiy llan sin n yiberdan : asuqel (aterjem) n udlis n Salluste yer tmaziyt, akked ubrid wis sin.

Aterjem n udlis kksey-t di tazwara. Ufiy aterjem n udlis, d timerna kan ara d-rnuý awal i wawal n Salluste. Nekk ufiy izwar wawal n Yugerten. Asuqel ad d-yas wass-is. Taggara, qqimey-as, wwtey akken ad d-skefley ayen izemren ad yili deg wallay n Yugerten di tallit-nni ideg yennuý Ruman, segmi tenti tedyant armi d asmi tewwed talast n ttrad... Di yal tadyant i d-ihka Salluste², wwtey ad d-afey amek izmer ad yeg di tallit-nni yiwen illan d Amaziý, sdat tlufa-nni.

1. *La Guerre de Jugurtha*, Editions GAL / Grand Alger Editions, 2005.

2. Salluste ihka-d amur ameqqran seg wayen iyra deg yidlisen i yura C. Sylla, win i d-ittfen Yugerten d amehbus di taggara useggas -105 S.A.

Di tira n Salluste llan sin wudmawen. Yiwen d udem n umyaru i d-iḥekkun tadyant akken tella, akken i as-tt-id-ḥkan, akken i tt-iyra deg yidlisen illan imir-nni. Wis sin d udem n urumi n Ruma, win izerren tadyant s tiṭ n ugdud iḥekmen amaḍal (ddunit) imir-nni. Illa deg wawal : «Ruma i d-ikkan nnig tmura !»

Ma yella wugur gar sin yixṣimen, anida yella lkil, yal yiwen ad d-iḥku tadyant-is akken i tella. Win d amennuy n yizmawen. Din i tferru s lḥeqq.

Deg udlis n Salluste, di yiwet n tadyant kan i d-iqqim wawal n Yugerten. D awal i yenna ass-nni ideg d-iffey s wurfan si teṣremt n Ruma. Inna-yas deg wawal¹-is : «Tiṣremt usekkak, ad d-yas wass n nnger-is asmi ara taf bab-is» (*Vrbem uenalem et mature perituram si emptorem inuenerit*).

Tawayit, ṡas d awal n Yugerten s tidet, d awal i yenna s trumit n Ruma, mačči s tmaziṡt ! Awal-a n Yugerten i d iqqimen ass-a, d win i nezmer ad nernu ṡer wawal-nni n jeddi-s, Masnsen, asmi yenna : «Taferka i tarwa n Tferka !»².

Deg usaru i aṡ-d-iḡḡa Salluste, nekkni nerra awal yellan ṡef Iugurthae³ i Yugerten n at Yiles.

D netta i d-iḥekkun tadyant akken tella, neṡ akken «tezmer ad tili di tallit-nni». Di yal tadyant,

1. *Quand il fut hors de Rome, il tourna dit-on, plusieurs fois ses regards vers la ville, en gardant le silence, et s'écria enfin «Vrbem uenalem et mature perituram si emptorem inuenerit !» (Ville vénale, et qui ne tardera pas à périr si elle trouve un acheteur) ; La guerre de Jugurtha, Grand Alger Editions, p.56 ; et Edition les Belles Lettres p.69.*

2. *L'Afrique aux africains !*

3. Iugurthae = Yugerten (Isem, akken i t-yura Salluste s tlatinit).

newwet ad d-naf awalen i izmer ad isiwel Yugerten. Nesdukel asaru-nni n Salluste akked wawal n Yugerten akken ad myefken tallalt, akken ad ay-d-sefflen tafat nnig leqrun-nni imezwura n tmurt-nney. Gas adlis-a, «Taggara n Yugerten», d ungal kan, ur illi d adlis n umezruy s timmad-is.

Di yal tadyant n tallit n ttrad, neqqim kan deg udlis n Salluste. Ur d-nerni tadyant, ur nekkis. Ayen i nekkes nekkni, d ayen kan i d-inna Salluste yef tmeddurt akked temsal n Ruman gar-asen.

Taggara n wawal, tanemmirt tameqqrant i Salluste i ay-d-iğgan tira tinigit, tira yeddren yef Yugerten¹, yef umezruy n yimezwura n Tmazya.

Adlis n Salluste ildi-ay-d tawwurt yef tallit izrin, nezra amur si tmeddurt n Yugerten²

1. Awal n Salluste yef Yugerten : «... Mi yekker Yugerten, yuɣal d ilemzi, isddukel tezyen, tirkelt akked tmussni, irna awal azidan. Ikka-d nnig tezyiwin-is. Ur iğga iman-is di tudert n tinnefcept n tarwa n yigelliden. Netta itteddu, itteffey, ittazzal akked yimeddukul-is, ikkat aneccab, acangal, irekkeb agmer am netta am at tmurt-is. Yaş d netta i d amezwaru di yal timsizzelt, hemmlen-t akk wid i t-issnen. Illa di yal şşyada n yizem di tzegwa n Tmazya. Di yal tadyant, netta seg yimezwura i tyita uneccab. Akken illa d amezwaru i tyita, i yella d aneggaru i wawal yef yiman- is...», Ttrad n Yugerten, t.11.

2. Tadyant n Yugerten : Mi yemmut Masnsen n at Yiles di -148, agellid n Tmazya (Numidya), ibedd mmi-s Makawsen (Micipsa) d agellid. Mi yemmut Makawsen di -118, iğga-d tagelda i sin warraw-is, Aderbal akked Hiemsal, akked Yugerten, mmi-s n gma-s, Mastanabal. Di tazwara kan ikka-d iceqqiq gar-asen. Aseggas amezwaru, Hiemsal immut deg yimenyi, ney deg ufus n Yugerten. Aderbal ikker-d d axsim n Yugerten, isuter i Ruman, bđan-asen tamurt yef sin yihricen. Sirta tedda deg umur n Aderbal. Si -118 armi d -112 teqqim akken. Di -112, yekker ttrad. Yugerten izzi-yas i Sirta, ikcem s leesker-is, ittef Aderbal, inya-t. Ruman ikker-d d axsim n Yugerten. 7 iseggasen n yimenyi gar Yugerten akked Ruman. Di taggara n -105, gan-as tazarezt s ufus n

akked waytma-s di tallit-nni, iseggasen n uyilif, iseggasen n yimeṭṭawen, n tidi akked yidammen.

Akken ibɣu yili udlis, akken ibɣu yerr-d tadyant zun tedder, akken i tella, izmer yiwen ad iẓer ayen illan sdat wallen-is, taggara, adlis iqqim d awalen kan. D awalen isnin am uzrar, d tayawsa ur d-ittetṭef, ur ittnul ufus.

Di ttrad n Yugerten, imukan-nni akk anida yezra ugellid Yugerten, anida yuzzel, anida yennuy, anida yeḍsa, anida yeɣli... amur ameqqran deg-sen llan, ddren ar ass-a, mačči d tamacahut : *Sirta, Zama, Carthage, Gafsa, Tuga, Tala, Campus Martius, Via Sacra, Circus Maximus, Curia n Senat, Capitolinus,...* Tullianum.

Yugerten immut di tesraft n Tullianum di Ruma. Immut ddaw tmurt, si teqqseḥ n 6 wussan n laẓ d usemmiɖ.

Ma nger tamawt i tmeddurt n Yugerten, tameddurt ukessar d usawen n waḥal n yiseggasen, ad naf tidet taqerrḥant : mačči d Ruman i t-issawḍen yer tesraft n Tullianum. D afus n waytma-s i t-iskecmen yer uderbuz-nni iseg ur d-iffiy d amuddur. Irumyen ur as-zmiren di ttrad, ur as-zmiren di tiḥherci. Ufan-as kan iceqqiq di tixubba n waytma-s, n yidammen-is.

Amezwaru d Hiemsal, issay times tamezwarut n ccwal gar-asen, iwwet ad ikkes Yugerten mi immut kan Makawsen. Aderbal issawḍ tamsalt armi yebḍa Tamazya yef sin n yiḥricen ; iga iyisi di tnemmast i tmurt-nni n Masnsen. Masiwen,

ugellid Buxas. Qqnen-as tixelxalin n wuzzal, wwin-t d amehbus ɣur tiyrent n Ruma. Immut di tesraft n Tullianum di yennayer -104, deffir 6 wussan n laẓ d usemmiɖ.

irna-d tilufa-s, deffir tedyant n Aderbal, akken ad ibdu tamurt ula d netta ; ad iddem amur n Aderbal immuten. Gawda, idda d axabit akked yimnayen n Marius, ikker ad iney aytma-s Imaziyen ; ikker ad issery iyerma, tudrar akked yigran n tmurt-is.

Jiniral Bumelqer¹, ameqqran n læsker amaziɣ, ikka-yas si deffir i Yugerten, akken ad t-izzenz i jiniral arumi, Metellus.

Aneggaru d agellid Buxus, adeggal-is, ifka-yas tiyita taneggarut si deffir. Izzenz-it i Ruman akken ad issemɣer akal n tgelda-s.

Afus, s tidet, deg-neɣ i yella.

Akken ad zrey s tiɣ-iw amkan anida yemmut Yugerten, ad beddeɣ anida ibedd, ad nnaleɣ s ufus-iw izra-nni yennul s ufus-is netta, riɣ ad kecmey tiɣremt n Ruma. Riɣ ad awdeɣ amkan-nni. Tas tiɣremt n Ruma zriɣ tbeddel, Tullianum ur ibeddel si leqrun-nni imezwura.

Tas amkan-nni si tama ufella ibeddel, bnan-as tamesgida i tɣallit di leqrun imezwura, tasraft n Tullianum s timmad-is akken tella imir-nni i tella ass-a. D awal i d-nnan akk wid ikecmen amkan-nni. Izra-nni d wid illan di tallit-nni i yellan ass-a. Riɣ ad ten-id-zureɣ.

Aɣal n wagguren segmi friɣ d yiman-iw ad kecmey Ruma. Ussan tteddun, aggur deffir wayed, ass n tikli ur d-iwwid. Ukiɣ d yiman-iw akken riɣ ad kecmey amkan-nni i as-tezziɣ

1. Bumelqer (Bomilcar, s tlatinitt) : isem yusa-d si Tefniqit (*Phénicien*), seg wawal “Melqert”, Rebbi n Yifniqen. Awal ibna yef sin wawalen: Mel = Agellid (*prince*) ; Qert (QRT) = tiɣremt (*cité*, taqeryet ?). Bumelqer = “Win yumnen s Rebbi Melqert”.

i wass n tikli. Yal tikkelt illa wayen i d-ittasen d afrag, d ugur i tmerza yer Ruma. Tikkal, nekk s timmad-iw teggey ccek : «s tidet illa umkan-nni akken i t-iğğa Yugerten ? Amek iddrem ? Amek idyeq ? Amek itulles ? Amek yeqqim Yugerten yef yizra-nni ? Amek tella teqqseḥ n usemmid-is di tegrest n Ruma ? Illa wayen i wumi isel Yugerten mi yella din ney d tasusmi n tesraft kan ? Illa win ikecmen yur-s isawel yid-s, innayas awal ney sin, ifka-yas ad isew, ifka-yas ad yečč ? I Marius¹, i Sylla², i yimeddukal-is i illan di Ruma, nudan ad zren tawayit ideg yella ?

Riy ad zrey ayen izmer ad iḥus Yugerten di tagnit-nni, mi t-gren seg yimi n tesraft, gğan-t inṭer adda, iyli am ucettiḍ di tnemmast n tesraft n war tawwurt.

Yugerten illa yessen tiyremt n Ruma seg yixef yer yixef. Issen tizerbatin-is, issen abrid n Curia, tazeqqa tameqqrant n tyimit n ugraw n Senat, issen isem n umkan-nni ideg d-iggra ass-a : Mamertinum d Tullianum. Izra anta i d taggaransen wid ikecmen tasraft nni...

Di tuber 2008, rziy yer teyremt n Ruma.

Mi kecmey yer tesraft-nni n Tullianum, rgagiḡ. Ukiy-as i uyilif d ameqqran. I tesraft n war tawwurt, ass-a bnan-as tiseddarin akken ad kecmen yimzuren. D izra-nni yellan imir-nni i yellan ass-a ; d tillas-nni yellan imir-nni i

1. Caius Marius : jiniral wis 4 i yefka udabu n Ruma akken ad innay mgal Yugerten.

2. Cornelius Sylla : ilul di -138, ifka-t-id Ruma di -108 (*questeur*) yur Numidya n wagmuḍ, ddaw lehkem n Marius. D netta i d-itṭfen Yugerten, s ufus n Buxus.

yellan ass-a. Kecmey, sersey afus-iw yef yiran-nni n yimi n tesraft, imi-nni seg in̄ter Yugerten yef yiblađen isemmađen. Amkan, ansi ur d-iffiy d amuddur.

Nella nbedd di tesraft-nni, nekk akked warraw-iw, nessusem. Di tsusmi-nni i ay-d-tekcem terbaet n yimzuren n Țelyan. Gar-asen illa win i ten-iseddan, «*le guide*», i asen-isselmaden amezruy n umkan-nni.

Mi ay-d-isla nella nessawal s tmaziyt nekk akked warraw-iw, imdi awal-is i yemzuren-nni, dya izzi-d yur-nev, inna-yay-d s tefransist :

— Dagi i yemmut ugellid Yugerten, agellid ameqqran n Numidya. Aggur izrin, wiȳ-d yer dagi yiwet n tmeddakelt-iw, d tamaziyt n Lezzayer. Simi d-tekcem Tullianum, teggumma ad teffey, teggumma ad tekfu imeṭṭawen... Yugerten d jeddi-s !

Zziȳ yer umdan-nni, nniȳ-as :

— D amezruy-nnev, icrek-ay, nekkni akked kenwi. Ur telli tuzzma yef leqrun akked yiseggasen izrin !

Tttrad n Yugerten

Deffir tallit n Makawsen¹

Seg wasmi yemmut umyar, agellid Makawsen, baba-tney, tamurt ur as-tufi ixef-is. Nekk nwiḡ imir-nni, ibeddel wass, tbeddel tallit, ad as-neqqim akken ad nbedd i tmurt-nney. Mi yemmut baba-tney, afud d nekkni, ad as-neddukel i twizi tameqqrant. Am nekk, Aderbal akked Hiemsal, ad nesdukel tidi-nney akken Tamazya ad as-nbeddel udem.

Di tazwara, ssarmey ad nekkes tuqqna-nni i nella neqqen yer tmurt n Ruman. Nniḡ-asen i waytma, ilaq-aḡ ad d-nerr tilisa n tmurt seg wanida llant zik. Ad nekkes ugzir, ad nṣeggem tamurt-nney. Ad neg iberdan, ad nessemyer igran akked tiliwa n waman di yal tiyremt, di yal tama n tmurt. Ad nesbedd tiseḡlit i tlisa n tmurt akken yal Amaziḡ ad yaf iman-is yella di tmurt-is, deg wakal-is.

Yiwen unezgum ameqqran i yellan zik, ass-a yekkes, d Carthage-nni i aḡ-d-illan am timmist deg wammas aḡal d lqern, aḡal d aseggas. Di

1. Makawsen (Micipsa) : agellid n Tmazya, si -148 armi d -118. D gma-s n Mastanabal, baba-s n Yugerten. Aytma-s n Makawsen llan: Mastanabal, Gulussa, Masgaba, Bugud ; negren di sin iseggasen-nni kan imezwura mi ibedd Makawsen d agellid. Nnan d aṭan i ten-isnegren (?). Mi yemmut Makawsen di -118, iḡḡa-d tamurt i sin warraw-is, Aderbal akked Hiemsal, akked mmi-s n gma-s Yugerten.

tallit-nni, jeddi, Masnsen iddukel netta akked Ruman, zzin-as i Carthage, snegren-tt. Tefra tedyant-nni, syin tuɣal-d timmist akken tella.

Di ttrad aneggaru mgal Carthage, d agellid Makawsen i tuɣ din. D imenɣi aneggaru, si mi terɣa, tertem teɣremt n Carthage, i aɣ-d-ifkan talwit. ɢas akken, ur tdum talwit-nni. Ruman issekcem-d tucrar-is di tmurt-nney. Afud n Carthage irrez, Ruman yuɣ amkan-is. Ayen illan d akal di tliša n Carthage, iddem-it Ruman i nitni. Taggara, Ruman isnulfa-d tamurt tamaynut : «Tamurt n Ruman di Tferka» (*Province romaine d'Afrique*). Taggara, fell-aɣ ur tbeddel. Ilmend d imnayen n Carthage, usan-d læesker n Ruman. Rran tamurt d ayla-n sen si 28 n yiseggasen izrin ar ass-a. Asmi yemmut ugellid Makawsen, tiɥ-iw nekk ad nekkes azaglu-nni yellan fell-aɣ aɧal. Skud illa Ruman ɣer yidisane-nney, deg wakal-nney, ur tezmir ad tili fell-aɣ talwit.

Di 30 n yiseggasen n tgelda n Makawsen, seg wasmi yemmut Masnsen, iɣli-d ugris ɣef tmurt-nney. Kkes-d imenɣi aneggaru mgal Carthage, anida kkren Yimaziɣen nnuɣen si tama n Ruman akken ad hudden Carthage, ur illi yimenɣi i d-illan akken ad d-yuɣal wakal n Tmazɣa i tarwa-s. Makawsen iqqim kan di tliša-s amzun d tamellalt ammar ad terrez. Ruman icrew akk akal illan tettef-it Carthage, ma d Makawsen issueusem-asen, zun mačči d akal-nney !

Tasusmi n 30 n yiseggasen ur telli d tasusmi, d tiggugemt, d tuqqna n tiɥ, neɣ ugar. Nekk, si temzi i zerrey akal-nney imečč, tilisa zzant-d

anida ur llant di tazwara. Ẓerrey tamurt n Tmazya amzun d amdan-nni i wumi yettwakkes uɗar ney yiɣil.

S tmuyli-nni i friy d ubrid-iw, mi newret, deffir tmettant n Makawsen. Nekk yur-i newret, mačči d tagelda n yibernas n ubar, d tagelda i twizi tameqqrant. Newret anezgum, anezgum-nni ameqqran n tmurt ad t-nbibb nekkni yef tuyat-nney.

Nnan, «yiwen ufus ur ikkat llir». D tidet. Tella tegmat akken ad tebɗu tazeyt, yal aħric yef yiwet n tayet. Ad tebɗu tazeyt, ad ibɗu uyilif. Ssarmey tagmat akked waytma ad tili. Nekk, Aderbal, Hiemsal, Masiwen¹, Gawda akked wiyad, akken llan, ad nebgas, ad nbeddel udem i tmurt. Taggara, teffey tirma tezleg².

Amagrad i yellan gar-i akked Aderbal akked Hiemsal, d adrar : nekk ẓerrey abrid-nni n jeddi Masnsen, «Taferka i tarwa n Tferka»³, ma d Hiemsal akked Aderbal kksen tamurt-nsen gar yifassen-nsen, kksen tamurt n Yimaziyen i tarwa-s, fkan-tt d tarzeft i Ruman. Simi tekker gar-aneɣ, sawɗen-iyi-d awalen i yenna Aderbal din di Curia⁴ n Senat, tajmaɛt n Ruma, asmi

1. Masiwen (Masiva), d mmi-s n Gulusen (Gulusa). Gulusen d gma-s n Mastanabal. Gawda (Gauda) : d gma-s n Yugerten s baba-s.

2. Ugur illan gar Yugerten akked sin waytma-s issemyer. Di cawal-nni, Hiemsal immut. Ruman issekcem-d tuc̣car-is, yuzen-d Arumi Opimius ibɗa-yasen tamurt yef sin yihricen : aħric i Yugerten, aħric i Aderbal. 4 iseggasen i teqqim akken. Yiwen wass tekker gar-asen. Yugerten izzi s leesker-is i tiyremt n Sirta, anida yella imir-nni Aderbal. Aderbal immut din.

3. «Taferka i tarwa n Tferka ! / *L'Afrique aux Africains* !» (Masnsen).

4. Curia : tazeqqa anida tella tyimit n ugraw n Senat n Ruman ; tella ar

yerwel akken ad isuter tallelt i Ruman. Aderbal inna-yasen :

— ... Asmi qrib ad immet baba, Makawsen, inna-yi¹ : tamurt-a, tagelda n Tmazya, nekkni d iqeddacen-is kan i nella. Imawlan-is n tidet d Ruman. ilaq ad tgeḍ ayen i wumi tzemreḍ akken ad talleḍ ayref n Ruman, amzun d idammen-ik.

Amzun ur issugget awal, Aderbal yerna ugar di tebrat-nni i yura i Ruman, asmi i as-nezzi, netta iffer di teyremt n Sirta.

Aderbal inna di tebrat-nni² : «... Tagelda n Numidya nwen kenwi, get-as akken tram, kkset-i kan gar tucrar n Yugerten ; di leɛnaya-nwen, di leɛnaya n tgelda n Ruman, i wudem n jeddi Masnsen...».

Amdan isawḍen taḥilet yer talast am tin, ur as-d-iqqim yisey, ur as-d-iqqim yiccer n tissas akken ad yili n uẓar n at Yiles, ney ad ibedd d agellid n Tmazya.

Awalen-nni yenna Aderbal, asmi i asen-sliy, tuli-d tkuffirt deg yidmaren-iw, ukiy-as i tkurt-nni tcudd turin-iw terna tagerjunt-iw. Aderbal ikkes abernus n yisey, iḡḡa iman-is akken d

ass-a di tnemmast n Ruma.

1. *Aderbal devant le Sénat à Rome, défendant sa cause contre Jugurtha*: «Au moment de sa mort mon père Micipsa me prescrivit de me considérer seulement comme l'intendant du royaume de Numidie, dont vous étiez les maîtres légitimes et les véritables souverains ; de m'efforcer aussi, dans la paix comme dans la guerre, de rendre le plus de services possibles au peuple romain.» (Salluste, p.23).

2. *Tabrat n Aderbal i Sénat n Ruma* : «... Disposez à votre gré du royaume de Numidie, puisqu'il est à vous ; mais arrachez-moi à des mains parricides : je vous en conjure par la majesté de votre Empire, par les droits sacrés de l'amitié, s'il demeure encore en vous quelque souvenir de mon aïeul Massinissa...» (Salluste, p.47).

aɛeryan. Taggara, ur as-d-iqqim yisem. Ur illi d gma. Idammen-nni i aɣ-isduklen, nekk kksey-ten akkin.

Nezzi-yas i teyremt n Sirta azal n 5 n waguren. Taggara nekcem, tefra temsalt-is. Aderbal yuy abrid n Hiemsal, immut ula d netta. D abrid-nni n tixxubta i uyen nitni, i ten-isnegren i sin¹.

Send anekcum yer teyremt n Sirta, mi nella nezzi-yas, usan-d yimɣaren n Senat si Ruma yur Utika² akken ad aɣ-frun. Gar yimɣaren-nni yella Aemilius Scaurus. Uznen-iyi-d, rziy yer din, zriy-ten. Nekk nniy ayen nniy, sfehmey-asen tadyant. Nniy-asen, d Aderbal i d-yuɣalen yer tlufa mačči d nekk. Taggara ma yefka-d udem, iffey si Sirta ilha, ney tifat n temsalt ad teglu s uqerru-s ney s uqerru-w nekk.

Aderbal ur d-ifka udem. Taggara, timmist d tafuyi kan i d ddwa-s. Imɣaren-nni n Ruman uɣalen yer wansi i d-usan, nekk fkiy awal i læsker ad kecmen Sirta. Aderbal iffey-d s læsker-is ad yeg imenɣi. Ittwatṭef, immut din sdat Sirta, am netta am yirgazen illan yid-s.

Ur illi ubrid iden.

Mi slan di Ruma kecmeɣ Sirta, Aderbal immut, dɣa ikcem-iten uferfud ameqqran. Adrum n Senat, win iran ad issemɣer tamsalt, akken ad d-yazen læsker yer tmurt-nney, ikker, ifka-yas

1. Mi yas-izzi Yugerten i Sirta, Aderbal iwwet akken ad d-iffey s læsker-is. Ittwatṭef. Yugerten ikcem tiyremt. Am Aderbal, am Imaziɣen illan yid-s din, ikka deg-sen Yugerten.

2. Utika (Utique) : tiyremt illan di “*Province romaine*”, akal n Carthage n zik, i yetṭef Ruman. Tenger, inger yisem-is ass-a di tmurt n Tunes.

adabu i Consul Calpurnius Bestia. Sbedden-t i temsalt n Numidya, akken ad iheggi læesker-is, ad d-izger ilel si tmurt n Ruman.

Zrin kra n wagguren, lserdasen n Ruman zegren-d ilel Agrakal¹, wwɛden-d akkal n tmurt-nney. Aqerru-n sen d Consul Calpurnius Bestia akked yiwen n umyar n Senat, Aemilius Scaurus.

Zegren-d aman, kecmen-d Tamazya s tezmert tameqqrant n læesker.

1. Ilel Agrakal : *la Mer Méditerranée*.

Tallit n Bestia Calpurnius

Tewweḍ-aḡ-d tafat yer wanzaren. Ur illi wanida nezmer ad nerwel.

Sitama-w, nekkur riḡ ttrad gar-aḡ nekkni akked Ruman. Nella isdukel-aḡ umezruy yezzifen si zik, dya seg wasmi yella jeddi Masnsen di ttrad mgal Carthage. Idelli kan, nekk lliḡ yid-sen, s yimnayen Imaziyen, di ttrad n Numance¹ di Sbanya². Tkakiḡ-d asmi i yi-ifka Makawsen akken ad zegreḡ ilel Agrakal, ad kecmey imenḡi yer tama n Ruman. Zegreḡ ilel, nekk akked yimnayen-nney, fkiḡ tallalt i Ruman. Newwet aneccab, axtuc, acangal, tafrut, ukkim. Nefka iqerra-nney, nefka tallalt i jiniral Scipion armi nessenger acengu-nsen. Necrew tidi, necrew idammen, nečča aḡrum asemmaḍ yid-sen. Din, di Numance i lemdeḡ tuddsa n ttrad n Ruman, amek i as-tteddun, amek i as-rnan tiḡherci-nsen.

1. Numance : d tiḡremt n Sbanya di tama n Tarraconaise. Izzi-yas Ruman gar -155 akked -133. Ihudd-itt Scipion Emilien akked Caius Marius di -133 (?) ; innuḡ din Yugerten s leesker Imaziyen. Acengu d agellid Viriathe.

2. Yugerten ifka-t ugellid Makawsen akken ad yefk tallalt i Ruman deg yimenḡi-nni. Asmi yefra ttrad, thudd tiḡremt, mi yekker ad d-izzi yer Tmazya, ifka-yas-d jiniral Scipion tabrat i Makawsen. Inna-yas di tebratt-nni : “Aggaw-ik Yugerten, yufrar deg yimenḡi n Numance. Tikli-s akked tebyest-is sferḡent-iyi. Tanemmirt-ik mi yi-d-tuzneḍ argaz am wa di tegnit n tidet. Ḳur-k aggaw i yeddann deg ubrid n jeddis Masnsen”.

Din i rniy lemdey ugar tutlayt-nsen, tarumit.

Açhal n yiseggasen n talwit ideg nella nekkni akked Ruman, nekk ur riḡ ad d-asen wussan n tṭrad gar-aḡ yid-sen. Uguren n waytma, Hiemsal akked Aderbal, ssarmey ad qqimen gar-aneḡ kan nekkni di Tmazya, ma d Ruman ur ten-terzi temsalt. Ħas zriḡ tamsalt n tliṣa nekkni d Ruman ur tefri segmi d-sersen iḍarren-nsen deg wakal amaziḡ n tama n Carthage, ssarmey ad as-d-naf abrid i tifat-is s talwit, war amerzi, war imenḡi.

Akken ad wwteḡ ad sefruy tadyant i Ruman, send ad d-izger Bestia, uzney mmi, akked kra n yimussnawen-nney, nniḡ-asen ad zegren yer Ruma ad siwḍen awal-iw. Din di Ruma, ad zren Bestia, ad zren imḡaren n Senat i asen-nniḡ, ad inin awal-iw akken illa : «d aytma, Hiemsal akked Aderbal i d-isnulfan uguren, ur illi d nekk. D abrid uḡen nitni i wuyur wwḍen nitni. Nekk ssarmey talwit, nitni kkren-d yer yimenḡi. D nekk, Yugerten-nni i tessnem iḍelli di Numance i d Yugerten n wass-a».

Asmi wwḍen yer Ruma, ur ten-ğğan at Ruma ad kecmen tazeqqa n Senat, ur ten-ğğan ad inin awal i wwin. Gan-asen-d afrag. Isuter C. Bestia akken ad kecmen tazeqqa n Curia, ma d agraw n Senat ur ten-iğğā ad kecmen. Taggara ur iwwid wawal-nney akken ad as-slen di Ruma. Mmi akked yimussnawen-nney, zzin-d si Ruma, ur nnan awal-nney.

Subrid n talwit i as-ddiḡ i Bestia asmi i d-ikcem tamurt-nney. Yal ass ttedduḡ akken ad d-afey anwa abrid iss ara nefru uguren i d-innulfan.

Γas læsker n Bestia di tazwara kan iserwet ayen i wumi yezmer, serʕen ačal d iʕrem, ačal d iger, wicqa. Nniʕ-as ma yella unziz n usirem akken ad tefru s talwit, anziz-nni ilaq-aʕ ad t-id-narez.

Di temlilit-nney, nekk akked Bestia, nniʕ-as : «Abrid n ttrad ur ilhi i nitni ur ilhi i nekkni ; ur illi ttrad isuffuʕen ʕer wayen ilhan». Taggara, tadyant teffey anida ur nessarem.

Lliʕ di teʕremt n Begga¹ asmi d-usan, nnan-iyi-d ad dduʕ ad mlileʕ akked Bestia di teʕremt n Utika, tiʕremt-nni i yellan deg wakal n «*Province romaine*», i ttfen deffir uhuddu n Carthage. Ass-nni, ufiʕ tajmaet tameqqrant thegga, akken ad gen azal i talwit. Gar yirumyen-nni, llan yimʕaren n Tmazʕa i yellan seg udrum n Aderbal. Neqqim, nessawel, wwiiʕ-asen-d tadyant akken tella si tazwara armi d taggara, Aderbal-nni i yeggumman ad d-yefk udem, tawayit-nni yeɗran di Sirta i d-iglan s lmut n Aderbal.

Mi nekker, nefra. Akken ad nessers talwit, cerɗen-d fell-aʕ ad asen-nefk 30 n lfilan, tajlibt tameqqrant n yizgaren akked tin n yigemren. Si tama-w nekk, kkiʕ-asen si tewwurt. Qebleʕ ayen akk i d-cerɗen. Ma s wurawen n wureʕ, lfil, azger neʕ agmer ad d-tas talwit, d abrid qebleʕ ula d nekk, ʕas ʕʕay fell-aʕ wannect i d-cerɗen. Ma yella d asfel ʕef tliṣa n tmurt-nney, amzun ur illi kra. Tamurt n Masnsen ass-a teddukul, ur tebdɨ di tmemmast.

1. Begga = d tiʕremt illan di tmurt n Tunes. Ass-a, isem-is Beja.

Si tıfrat-nni n Utika, nefka ayen i aḡ-d-cerden, ters-d talwit. Irumyen deg umkan-nsen, læesker-nsen ffıyen si tlisa n Tmazya, kecmen akal n Carthage, nekkni neqqim di tlisa-nney. Nıl tefra dayen.

Mi yewweḍ wawal yur Ruma, slan ifra Yugerten akked ugraw n Bestia akked Scaurus, tekker gar-asen di Ruma. Wid ibyan ad ssiyen times di Senat ufan-as abrid, icban C. Memmius, d amezwaru seg-sen. Ur iḡḡi taḥilet Memmius akken ad issendem imyanen n Senat iqeblen tıfrat n Bestia. Inna-yasen di Senat, akken ad ismenteg times : «Bestia akked yimeddukal-is zenzen tamurt n Ruman, zenzen nnif n tmurt-nsen,...» Tiṭ-is netta, di tfukal-nni, akken kan ad tt-ifru mgal ixşimen-is di temsizzelt yellan gar-asen, akken ad asen-d-iṭtef tasawent. Imir-nni, di Ruma terna tekker tmes ugar. Sin n yiderma i yellan din. Yiwet tama d at *nobilis*, at wakal ameqqran, wid-nni yerwan. Si tama nniḍen d at *popular*, imyiden, at war akal ameqqran. Yal tikkelt, d timsizzelt gar-asen anwa ara yernun ad issemyer adrum-is deg ugraw n Senat. Timsizzelt-nni gar-asen tefka anza i wurar n tiddas. Win ikkan sya, wayeḍ ad as-d-yanef syin. Sin n yiderma-nni, uyalen am umcic d uyerda.

Taggara, di Senat tekka tama di tayeḍ. Awal n Memmius tqebl-it tejmaet n Senat. Fran ad rzen awal-nni-nsen i fkan di Utika, ad rzen tıfrat-nni i d-illan gar-aney, ad d-aznen ugar n læesker-nsen yer Tmazya, ad smeyren imenyi ! Senat n Ruma yuzen-d Lucius Cassius yer Tmazya.

Uznen-t-id, izger-d Ilel Agrakal akken ad iyi-d-issiweḍ s yimi-s awal-nsen i fran di Senat. Mi nemlal, inna-yi-d ccerṭ n Ruma : ilaq ad zegrey yer Ruma, ad sutrey asuref akked leenaya di tejmaet n Senat. Inna-yi-d day, «yif tifrat yid-sen nitni wala ttrad mgal agdud n Ruman».

Ufiy awal-nni n Lucius Cassius d abrid. Nitni fkan-d udem, nekk nniy-asen deg ubrid i lliy, ur t-ffiyey. Friy d yiman-iw, anida yella usalu n tifrat ad newwet ad nezri deg-s. Zriy nekk abrid n ttrad anida yesuffuy. Win i t-issnen ubrid-nni izra ala idim d yimeṭṭawen akked uyilif i d-irennu.

Awal-nni akked Lucius Cassius, itkaki-yi-d tadyant ni n wasmi zegrey nekk akked læsker Imaziyen yer tmurt n Sbanya akken ad nennay di Numance, tama n Ruman. Si tama-nsen i lemdey tussna akked tuddsa n yimenyi. Tur jiniral Scipion i lemdey tiḥherci n ttrad, asuddes n læsker, tikli isdarin imdanen, inif si tama yer tayed, tikli işeggmen yer deffir yal yiwen deg umkan-is. Di tadyant-nni n Numance i d-giy imdeddukal Irumyen. D imeddukal n yidammen, cubay-ten yer waytma n tasa ney ugar. Ass-a, ur riḡ ad azzley yer ttrad, ur riḡ ad dehmey wid illan d aytma idelli.

Tilufa n Hiemsal akked Aderbal frant, ayen iyef nudan ufan-t, ma d nekk ur riḡ ad zwirey yer yimenyi mgal Ruman.

Zegrey ilel, uḡey abrid yur Senat di Ruma.

Deg wass-is, mi nekcem yer Senat, d C. Memmius i d-intin awal. Iwwi-d tadyant akken i

as-ihwa netta. Inna-d : «nɣiy, rniɣ, ffɣey iberdan, kksey sser yef uyref n Ruman...» Memmius ur iğgi tiymert, ur iğgi taħilet. Isseks-d anida i as-ihwa, irna-d yal tihila akken ad isseħmu agraw n Senat. Awal-is iban am uzal anida itteddu. Mi yessuli C. Memmius awal-is, irna-d tilufa-s Quintus Minucius Ruffus.

Taggara, sutren-d akken ad asen-rrey awal. Mi ddiɣ ad ssiwley, d C. Baebius i d-inetqen, igzem-iyi-d awal. Gas ikker herwel, imdanen-nni yellan din sugten tiwuya d użeggi, ma d Baebius ur asen-issusem. Inna-d ayen inwa d abrid. Anejmae ifra, agraw ikker, neffey-d si tzeqqa Curia n Senat, tikersi icudden tebda tfessi. Mi nɣil frant, imir-nni i bdant.

Mi tefra temsalt nekk akked Senat n Ruman, tlul-d taluft nniden nekk akked waytma, s ufus n Ruman. Mi ttedduɣ ad d-ffɣey si Ruma, ad d-uɣaley yer Tmazya, tadyant n Masiwen terna-d, simmal tettimɣur di Ruma.

Masiwen, seħman-t-id yimeddukalis, izzi-yasen i ugraw n Senat akken «ad as-fken tamurt n Numidya i netta», ad as-ğğen i netta azgen-nni n tmurt, aħric-nni yellan deg ufus n Aderbal, asmi tebda yef sin. Ilmend deg ad yili yer yidis-iw, ad neddukel, ad nesddukel tamurt, ad nekkes iyisi-nni iga Aderbal, netta yuɣ abrid n Hiemsal akked Aderbal. Gas d gma n idammen, yiwen babat-nney, yiwen jeddi-tney Masnsen, Masiwen ur d-iṭṭif anziz seg yiseɣ n jeddi-s. Tamurt n baba-s d jeddi-s netta, irra-tt d ayla n Ruman. Masiwen ira ad d-yay tagelda si Ruma.

Mi lliy di Senat, zriy illa din Masiwen, gar wid-nni akken isekkren tiwuya. Masiwen illa gar wid-nni yessugten azeggi akked tsusaf d yir awal yef Yugerten.

Mi tedra twayit tameqqrant i fehmeḡ anida tella tweekka, anida tessaweḡ tyita n Ruman.

Irumyen, tiḥherci ssnen-as. Anida ur tettif ad andin tifxet anida nniḡen. D wid-nni i yesḥercen Masiwen, zun d lexyal n tebḥirt, i as-ifkan win ara as-iqqimen ad t-iney akken ad smeyren tamsalt, ad awḡen anida ssarmen : Ruman ad ikcem Tamazya.

Qqimen-as i Masiwen, nyan-t di tneммast n Ruma. Nitni nyan-t, tiyita sbabben-tt i Bumelqer, nekk sefḡen-d tafrut yef yiri-w.

Suffyen awal di Ruma : yiwen seg wid-nni yenyan Masiwen, ittwaṭtef. Nnan yudder-d isem n Bumelqer akked Yugerten. Di herwel-nni, nniy-as i Bumelqer ad issenser iman-is si Ruma, tiḥila n Ruman nessen-itent. Nniy-as netta ad yuḡal yer tmurt, nekk ad qqimeḡ di Ruma ad qableḡ tajmaet n Senat. Tundar i cudden banent am uzal. Ala tasusmi ur asen-ssusumeḡ. Akken i teffey, ad teffey.

Deffir twayit-nni n lmut n Masiwen, nuḡal yer tejmaet n Senat. Mi nekcem ḡur Curia, neqqim, dya sekkren fell-i ahlelli. Ur ḡḡan yir awal, ur ḡḡan azeggi. Wid-nni yessazlen idim n Masiwen wwten ad glun s yixef-iw akken ad tt-frun di yiwet n tegini : nyan Masiwen, akken ad glun s uqerru n Yugerten. Ixef n tidet ur illi deg wawalen-nsen, awalen n tmes n Memmius.

D tussda kan i wumi d-qqimen. Nnan : «Amek! Tenyið argaz di tmemmast n Ruma, terzið leenaya n tmurt-nney! ur tgið leqder i tmurt n Ruman ! atg...».

Awalen-nni akk i d-suffyen, nekk susmey-
asen, gguniy anida ad teffey. Ččiy s wallen wid-
nni yessawalen, yiwen yiwen akken ad tkakiy
udmawen-nsen. Win ččiy s wallen dya netta ad
issers allen-is, ad issusem amzun ur illi di tirkeft-
nni n yiðan isseglafe. Zziy tamuyl-w i tzeqqa-
nni n Senat. Zerrey idurran-nni n yimdanen.
Nitni rekkmen seg wurfan, nekk rniy tasusmi,
nitni rennun deg wurfan ugar.

Taggara, mi kkrey ad d-neṭqey, ad asen-iniy
ayen riḡ ad iniy, issyel-iyi-d C. Baebius s ufus-is,
inna-yi-d : «susem, d nekk ara isiwlenn, kečč susem
kan !» Baebius issekkfel-d tihila-nsen yiwet yiwet.
Baebius ifsi tundar i cudden nitni, s wawalen i
ten-cudden nitni. Inna-yasen tiferhanin. Taggara
isseyli-d tasusmi, tiggugemt deg ugraw n Senat.
Ifra unejmaε n Senat. Tazarezt n Memmius
akked yimeddukul-is tezzel ur teṭṭif.

S wurfan n taluft-nni i d-yernan i ddiḡ ad
d-ffey, ad ḡḡey Ruma yer deffir, d abrid yer
Sirṭa.

Tuffya-nni i ddiḡ ad d-ffey si Ruma, fran-
tt nitni taggara yur-sen zun d ansar i ddiḡ ad
nnesrey, d tarewla si Ruma. Wid yundin ticerket-
nni, wid akken ibyan ad glun s uqerru-w, ufan
tawwurt ideg ara seḡmun amendayer i at
Senat, nnan-as : «mi yerwel Yugerten, yuḡal yer
Numidya, d tidet, armi yenya !»

Di Ruma llan wid ibyan ccwal ugar. Mi tent-xerzen akken ad smilen Senat yer tama-nsen, akken ad ay-ttffen akken nella din, taggara nniy-asen i yimeddukal-iw :

— Ddut ! D abrid kan ara ay-isdergen akkin fell-asen. Ayen d ikkan gar-ay yid-sen drus !

Mi d-neffey si teyremt n Ruma, tuli-d tkurt n wurfan, zziy yer deffir, seyley yer teyremt-nni tamcumt, dya nniy-asen¹ : «Tiyremt usekkak, ad d-yas wass n nnger-is asmi ara taf bab-is !»

Mi d-wwdey yer Tmazya, kecmey Sirta, i as-uki yugar i twayit tameqqrant ideg nella.

Ayen akk nuzzel, taggara inyel, iwwi-t wasif. Azar n tixxubta yella deg-nney, taggara yerrayay-tt-id akken tella di tazwara. Ad as-nuyal i bennu n ugadir s wadda.

Di Sirta, giy aberrah i ugraw ameqqran n yimwaren n tmurt. Deg wass-is, usan-d akken llan, di yal tiymert n Tamazya, di yal adrar, di yal azayar. Tadyant meqqret, iyimi-s ad yiyzif.

Mi ddiy ad asen-iniy awalen imezwura, grey tamawt i tejmaet-nni, dya tkakiy-d ayen zriy deg ugraw n Senat di Ruma, di tzeqqa-nni tameqqrant n Curia.

Di Sirta ur llin at *nobilis*, ur llin at *popular*. Yiwen n udrum i yellan. Sdat wallen-iw llan kan Yimaziyen am nekk. Yal yiwen d amyar n tmurt anida yella, yusa-d seg Wawras, seg Uybalu, si Tedmayt, si Tezmalt ney ansi nniçen. Yal yiwen

1. Awal n Yugerten yura-t Salluste s trumit (latin) : «*Vrbem uenalem et mature perituram si emptorem inuenerit* / «*Ville vénale, et qui ne tardera pas à périr si elle trouve un acheteur* !».

yusa-d acku uznen-t-id yimezday yellan din. Ur illi d idammen n jeddi-s, ney d igran-is n yirden i t-id-issawɗen yer tejmaɛt n Tmazya di Sirta. Zriy imir-nni ayen illan yur-neɣ, d ayen ur nelli di tmurt n Ruman. Fur-neɣ, imdanen yiwen wazal-nsen, ur llin tseɗɗarin gar yimɗanen. Masnsen, jeddi, asmi ibedd d agellid, ibedd s yiɣil-is d wayen iga s timmad-is netta ; izwar deg yimenyi, izwar di twizi. Ur ibedd s yidammen n baba-s, Gaya neɣ n jeddi-s.

Mi neqqim d agraw, friy-asen-d i wid d-izzin tadyant akken tenti armi d taggara-s, awal sdat Senat n Ruma, tixidas n wid ibyan ad aɣ-snegren, tadyant n Masiwen. Nniy-asen taggara, ussan d-itteddun ur llin d ussan n tifrat gar-aɣ d Ruman. D tamara, imir-a, ad nheggi iman-nney i yimenyi yid-sen. Tilisa n tmurt-nney, d nekkni kan i d tiseɣlit-nsent. Nniy-asen, ma zik ngen tanafa, ass-a ad ngen kan azgen, ma zik neqqen snat n wallen, ass-a ad neqqen kan yiwet n tiɛ, ma zik nedda d tikli, ass-a ad nazzel. Nekk sawley-asen, nitni slan-d. Nnan-d ayen ɣran d abrid, tamuɣli-nney yiwet.

Ifra ugraw n yimɣaren di Sirta, nekker, yal yiwen yuɣ abrid-is ad issiweɗ awal i at tmurt-is, akken ad issuffey aberrah ameqqran n tnekkra.

Tallit n Albinus Postumius

Calpurnius Bestia izger akkin yer tmurt-is, ur isers tifat, ur irza afud n tmurt-nney. Awal-is irza-t Senat. Yuḡal yer Ruma amzun ur d-izgir ilel. Di tegnit-nni, læsker-nsen zedlen di tliṣa n tmurt n Carthage taqdimt, nekkni nbedd yef yiman-nney, negguni ass-is.

Ur negguni aguren mi nesla izger-d aman jiniral Albinus s uglaḡ n læsker.

Yal asafar n ttrad, yal uzzal n yimenyi igla-d yis. Aḡal d aḡerrabu (ababur) i d-iččur akken ad issemyer ttrad. Di terhilt-nni, idda-d Aulus, gma-s n Albinus, d afesyan aesecriw am netta. Mi aḡ-d-ssawden awal wid-nney yellan di Utika, nekk suffyey awal i yal tamurt n Tmazya. Yusa-d wass n ttrad.

Ussan imezwura, læsker n Yirumyen i d-izegren si Ruma bdan suffuyen-d tucar-nsen, ddan tikkelt da, tikkelt din. Tteddun am areẓzen-nni n teyrast, ttezzin, ur ḡḡan tiymert. Yiwen wass ad qqsen tiyremt, ad seryen igran, ass iḡen ad hudden tiliwa akked tmedwa n waman. Ansi zrin d ayilif, ansi ddan ala lmut, idammen akked yimeṡṡawen i-d-ttaḡḡan deffir-nsen. Nitni tteddun, nekkni tikkal ngezzem-asen abrid ad nemyewwat, tikkal nettaḡḡa-ten ad zrin. Tiṡ-nney nekkni, nra ad nzer amek tella tikli-nsen.

Axbacen-nni-nsen, iban-d ur illi d abrid-nsen nitni. Iban d abrid n tiħherci. Acku Ruman, ma yeqsed tamurt, d nnger. Di tallit-nni, nekk zriy ayen illan di tezmert n Ruman, aħal n yirgazen i yellan, ma d nitni ur zrin aħal n yirgazen i zemrey ad d-sddukley i ttrad. Tef waya, di yal timlilit yid-sen, ttefkey-asen kan ayen ilaqen akken ad ten-dehmen.

Irgazen-nney i d-iggran ddren ugar.

Ansi ffyen yiserdasen n Ruman, ad afen Imaziyen sdat-nsen, ney ad d-ħlellin deffir-nsen, zun tteffyen-d am tyirdmiwin si ddaw tmurt. Ansi kkan ad afen Imaziyen zwaren-ten yer umkan. Nedda-yasen yiwet yiwet, armi ċčan tiyita di yal tama. Di yal timlilit, mi ttewwten, send ad zren ansi i asen-d-tusa tyita, Imaziyen ad ilin ufgen, ffyen annar n yimenyi. Nedda-yasen am tuqqa n tasna n warezzen : tuqqa yef tikkelt, affug akkin yef tikkelt.

Tewwed-d tegrest, iyli-d usemmid, ttrad ifra. Læsker n Ruman uyen amkan-nsen, qqimen anida i ten-tuy. Di tallit-nni, akken izra Albinus tettrah rzaget, imenyi itteddu yer uqerru-s, yuy abrid, yuyal yer Ruma akken ad isuter di Senat ad as-d-irnu læsker ugar. Di Tmazya, iğga gma-s, Aulus, akken ad iħkem læsker illan.

Di Ruma terwi gar-asen di temsizzelt tameqqrant. Yal tama tekkat akken ad tay tasawent di Senat. Ur frin abrid-is, teqqim akken texrez.

Tafrent¹ izemren ad ten-tefru di temsizzelt-nni ur tezmir ad tili. Di Tmazya, Aulus isla amek i terwi di Ruma. Yiwen wass, ikker, ibya ad izwir ad ifru ttrad akken ad yawi isey i yiri-s netta, ney ibya kan ad d-isuffey tucrar-is. Di yennayer, tagrest usemmid d yideflawen, Aulus isuffey-d læsker-is akken ad kecmen Tamazya, ad nnayen yid-ney. Abrid-is amezwaru idda yer teyremt n Sutul².

Mi nesla s tuffya-nni, nuzzel akken ad as-d-neg afrag i Sutul. Send ad nawed, nemlal deg ubrid wid uzney akken ad d-awin isalan si Sutul. Tiyyremt tella tefreg, agadir-is izmer ad ittef tiyita tameqqrant. Aulus ur izmir ad ikcem. Izzi-yas i teyremt aḥal n wussan d wuḍan, wa yekkat win yekkat, nekkni neqqim-asen-d akkin si tɣaltin, nentel, negguni.

Aulus amcum, anekcum ibya ad ikcem tiyyremt, tiggdi yuggad ad iddu yer sdat. Yuki-yas d taqerḥant. Mi nezra tadyant-nni, nniy-asen i læsker i illan yid-i : ad neddu ad nqerreḥ yer-s, ad ay-d-izer, ad t-id-nesselqeḍ, netta akked læsker-is, yer unnar ilaqen. Taggara ad nzer ma d imenyi iyef itteddu Aulus, ney d askan n tezmert-is kan. Illa deg wawal n zik di tmurt-nney : «ma tseyleḍ, wwet ! Ma ur tezmired, ur

1. Tafrent : Ibut (*le vote, dans la République romaine*) yal tikkelt deg useggas, imezday n Ruman ad fernen sin yimdanen (tayuga n yimdanen), wid ara ibedden d Consul di Senat n Ruma. Yiwen ad iqqim di Ruma ad iseddu timsalt n tmurt, wis sin izmer ad iffey s læsker akkin i tliṣa n tmurt n Ruman, ad ikcem timura n medden, ad issemyer tamurt n Ruman.

2. Sutul = Astul (?) ; isem n tiyyremt ur ittwassen ass-a di tmurt n Tunes, ney di tmurt n Lezzayer n wagmuḍ.

sʔal !», d netta ara aʔ-tt-id-ifrun. Ayen i wumi zwareʔ, fkiʔ wid ikecmen gar læsker n Aulus, lʔan am nitni, zun d Ruman. Yal tardast i ddan, yiwen seg-sen ad aʔ-d-isiweɖ ayen illan, anida llan, d wayen nnan. Tga-yaʔ zun gar-asen i nella.

Mi nedda ʔer sdat, ʔran-aʔ-d, dʔa nekkni nezzi-d ʔer deffir zun ad nerwel. Nekkni ntteɖdu sdat, nitni tteɖɖun-d si deffir-nney, ǧǧan tiʔremt n Sutul ʔer deffir-nsen. Tameddit n wass aneggaru, send ad d-iʔli yiɖ, nekkni nga agraw i yiɖ, Aulus akked læsker-is bedden deffir-nney, gan agraw akken ad nsen deg yiwen n ugni. Agni-nni zzint-as tawrarin si yal tama. Amkan-nni nessen-it, nessen iberdan-is.

Mi d-iʔli yiɖ, usan-d ʔur-neʔ wid-nney i yellan gar-asen, sawɖen-aʔ awal, amek ʃeggmɛn iman-nsen læsker n Aulus. Ilmend ad ngen am nitni, nniʔ-asen i yifesyaneɛ illan yid-i :

— Ad awen d-iniʔ awal. Aɕal n wussan i nessensar i Aulus, nekkni nezra ayen illan, netta ur izri. Di tɖraɖ d axɖaf. Win iwten d amezwaru i yezwaren ʔer tsawent. Tamsalt n Aulus ad tt-nefru ass-a. Ad nekcem tagrurt-is deg yiɖ-a. Yal yiwen ad ikker ad iheggi iman-is akked læsker-is !

Tas ifesyaneɛ-nney ʔran imenʔi n yiɖ ur illi d tanamit-nney, taggara ʔran ilaq-aʔ ad tt-nefru akked Aulus. Mi asen-nniʔ awal-iw, susmen, yal yiwen ikker ad iʃeggem iserdasen-is. Tiremt, nʃeggem idurra, d abrid ʔer tegrurt anida yeffer Aulus akked læsker-is. Nedda-yasen yiwet

yiwet, s tsusmi, awal ur illi. Nedda-yasen-d si tama ufella, nezzi-yasen yef yidisan akked tama n wadda, nga-yasen tubrint.

D tazarezt, ur illi wansi zemren ad nnesren.

Mi zriy nezzi-d akki ugni, nga-yasen tameqyast, neğğa-ten ad gnen armi d tanemmast n yiḍ. Send ad siwḍen tanafa, nekkni neyḷi fell-asen am wakken tyelli tmedda yef uyerda n yigran. Send ad d-dduqqsen, ad zren ayen idran yid-sen, nekkni nesserwet asgen anida gnen. Ur zran ad rewlen ney ad kkren ad wwten yef yiman-nsen. Naddam, εeggu n tikli aḥal d imenyi n wussan akked usduqqes-nni, abrid-nsen d anejli akkin d wakka. Ikker herwel ameqqran deg unnar-nni. Amur ameqqran seg-sen rewlen, dduklen yer yiwet n tewrirt illan nnig umkan-nni. Neṭṭef Aulus gar yifassen-nney, læsker-is neğğa-ten ad nnesren, amur ameqqran deg-sen ur iddim uzzal. Nekkni nella nezzi-d akk i tewrirt-nni, ur din tuffya. Teḍra yid-sen am yiwerdayen deg umerdax. Aulus nurez-it-id, aytma-s ur illa wansi zemren ad rewlen. Mi yuli wass, sutrey-as i Aulus akken ad tt-nefru.

Si tnemmast n yiḍ, si mi asen-nekcem annar, nezzi-yasen, nekk reffdey srusuy amek i d ixef-is temsalt-nni. Ayen ssarmey nekk d amezwaru, d abrid n tifat nekkni akked Ruman. Imenyi n wass-nni, nekk ssarmey ad ay-is-eddu tardast ugar deg ubrid n tifat. Tella tayed. Tur-ney nekkni Imaziyen, axšim ma yeḷi, iwweḍ tamurt, iglalez, argaz n tissas ur as-irennu tiyita.

S ubrid-nni i as-ddiy i Aulus. Qqimey yer tama-s, nniy-as :

— Aulus ! Tusam-d ad ay-tennayem di tmurt-nney. D kenwi i d-izegren ilel, tkecmem-d Tamazya-nney. Nekkni ur nra ttrad mgal tamurt n Ruman ; i nessarem nekkni d talwit, yal yiwen ad iqqim di tmurt-is, ad iqqim di tliisa-s. Taggara tesseflem-d açal n læsker akken ad tgem ttrad deg wakal-nney. Kečč, uyal yer tmurt-ik, siweđ awal ara ak-iniy i Senat n Ruma.

Mi as-friy awal-iw i Aulus, yrey i sin n yirgazen-nney i yettffen ixtucen-nsen, sutrey-asen ad bedden, ad gen zun d tawwurt gar-asen s yixtucen-nni, d amnar si tama yer tayed. Aulus si tama-s, yuy awal-iw, iyra i læsker-is ad sersen uzzal-nsen. Imenyi yefra.

Seyley-as i Aulus d amezwaru, idda-d s leħder, ikna, izri ddaw umnar n yixtucen-nni-nney. Syin, yiwen deffir wayeđ, iserdasen irumyen, zrin di tewwurt, seg umezwaru armi d aneggaru. Taggara, neğğa-ten uyalen d imudduren yur Utika.

Mi yewweđ yer tmurt n Ruma wawal n twayit idran yid-sen di Sutul, ikker deg-sen uferfud. Awal-nsen yiwen : «Amek i d-tella tifat akked Yugerten, amek Aulus ifka awal n Ruma, netta i yuggaden ad innay ney ad immet, yuggad ad iwwet s yiyl-is ilmend yessers ajenwi-ines. Awal n Ruma, d agraw n Senat kan i izemren ad t-yefk. Aulus-nni i ay-d-iwwin tacmat, awal-is ur deg-s azal !»

Albinus Postumius, dadda-s n Aulus, izra tadyant n gma-s yer yixef-is kan i tezmer ad tawed. Si Ruma, isehma awal akken Senat ad ttifru akken issarem netta, ad as-d-irnu læesker yer Tmazya. Di ddra n tmerwi-nni, Senat ur iddi deg wawal n Albinus, ur iqbil ad as-yernu læesker. Albinus irfa, texreb-as twenza-s, syin igzem-d ilel Agrakal, yuy-d abrid n Tmazya, ikcem-d tiyremt n Utika.

Nnan, mi d-yusa kan si Ruma yer Utika, yas di tnemmast n tegrest, ibya ad d-isuffey læesker-is akken ad d-yerr ttar n gma-s. Mi yezra tawayit ideg llan læesker-nni, yuggad ad yečč tiyita tis snat. Taggara, isers iman-is, igguni tafsut, igguni ass-is.

Tadyant-nni n Aulus terna deg-nev aferfud. Di Ruma cudden arkasen akken ad d-rren ttar, Albinus ihegga iman-is, nekkni neqqim, newhem amek i d ixef-is. Abrid-is iban anida itteddu, ad yerɣ uzegzaw d uquran. Tilufa n Ruman nessen-itent ačal aya. Di tazwara kan, nniy-asen i yat tmurt, tifrat ur d-yusi wass-is, suffyey aberrah i twizi tameqqrant. Yal tamurt d tamara ad d-ternu amur-is n yirgazen i ttrad.

Ayen i ay-ixulfen nekkni akked Ruman d wa: nitni sbedden tamurt-nsen yef tejmaet n Senat, adabu illa, læesker illa. Yal tikkelt mi ara asen-d-teyli taluft, d timerna kan i rennun i wayen illan.

Nekkni di Tmazya, ur tteddunt temsal akken. Nnig læesker i yellan yid-i seg yixef yer yixef n useggas, amur ameqqran d ifellahen i d-ittekkren yal tikkelt mi ara d-iffey uberrah i

ttrad. Yugar seg-sen i yuɣen tanamit d uqabac i yuɣen tanamit d ujenwi neɣ aneccab. Ɂas akken, yal yiwen seg-sen mi yebges, zun d izem. Ɂas d ifellaɣen, nitni heggan yal ass akken ad wwten ɣef tmurt-nsen. Ma d tanekkra i yimenɣi mgal Ruman, llant tikkal alamma tewweɗ-asen ɣer talast i d-tteffken udem. Llan deg-neɣ, acengu-nsen, d win kan i d-ikecmen tilisa n yiɣrem-nsen, n taddart-nsen. Zun tuɣal-d tmuyli-nsen ansi d-uɣalent tlisa n wakal n yiɣrem-nsen. Ɂur-sen, win d-ikecmen Tamazɣa, skud ur d-iwwiɗ akal-nsen, amzun ur illi !

Amur ameqqran n tikli akked tazzla si tmurt ɣer tayed, ttedduɣ akken ad fruɣ tilufa n yimenɣiyen gar-asen. Mi tefra yiwet ad d-tlal tayed. Akka yal tamurt, yal tallit. Tikkal ɣef tlisa n tkessawt n tejlibin, tikkal ɣef waman n wasif, tikkal ɣef wulac neɣ ɣef wawal gar sin yimdanen. Mi tekker tmes, ugar i d-irennun i ccwal i d-ikeccmen i tifat. Akka i d tamurt-nneɣ, iseq yella deg-s, akerfa yella deg-s.

Ddiɣ di yal tamurt akken ad nesbedd afud n tnekkra. Di yal tiɣremt, d tamara ad yili ufrag, ad yili wayen ara ččen yimezday-is agguren ma yezzi-yasen Ruman. Anida ur llant tesrafin, nɣez tisrafin i yirden, i temɣin, i tazart, i tini. Yal taddart, yal iɣrem ad tili tgella-s iffren. Anida llan yiɣerman ur nefrig, nesddukel-iten anida yella ufrag. Nessulli ayen illan d irgazen, imnayen, igemren. Iɣeddaden isefsayen uzzal begsen, wiɗ inejjren asɣar hebbken i tanjert n temsegfin, n yixtucen akked yineccaben. Yal yiwen ikker,

irgazen, tulawin, imezyanen, imɣaren. D tiwizi tameqqrant, d tiwizi n tmara. Di yal tiɣremt, ilemɣiyen kkren, icawraren bedden di yal tawrirt, di yal tiɣilt, allen-nsen ldint i tmuyli, ayen imbawlen zran-t, awal sawɗen-t i yal tiɣremt.

Mi fran yimɣaren n Ruman agraw-nsen di Senat, uznen-as-d i Albinus : Ilaq-as ad yuɣal yer tmurt-is, ad iffeɣ si Tmazɣa.

Albinus itteddu ad iffeɣ tamurt-nney, akken d asemmaɗ, ad ikcem Ruma, ur d-irri ttar n gma-s Aulus.

D Cecilius Metellus i fernen di Senat ad ibedd d Consul amaynut¹ deg useggas -109 S.A. Fran, d netta ara d-izegren yer Tmazɣa, d Consul, jiniral n læesker deg umkan n Albinus. Tamurt-nney nekkni, Irumyen sbedden-as-d aqerru si Ruma, amzun d ayla-nsen nitni !

Tamazɣa d akal-nney, d akal n yimezwura-nney, d ayla n wid ara d-ilalen deffir-ney.

1. Wis sin i yefren Senat di tafrent-nni n -109, d Marcus Junius Silanus.

Tallit n Metellus Cecilius

Metellus irna-d læsker ugar, irna-d uzzal ugar, igemren ugar, syin yuḡ-d abrid n waman armi d Tamazya, s tejlibt n yiyerraben (ibaburen).

Asmi i d-iwwed, yufa-d Albinus yella di Utika. Metellus izzi-d akk i yimukan anida llan læsker n Ruman. Yal tama yekka-yas, taggara yeḡra s wallen-is ayen illan. Ala asekkak yer gma-s, ala yir tanamit di yir iberdan. İzra tawayit-nni ideg llan læsker-nsen. Metellus ifhem ur llan d wid iss izmer ad yeg tṭrad. Ifhem, ifra-tt, ur llin d irgazen izemren ad nnayen Imaziyen.

Akken ad yay abrid n tṭrad, ilaq-as i Metellus ad ibeddel udem akked tikli n læsker-is. Ussan imezwura kan, ikker, ibeddel-asen tikli, ikkes-asen ayen n dir, ikkes-asen yir tanamit, isbedd-iten s tazzla yal ass, tikli d uselmed n tudḡsa n tṭrad gar-asen ; yal ass ad ddun deg yiberdan, ad beddlen amkan, yal ass ad anfen akkin akka. Acemma kan yerra-yasen-d afud, ifadden-nni n læsker n Ruman. Di tudḡsa n læsker, neḡra, nnig Ruman ur illi. Ayen akk i ixeddem Metellus deg uselmed-nsen, yella yeḡ tiṭ-nney nekkni.

Aḡal n tikkal i as-uzney i Metellus akken ad neqqim, ad as-d-naf tawwurt. Tṭrad gar-aḡ d Ruman, nekk ur t-ssarmey, Metellus ur as-d-iban d abrid ilhan. D yir abrid-nni i neḡra i sin yid-

nney, d abrid ur nelhi i Ruma, d abrid ur nelhi i Tmazya. Uzney-as imdanen akken ad t-ẓren, s wawal ilhan, ad nekkes ugur akked tagut i yellan gar-aney, ad d-naf abrid n tifat.

Metellus iqqen-itt akken iden.

Ilmend n tifat, Metellus iwwet ad yurar tiḥherci, ad yeg ticerket s yal amdan i as-uzney i tifat. Iṛeggem igerrujen imeqqranen i yal yiwen, i yal amdan izemren ad as-isiweḍ gar ifassen-is Yugerten, iqqen am yizimer !

Asmi i ay-d sawḍen awal wid akk i wumi iṛeggem, fehmeḡ ur illi laman deg urgaz-nni. Tas akken, ur kkiseḡ asirem seg wallaḡ-iw. Nniḡ-as, ayen nezzuḡer ḡer sdat, ayen nesseyzef deg wussan n talwit ugar. Di Ruma, ẓriḡ tezmer ad tbeddel tegnit, izmer ad ibeddel wudem n udabu, ad zrin wagguren, iseggasen, taggara ad tekkes tyennant fell-ay. I nekk, Metellus, akken i as-fkan læsker ad yeg tṭrad ass-a, i zemren ad as-d-aznen azekka akken ad yuḡal ansi i d-yusa, am Bestia akked Albinus. Nniḡ-as, yal ass i d-nekkes seg wussan n tṭrad ilha.

Metellus icudd arkasen, ikker, ira ad ibeggen i wid-nni i t-id-yuznen izmer-as i tṭrad n Tmazya. Ibya ad d-ibeggen i yixṣimen-is di Ruma netta iga-yas azal i umkan-a ideg yella. Taggara, ira ad ifru uguren-nni n Senat di Ruma s yidammen n Tmazya. Akka di yal tamurt, di yal tallit. Amdan yiwet tikli-s. Tilufa n umkan-a, ad iwwet akken ad tent-ifru seg umkan iden. Tga-yas i Metellus am temsaereqt-nni-nney :

«afus-is deg ufus-inu, şşut-is agemmaḍ-in». Tikersi di Ruma, Metellus ira ad tt-ifsı di Tmazya!

Yiwen wass nesla bđan tteffyen-d læsker n Metellus si tlısa n wakal «*Province romaine*», d abrid yer Tmazya.

Mi yi-d-sawḍen awal, ukiy i wussan iberkanen wwḍen-d. Ayen akk i newwet akken ur d-keccmen akal-nney, ass-a tewwed-ay-d tafat yer wanzaren. Abrid-is ifra, ur illi wanida ara nessinef.

Di tazwara, mi d-bđan tikli-nsen læsker-nni, ur seryen, ur nyan, ur snegren. Metellus akked ufesyan illan ddaw-as, Marius Caius, tteddun-d, nwan ad iyi-yafen deg ubrid gguniy-ten. Tteddun, abrid-nsen yer Teyremt n Begga. Din di Begga, kecmen tiyremt war imenyi, gğan tarbaet n læsker-nsen, ttfen tiyremt, syin rnan dđan abrid-nsen yer sdat.

Nitni tteddun deg wakal-nney, nekk sedduy awal-iw di tmurt-nney. Nniy-as, yas cudden-d arkasen i ttrad, nezmer ad d-naf tasarut n tıfat. Ur ızri yiwen ansi ara d-tas tafat. Awal n Metellus i wid i as-uzney ur ibeddel, iqqim yiwen-is : «awit-d Yugerten, d amuddur ney d ayerrus !»

Illa deg wawal zik, «mi ara tawed tfidi s iyēs...». Metellus isawed tfidi yer yiyes, anida ur tettekkes teqqreḥ. Nefra, ilaq-as ad iḥliles, akken ad ızer teqqreḥ n yimenyi mgal Imaziyen, akken taggara ad d-yuyal yer ubrid ilhan.

Nefra ad asen-neqqim i Metellus akked læsker-is di tzaıart n Mutul¹, akkin i wasif.

1. Mutul : isem n tiyremt ur ittwassen ass-a di tmurt n Tunes ney n

Nezra abrid ideg llan tteddun, nezwar-asen, nhegga iman-nney din. Bumelqer yuy amkan-is s læsker-is akked lfilan illan, nekk ttfey-d amkan aghemmaḍ yer tama n tiyilt. Nefra amek i d ixef-is mi ara d-awḍen amkan-nni. Neqqim negguniten. Awalen-nni i asen-nniy i læsker-nney ur ten-ttuḡ. Awalen-nni usan-d seg yidammen-iw, usan-d seg yizuran n tmurt-nni n yimezwura-nney. Ass-nni tkakiy-d jedd-i Masnsen, zerrey-t sdat waṭṭawen-iw mi asen-sawaleḡ i læsker-nney. Ur riḡ tṭrad ur sarmey azaglu i tmurt-iw. Nniy-asen,

— Aytma ! slet-iyi-d ! Ass-a yusa-d wass ideg ara nekkes azaglu i tmurt-nney ! Ur neffiḡ abrid, ur nekcim tamurt n medden, ur nezgir ilel akkin i udrar n Tgergert ad naweḍ tamurt n Ruman ! Ass-a aql-aḡ di tmurt-nney, deg wakal-nney anida llan yizuran-nney akked yiḡsan n yimezwura-nney ! Ur nezmir ad nefk afus di tmurt-nney ! Ad aḡ-zzmen ijedditen-nney, ijaddaren-nney. Wid i d-ikecmen akal-nney ass-a, usan-d si akkin i yilel, usan-d si akkin i udrar, rḡan leenaya n tmurt-nney, kecmen Begga ! Ma neḡḡa-ten, ad kecmen yal tiyremt, yal tamurt ! Talast, d nekkni ara asen-tt-igen s yiḡil-nney ; afrag d nekkni ! Ur nuzzil yer tṭrad, ur nra tṭrad ! Nezwar s yiles aḡidan, s wawal n talwit, s wawal ilhan akken ad d-nefsi tundar icudden ! Ass-a Ruma ur aḡ-d-ifki tamezzuḡt, ur iga azal i wawal-nney ! Ma tella tuzzma, fell-asen kan ad tili ! Aql-i sdat-wen ! Acengu la d-itteddu ! Isey-

nney, isey n tmurt-nney d kenwi i as-ibedden akken ad as-tgem talast ! Aql-ay neddukel afus deg ufus, tayet yer tayet, ad nerrez afud i ay-d-iwɗen ! Ad nerrez afus n Ruman i ay-d-innulen ! Abrid n yisey ass-a, abrid n tissas d kenwi ! »

Rniy smektaɣ-asen-d tadyant n Aulus akken ad ẓren ma neɣa, ma neddukel, nekkni nezmer-as i udrar. Rniy-asen :

— Tadyant n Aulus iɗelli kan i tezri. Nɣil ass-nni nuɣ abrid n yisey, nerra Aulus akked læsker-is d imudduren, neġġa-ten uyalen ɣef yiɗarren-nsen, ɣer yixxamen-nsen, ɣer tarwan-nsen akked yimawlan-nsen. Nekkni nessarem talwit i tmeddit, taggara Ruman yerna-d læsker ugar, yerna-d uzzal ugar akken ad yeg ttrad mgal-nney. Iɗelli d Consul Bestia, syin d Consul Albinus akked gma-s Aulus, ass-a d Consul Metellus. Udem-nsen yiwen, d udem n tyennant akken ad rren tamurt-nney ddaw uzaglu-nsen. Ihi ! Nekkni ad asen-nini uhu ! Tamurt, nney, akal, nney, nekkni d Imaziɣen ur nqebbel azaglu ! Ass-a yal yiwen seg-wen ad iger afus ad d-ijeqqem amur seg ugrim n Ruman. Ass-a tamurt d kenwi i tegguni !

Mi d-iwwed Metellus s læsker-is, yufayay-d nhegga-yas tazarezt. Mi d-wwɗen ɣer unnar-nni, ẓran-ay-d, dya zzin, sduklen iman-nsen, syin bɗan ɣef tlata n yihricen, šeggmen i yimenyi. Afesyan Rutilus, s umur n læsker, yuy abrid tama n wasif, Metellus itteddu ɣer sdat s umur nniden, Marius iggra ɣer deffir.

Ur nezzi, ur nezzuwer. Nekk si tama, Bumelqer si tama nniḍen, neyli fell-asen.

Tussna n yimenyi n Ruman tga am tiddas. Am akken i tt-lemdey di Numance i tella. at tmurt-nney dayen nekk ssney-ten. Armi tt-cerwey merriyet i asen-slemdey tussna n yimenyi n Ruman. Nnig læsker-nni yellan yid-i, wiyad d ifellaḥen. Ur telli tididi, ur telli tmussni. Mi tekker, nitni ad hebbjen am tassna n warrezen. Yal yiwen akken i as-d-tusa tmuqli, akken i as-d-tseggem tyita ad as-iddu, anida yufa ad tt-isers.

Deg yimenyi-nni, yella wayen i ay-iferqen nekkni akked Yirumyen. Nekkni nessen amkan, nitni ur t-ssinen. Nitni zzayit s wuzzal-nsen, nekkni fessusit, nekkni nesgunfa, nitni eyan si tikli mi d-wwden yer tazart-nni. Amagrad-nni, ayen i ay-iferqen, rriy-t d afud akken ad nesserwet Metellus akked læsker-is.

Rniy-asen awal, taggara i wid-nney, send ad tekker :

— Anida twalam issefk, serset tiyita-nwen.

Akken i tedra. Mi nemmey fell-asen, yekker deg-sen herwel.

Metellus ihrec, issen. Di tnemmast n yimenyi tameddit n wass, izra d id i d-itteddun, isddukel kra n yirgazen yellan yer tama-s, yuy abrid n tiyilt-nni yellan sdat-s. Wid-nney yellan din, ur as-d-gzimen abrid, nnesren akka d wakka. Acemma kan armi nezra amur ameqqran n Ruman uyen tiyilt-nni zun d tadarit. Id iyli-d, nefra imenyi, ur tekki tama di tayed.

Taggara, Metellus innser, neġġa-t ad yuḡal netta akked læsker-is yer wansi d-yusa.

Tidet, deg yimenyi-nni amezwaru, ur riḡ ad snegreḡ læsker n Metellus. Lemmer d ayen i riḡ, yili din ara as-nezzi. Ad azneḡ i yal tamurt ad d-tefk irgazen ugar. Ur d-itteffex si tewrirt-nni alamma yemmurt neḡ yurez s yicuddan-nneḡ. Neġġa Metellus innser d amuddur akken ad as-neg abrid i tifrāt yer sdat.

Metellus, ilmend deg ad yerr aḡar, ad d-yeldi tiwwura n tifrāt i talwit, netta yerna yuḡ abrid n nnger. Ansi yezri, yal tamurt ikcem ad yeġġ nnger-nni deffir : times i yigran, ahuddu n yiḡerman, tamettant i wid ara d-yaf deg ubrid-is. Ansi yekka ad yeġġ yer deffir ixerban, idammen akked imeṭṭawen.

Ilmend ad t-id-nemyager akken ad as-negzem abrid, nekkni neġġa-t itteddu. Simmal itteddu, simmal ittezzu taḡennant, issakay-d ttar, imdanen-nneḡ zerren s wallen-nsen udem n Ruman. D udem n twaḡit, n tmes, n nnger. Yal tamurt nekcem deffir Metellus ad d-begsen wid illan ddren. Anida nufa yeġġa Metellus læsker, nekkni ad ten-nessenger. Akken i as-nedda aḡal n wagguren. Nufa d Metellus-nni i aḡ-d-isenkaren imdanen, i aḡ-d-irennun afud ugar i tṭrad-nneḡ.

Di tallit-nni ideg nettemyenbac akked Metellus, zun d yir urar n umcic d uḡerda, tiṭ-iw nekk rriḡ-tt yer Ruma.

Uzneḡ aḡal d amdan akken ad zegren, ad zren imeddukāl-iw di Ruma, am wid n Senat, am wid

d-iffyen si Senat. Riḡ ad d-naf tifrat, yal yiwen ad izri di tewwurt. Gas imenḡi mgal Metellus itteddu, abrid n tifrat, nekk ḡur-i ur irgil. Asalu yellan izmer ad iseddu azekka, asirem ur ittekkes. Tilufa n Metellus, ḡas mačči s lferḡ i tent-nḡer, nerra-tent zun d uḡu i tyennant mgal Ruman. Yal yiwen iḡran aḡezḡu-nni n Ruman, ad yeg talast gar-as d Ruman. Metellus akked Marius ḡzen asif n yidammen gar Yimaziḡen akked Yirumyen.

Di tikli-nni n læesker n Ruman si teḡremt ḡer tayed, Metellus inwa itteddu akken ira netta. Di tidet, itteddu anida i nra nekkni. Tamurt, neḡ tiḡremt ur nra ad tt-ikcem, nga-yas afrag n yisennanen. Aḡal d tiyita i d-ičča deg ubrid-is. Netta iḡil iṡṡef tamurt, nekkni neḡra nesseksay-it akken ad irnu ad d-yefk udem n tidet n Ruman i yat tmurt-nneḡ. Akken at tmurt-nneḡ ad ḡren azal n tmeddurt tilellit, akken ad gen talast gar tudert n talwit, tudert tamaziḡt, akked tuqqna ddaw uzaglu n Ruman.

Metellus, giḡ-as afrag akken ur ikeccem Sirta akked teḡremtin iḡen. Ma deg uzayar, neḡḡa-t isserwat. Di tidet, tikli-s tefka-d i yat tmurt-nneḡ udem n Ruman. Win ur t-nessin zik, ass-a issen-it, win iṡṡerren ad iqlileḡ !

Tudert n talwit, tikkal tesuffuḡ-d ayen n dir seg wayen ilhan. Asmi yella jedd-i Masnsen d agellid, neḡ deffir-s di tgelda n Makawsen, ulac tiḡmert n tmurt ideḡ ur illi yimenḡi gar teḡremtin, gar tudar neḡ gar yiderma. Tikkal d imenḡi ḡef wayen ideḡ ur illi wazal ; ḡef tlisa n tkessawt,

ɣef terga n waman i tissit n tebħirin, neɣ tikkal
 ɣef snat turdas n wakat. Yal tikkelt tezmer ad
 tawed ɣer wukkim, ɣer ucangal, timseggeft neɣ
 aneccab. Mi uzzlen yidammen, ɣlint tmegraɗ,
 syin ad uɣalen i tuzzma, i «nniɣ-as, tenniɗ-i». Di
 tallit-nni, ur ɣran ur ssinen acengu n berra. Imir,
 acengu-nsen d gma-tsen, d lğar-nsen, neɣ d
 win icerwen tidi yid-sen. Tilisa n tmurt, ur tent-
 ɣerren, ur llint deg wallay-nsen. Tilisa n tmurt
 beɛdent fell-asen akken ibɛed yigenni ɣef tmurt.

Tikli n Metellus, nekk ɣur-i, tusa-d d asfel
 akken ad tekkes tidderyelt i yat tmurt-nney.
 Ansi yezra Metellus ad yeğğ imeɗɗawen, ad yeğğ
 tayennant n at tmurt i yisem n Ruman.

Γas ulac ticraɗ war idammen, tallit-nni ur nri
 ad tiɣzif. Yal tikkelt neɣra anida yella Metellus
 akked læsker-is. Anida yella, nekkni ad as-
 nheggi tarbaɛt ad ten-inebcen si deffir mi kecmen
 tiɣremt. D anbac kan, syin læsker n Ruman ad
 d-uɣalen ɣer deffir ad gen afrag i yiman-nsen ;
 tiɣremt-nni ad tt-ğğen, ad nnesren deg ubrid-
 nsen.

Amur ameqqran n læsker-is i d neɗɗef deg
 yimenɣiyen, nekkni neğğa-ten d imudduren,
 ur ten-nenɣi. Mi asen-nenna awalen iɣeggmen,
 amur seg-sen qqimen yid-nney, uɣalen d
 iserdasen-nney.

Urar-nni n umcic d uyerda gar-aney idda aɣal
 n wagguren. Lemmer irni aseggas yili ad negren
 læsker n Metellus, ad d-iqqim i yiman-is, ad
 irwel akkin ɣer Ruma. Si tazwara, di yal imenɣi
 anida yella, awal-iw yiwen : anɣad n Metellus

ur ilaq ad t-innal yiwen. Metellus yusa-d yer Tmazya d amuddur ad yuḡal d amuddur yer Ruma. Ur asen-nettefk tasebbiwt nniden n tṭrad ameqqran i Senat.

Yiwen wass nesla s Metellus yuy abrid n teyremt Zama¹. Iwweḍ-ay-d wawal mi bdan tikli. Nekkni negzem abrid, neffey abrid ameqqran, nedda ansi nniden, nezwar-iten yer Zama. Tas neḡḡa Metellus isserwet anida neḃya, ma d tiyremt n Zama, nefra ur tt-keccmen yiḍarren-is. akken teḃyu teffey. Amezruy n Zama d ameqqran. Nekk, cubay Zama am mummu n tiṭ-iw seg wasmi lliy d amezzyan. Zama d tiyremt ideg innuy jeddi Masnsen mgal læsker n Carthage. Din i yerza afud n Hannibal akked læsker-is. Din i yerwel Hannibal i tillas n yiḍ. Zama d izuran-nney, d akal ur isluḡu Metellus s yiḍarren-is ass-a.

Di tallit-nni, Masnsen akked Scipion, Consul n Ruma, sdduklen tazmert-nsen akken ad dehmen Hannibal akked Sifaks asmi d-keccmen Tamazya. Dehmen-ten, srewten-ten. Yiwensrewlen-takkin, yiwen tṭfen-t-id deg ucekkal, taggara rran-d akal n Tmazya i ugellid Masnsen. D jeddi Masnsen s timmad-is, izwar sdat læsker-is, ikcem annar n yimenyi. Tadyant-nni n Zama² teqqim-d ar ass-a:

1. Zama = tiyremt yellan di Tunes (ass-a isem-is Jama) ; din i yennuy Masnsen mgal Hannibal deg yimenyi ameqqran wis sin (2^{ème} guerre punique). Hannibal irwel deg yiḍ.

2. Tṭrad n Zama yura fell-as Tite-Live, amyar n Ruman : «*L'historien latin Tite-Live fait un récit très imagé de cette bataille : «Un combat singulier s'engage entre Massinissa et Hannibal. Hannibal pare un javelot avec son bouclier et abat le cheval de son adversaire. Massinissa se relève et, à pied, s'élance vers Hannibal, à travers*

di tmemmast n yimenyi, Hannibal akked Masnsen myizren tiɛ di tiɛ. Hannibal ineggez ɣer tidist, innser i uneccab-nni yerran ɣer-s. Syin, iwɔwet-d s tezmert-is. Aneccab-is inta deg ugmer n Masnsen, iyli immut. Masnsen ineggez akkin ɣer tmurt, yedda s tazza ɣer umkan-nni ideg yella Hannibal. Masnsen ittazzal, ineccaben nettun-d deg ufrag-is igan s uglm n lfil. Mi d-ikkas yiwen n uneccab ad asen-t-yerr ɣer sdat, ad iyli yiwen seg-sen. Deg udwi-nni, yiwet n tyita tenta deg yiyil-is. Idim ittazzal. Masnsen issedreg iman-is, yunef akkin, gan-as tajbirt, cudden-as-d iyil-is, syin yedda ɣer sdat ɣef ugmer iden. Imenyi ihma ugar mi d-ɣran Yimaziyen agellid-nsen yeddat am yizem ɣer sdat. Hannibal itteddu ikkat, itzeggi ɣef leesker-is, tikkal ad yerr akkin, tikkal ad yerr akka, aneccab idda, ajenwi idda, acangal idda. Gas akken ikkat nnig tezmert-is, Hannibal izra simmal irgazen-is nnesren, fecclen, wa yennejrah, wa yessedreg ixef-is. Irna iwɔwet ayen i wumi yezmer, taggara, isddukel tarbaet, yedwi akkin, yeffeɣ seg unnar n yimenyi.

une grêle de traits, qu'il reçoit sur son bouclier en peau d'éléphant. Il arrache un des javelots et vise Hannibal qu'il manque encore. Pendant qu'il en arrache un autre, il est blessé au bras et se retire un peu à l'écart... Sa blessure bandée, il revient dans la mêlée, sur un autre cheval. La lutte reprend avec un nouvel acharnement, car les soldats sont excités par la présence de leurs chefs. Hannibal voit ses soldats fléchir peu à peu, certains s'éloignent du champ de bataille pour panser leurs blessures, d'autres se retirent définitivement. Il se porte partout, encourage ses hommes, abat par-ci, par-là ses adversaires, mais ses efforts demeurent vains. Désespéré, il ne pense qu'à sauver les restes de son armée. Il s'élance en avant, entouré de quelques cavaliers, se fraie un chemin et quitte le champ de bataille. Massinissa qui l'aperçoit se lance avec son groupe derrière lui. Il le presse, malgré la douleur que lui cause sa blessure, car il brûle de le ramener prisonnier. Hannibal s'échappe à la faveur de la nuit dont les ténébres commencent à couvrir la nature.» (2^{ème} guerre punique, -218, -202).

Masnsen izra-t, isddukel tarbaet-is, idda di later n Hannibal akken ad t-id-iṭṭef d amuddur ney ad t-iney. Win ittazzal, win ittazzal deffir-s. Hannibal innser di tillas n yid i d-iylin.

D tadyant-nni n Zama i yenfann Hannibal si tmurt n Tmazya. Taggara, iffeɣ si Carthage, yunag, inya iman-is di tmurt n wagmuḍ.

Di tikli-nney yer Zama, negla yid-nney amur ameqqran n læsker-nni n Ruman i d-neṭṭef d imeḥbas. Neẓra ad gen nnig wayen i wumi zemren akken ur yellin gar yifassen n Ruman.

Di Zama, nṣeggem tiyremt, nessuli ifergan akked yineccaben, nɣez tisrafin, nerna ayen ilaqen i tṭrad. Imezday n din begsen, heggan iman-nsen. Mi ẓriɣ afrag i Metellus akked Marius yuli, ffɣey-d si teyremt akken ad asen-d-neqqim akkin si lbeɛd. Tiṭ-iw nekk, riɣ ad neg taḥilet, ad nesselqed læsker n Ruman berra n teyremt, akken ur keccmen Zama. Riɣ ad d-yili yimenyi berra n Zama.

Mi d-neffey si Zama, nedda abrid-nni i neẓra ad t-id-yay Metellus akked læsker-is. Deg ubrid-nni mi ntteḍdu, nemmugger wid-nney, nnan-ay-d ẓran Ruman itteḍdu-d. Nnan-ay-d tarbaet tameqqrant tetteddu deg ubrid-is, ma d Marius, s terbaet-is tamezɣyant, yuy abrid n teyremt n Sikka, yunef akken ad d-iglu irden i læsker-nsen.

Sdat-nney, sin n yiberdan i yellan. Ilaq-ay ad tt-nefru : ad negzem abrid i terbaet tameqqrant n Metellus i d-itteddun yer Zama, ney ad neḍfer Marius itteddun yer Sikka. Zama ttekley fell-

as, zriy tezmer ad teṭteṭf ademmer amezwaru n Metellus. Zziy, nniy-asen i læsker-iw : «d abrid yer Sikka !». Deg yid i newweḍ yer din. Nufa Ruman izwar-aḡ, uyen amkan, heggan isuka n yirden i fran ad awin. Mi yuli wass, mi d-ffyen si teyremt, neyli fell-asen. Nekkn i nedda fell-asen si sdat, at Sikka rekcen-d fell-asen si deffir. Nerra-ten gar-aney am yiḡerdayen deg umerdax. Ala win i snesren yiḡarren-is i d-iffyen d amuddur. Marius, netta yeḡrec, mi tekker kan, irwel akkin i unnar imenyi, issenser aqerru-s. Mi tefra tin n Sikka, nezzi-d yer ubrid n Zama. Neḡra Ruman zwaren yer sdat, am Metellus am Marius-nni, abrid-nsen iban anida tteddun. Nekkn i netteddu, nferru-tent amek ad sen-neg. Mi nefra gar-aney, nṣeggem læsker, nenna-yasen ayen negguni seg-sen, nedda yiwet yiwet.

Mi newweḍ sdat Zama, neḡra imenyi yekker. Ruman zzin i teyremt kkaten, wid-nney begsen, bedden-d deffir yifergan, deffir ugadir, Arumi yufraren ad t-id-qqden. Yal tiyita tedda, izra imeqqranen, aneccab, axtuc akked yisufa n tmes. Si yal tama d tiwayyin, d azeggi. Afrag n Zama ibedd, ur irtim. Am tyita n Sikka ass izrin, am tedyant n wass-a sdat Zama. Ruman ttnayen yer sdat armi ḡran læsker-nney yekka-yasen si deffir. Ikker deg-sen uferfud. Ur ḡran anida ara rren, ur ḡran ansi ara rewlén. Nerra-ten d inemmasen, nesserwet ayen i wumi nezmer, syin simmal nekkat, simmal njebbed-d iman-nney akken ad nessebæed yef Zama, nitni ddan-d di later-nney. Nudi-tt, teṭteṭf ! Ruman ttun yer Zama i d abrid-

nsen. Iḍ iḡli-d, yal yiwen yuḡ amkan-is. Deg unnar, ur tekki tama di tayeḍ.

Metellus iṭṭef yiwet n tẓayart, issemlal din læsker-is, nekkni nuḡ tiḡilt akkin, at Zama ttheggin iman-nsen i wass amcum i d-itteddun.

Send ad yali wass i heggay læsker-nney. S leḥder, nbeddel amkan, nezzi-yas i læsker n Metellus akken ad neḡli fell-asen si tama iḡef ur bnan. Akken i teffeḡ. Mi yuli wass, nitni heggan iman-nsen, nekkni nekmen, nessusem, ur ẓran anida i nella. Mi bdan tikli ḡer deffir, qublen afrag n Zama, nekkni neḡli fell-asen. Am yiḍelli-nni, am wass-nni. Nezzwer igemren s tazza, di tne-mmast n læsker-nsen.

Yugar i rekḍen igemren i newwet s yiḡallen-nney. Si tṣebḥit armi d tameddit nekkni d imenḡi. Yal tama tekkat ayen i wumi tezmer. Iḡli-d yiḍ wis sin, yal yiwen yuḡ amkan-is anida ara isgunfu.

Ḥas nezmer nekkni ad nekcem tiḡremt n Zama, nekk ur riḡ ad nekcem. Ufiḡ tṭrad-nni ibeddel udem. Læsker i d-yusan ad as-izzi i teḡremt, yufa-d iman-is nezzi-yas nekkni. Tiḡita-nni n Sikka tefka-yi-d tasarut n yimenḡi, tadyant n Zama tefra-tt-id ugar.

Ass wis sin, akken kan yuli wass, Metellus isddukl-d ayen d iggran di læsker-is, yuḡ abrid-is akkin, irwel.

Zama ur tt-kcimen iḍarren n Metellus.

Tagrest tewweḍ-d, Irumyen sdduklen iman-nsen di tmurt n Carthage neḡ di kra n yiḡerman i tṭfen di Tmazḡa. Nekkni di Sirta, ncudd-itt

akken ad d-naf abrid n tifrat akked Ruman. Ansi i nekka, reglen-d iberdan. Senat n Ruma igguma ad aṭ-d-yefk udem. Imṡaren illan deg-s, amur ameqqran sseḥman amendayer akken ad innerni ubrid n tṭrad. Wid iran talwit, awal-nsen ur asen-slin.

Mi yuzney irgazen i tifrat, ad ten-id-rren send ad kecmen Ruma. Teqqim tcudd tkersi.

Metellus akked yifesyanen-is, ṡas akken ur illi yimenṡi, qqimen-asent i tḥila. Iwwed-iyi-d wawal n tikli-nsen. Ayen ur d-iwwi s yiṡil-is akked l̄esker-is, Metellus ikkat ad t-id-yawi s tih̄herci. Izzi-yasen akk i wid illan yid-i, gar-asen Bumelqer, akken ad d-yaf iṡisi gar-aneṡ, ad d-yaf afus ad aṭ-izenzen. Tikli-s, nekk ṡriṡ-tt.

Si Ruma reglent-d tewwura, nuṡal nerra tṡ-nney ṡer Metellus. Nniṡ-asen i wid-nney, ma nesserdeb Metellus, tamezwarut ad nessenqes uguren n tṭrad ilmend n tefsut d-itteddun, tis snat netta ad issiweṡ isalan ilhan i Ruma. Ma nessinef-it ṡer ubrid n tifrat, illa usirem ad aṡen awal-is di Ruma. Yella deg wawal, «diri win ittaysen». Ilaq-aṡ ad nesseddu awal.

Neqqim, nefra-tt. Metellus ad as-nazen agraw n tifrat. D Bumelqer i d amṡar n terbaet. Nefra ad as-inin awalen-a i Metellus : «Nekkni nra tifrat akked Ruman. Abrid n tṭrad ur ilhi i nekkni, ur ilhi i tmurt n Ruman. Nekkni yid-wen nemyussan. Aḥal iseggasen i neddukel, nennuṡ deg yiwet n tama, nennuṡ di Carthage, di Sbanya, di tmura iṡen, nekkes uṡur n Carthage. Ass-a ilaq-aṡ ur nttettu ayen izrin. Abrid injer

Consul Scipion akked Masnsen, ilaq ad yili d asalu-nney ass-a. Tadyant i ken-id-iskecmen yer tmurt-nney, lmut n Aderbal akked Hiemsal, d ugar illan kan gar-aney nekkni. Ur newwid Ruma, ur nra ad nekkes isey yef Ruma. Ayen nra nekkni d tifat deg ubrid n talwit. Nekk, Yugerten n at Yiles, qebley ad rzuq yer Utika di tmurt n Carthage ney yer teyremt n Ruma akken ad myagarey imyaren n Senat. Ur ugadey, ur illi wayen i yawen-ssanfey».

Asmi d-tuqal terbaet-nni si Utika, wwin-d awal ilhan : Metellus isuter-d ad rzuq yer teyremt n Utika akken ad nemlil din.

Akken friy ayen izwaren di Sirta, friy d rray-iw ad awdey amkan-nni n temlilit. Abrid-iw yiwen, anziz usirem ma yella ilaq-ay ad t-id-narez. Awal nenna-t, nekkni ad nettef deg-s. Sddukley tarbaet, uvey abrid n Tisidum¹. Llan yid-i wid iddan tikkelt tamezwarut akked Bumelqer yur Utika, rniy kra n wiyaq. Abrid yezzif, nteddu nferru-tent, nreffed nesrus i tadyant deg nella.

Tuccar n Metellus, yas sliy-yissent, semziy-tent. Gas ssney-t, nniy-as taggara ira ad yax abrid n yisey, ad issenqes uguren i tmurt-is. Netta ildi-d tawwurt, nekk ilaq-iyi ad zriy deg-s.

Abrid uvey nekk s timmad-iw, riq ad as-slemdey tadyant i Metellus. Ad nemlil, argaz sdat urgaz, akken ad as-sfahmey ayen i d-isuter deg-i d ayen ur nqebbel. Isuter-d ad as-nefk ayen akk illan d lfil, ikufan n wurey, akked

1. Tisidum : isem n teyremt, ur ittwassen ass-a di tmurt n Tunes, ney di tmurt n Lezzayer.

yimeḥbas Irumyen i d-netṭef deg yimenyiyen. Tuttra n Metellus ur telli d abrid isuffuyen yur tifat. Argaz i d-isutren annect-nni ur illi d win n wawal. Simmal ttedduy, simmal timlilit n Tisidum tugi-tt twenza-w. Di tazwara d timlilit di Utika, syin tezzi tegnit, nnan-aɣ-d timlilit di Tisidum. Mi nella ntteddu, di tnemmast n ubrid, sbeddey agmer, nniy-as i terbaɛt :

— Abrid irgel, ad nuɣal yer Sirta !

Mi d-nezzi, nniy-asen ayen walay d abrid. Imir-nni zriy ur tezmir ad tili tifat gar-aɣ nekkni akked Metellus.

Nerna kra n wagguren ideg ur d-illi yimenyi ameqqran, ur d-tlul tifat. Anida llan Ruman, nitni kemnen, nekkni nettheggi iman-nney.

Yiwen wass usan-d isalan si Ruma : «Senat ifka tamurt n Numidya i Metellus !»

Awal-nni isduqqes-iyi. Ma yella wayen kukray deg ubrid uyeɣ zik, ass-nni ikkes ukukru. Senat n Ruma ifka tamurt n baba d jeddi i Cecilius Metellus, argaz i d-izegren idelli kan si Ruma, mazal ur kkawen yijufar-is seg waman n yilel Agrakal ! Ayen i wumi d-tkakiɣ di tazwara, mačči d at tmurt-iw iddren am nekk. Wid i wumi xemmeɣ d wid immuten, d iɣsan n yibabaten-nney, n tyemmatin-nney, izuran-nney, imezday n yijaddaren-nney. Wid-nni ur zmiren ad d-gren tiyri, ur zmiren ad d-kkren akken ad suyen neɣ ad rren tiyita, ad kksen aqezzul n Ruman. Nitni mmuten, nekkni d tamara fell-aɣ ad ten-nesdari di talwit-nsen, ad nerr talaba i yiɣsan-nsen, i wikal-nni ideg neɭlen.

Metellus tettunefk-as-d tmurt n Tmazya si Ruma ! Zun d tamurt n war imawlan, ney tufrar-d seg waman n yilel, gar Carthage akked Ruma.

Isalan-nni fran-aɣ-d tadyant-nni n temlilit i ihegga Metellus di Tisidum. Nekk yur-i ur telli d timlilit n tifrat. Fur Metellus, timlilit-nni i ihegga, d tazarezt. Ihegga-tt d tasraft ideg ara isedrem wid yumnen awal-is. Iberdan n tifrat reglen-d, ur telli tuzzma fell-aɣ. I aɣ-d-iqqimen ala abrid n yiseɣ.

Nekker fell-aɣ, nezzi i tmurt, nga aberrah akken ad d-nesbedd irgazen ugar, wid ara ikksen ayilif n Ruman. Yal tamurt anida nedda nufa nnig wayen i nessarem. Yal tamurt iseg yezri Metellus, anida yenya, yerna yessery igran d tzeywa, nufa aytmaten kkren-d akken llan. Aɣu n tnekkra isud-d i truži n uzaglu n Ruman, yedda akkin, yuy yal tama n tamurt.

Mi d-nezdi irgazen-nney, nuɣ iberdan ansi yezri Metellus. Yal tamurt ideg yedda, nerrayasen-d asirem. Yal imukan anida llan Ruman nessenger-iten, anida ur llin nerna-d irgazen. Akken armi nesmed admer ameqqran.

Deg udwi-nni, llan yiɣerman i aɣ-izwaren i tnekkra, kkren nitni i tyita n Ruman.

Tiyremt n Begga tezwar-itent. Tadyant-nni terza asalu i tnekkra mgal Ruman.

Deg wass amezwaru n tefsut, tiyremt n Begga tella teččur d læsker n Ruman. At Begga fran-tt, cudden-tt. I yimensi n tefsut, yal Amaziy n Begga isekcem yer uxxam-is d inebgawen, yiwen ney

sin si læsker-nni. Taggara gan-asen timecredt, nyan-ten akken llan, tečča-ten tefrut, ur d-iqqim yiwen seg-sen d amuddur. Wid illan di berra, ur illi wanida zemren ad rewlén. Tiwwura n teyremt medlent, ixammen ideg zedýen gan-asen-d afrag Yimaziýen. Zzin-asen, wa s uneccab wa s ujenwi, wa s tgelzimt, armi i ten-snegren.

Yiwen ufesyan-nsen, T. Turpilius, gğan-t at Begga iggra-d amuddur, d inigi, akken ad yuýal yer Utika, ad isiweđ awal. Mi yekcem Turpilius tiýremt n Utika, Irumyen n din hekmen-as s lmut, nyan-t, acku nnan-as yeğğa-n læsker-is yenger, netta yerwel.

Si tnekkra-nni n Begga i ay-ikkés unezgum ameqqran. Nekk, kksey-t seg yiman-iw : aýar n tnekkra yella deg yidammen n at tmurt-nney, illa umeksa neý ur illa, yal amdan n tmurt-nney izdeý deg-s uýar-nni n yiseý seg ur iqebbel tabarda n imnekcem. At Begga kkren, begsen, cudden-tt gar-asen, taggara kksen isem n Ruman di tiýremt-nsen. Ass-a zran, ayen ibýu yili yer sdat, nitni huccen, senhezzen adabu n Ruman s yiyallen n tddukli-nsen. Gas taggara, ur sen-tdum tallit-nni.

Tadyant n Begga akken i tt-nezra nekkni d isey ameqqran i Tmazýa, i iwweđ wawal n twayit-is yur Metellus akked Marius.

Mi yessawed Turpilius yer Utika, ala netta i d amuddur, tuýal-asen am wid idrewcen. Ur fhimen amek imezday n Begga rzan lqanun n Ruman, nyan læsker n Ruman, snegren-ten ! Tuýal-asen d tuhsift, d tayennant n war talast.

Send ad slen læesker n Ruman s tedyant idran, send ad ten-ikcem uferfud, send ad beddlen tikli-nsen, anida ddan ad zren lexyal n waytma-tsen immuten yir lmut di Begga, Metellus icudd arkasen-is. Ur d-zzin sin ney tlata wussan, mi yessem yer Metellus tajlibt n læesker, abrid-is yer Begga akken ad d-yerr ttar.

Isey deg-ney i yella, læar deg-ney i yella.

Yal tamurt akka i tella. Di yal tamurt i tekcem tmurt iden, amur ameqqran ikka-d seg ufus n at tmurt-nni ittwakecmen. Anida ur illi ufus, ur illi yimnekcem. Akken tadyant n Begga.

Mi tteddun læesker n Metellus yer teyremt n Begga, send ad awden tiwwura n teyremt, isbedd-iten Metellus deg ubrid. Izzwer yer sdat imnayan imaziyen i yellan yid-s. Iga-ten Metellus d afrag yer sdat. Mi wwden Yimaziyen-nni timizar n Begga, asurif kan send tawwurt, akken i ten-id-zran yimezday-is, ur gan anezgum. Nwan d imnayan-nney. Udem-nsen d Imaziyen, lsan am Yimaziyen, iles-nsen d tamaziyt. Si tmuyli-nni, iæssasen n teyremt akked yifellaßen illan di tebhirin-nsen qqimen di tfellaht-nsen, tiwwura n teyremt gğan-tent ldint. Simi kecmen yimnayan-nni n Metellus yer Begga, taggara zzin-d yer deffir, srewten wid illan sdat-nsen, nyan wid i ten-id-iqublen, urzen tiwwura n teyremt, syin iflali-d Metellus s læesker-is Irumyen, ikcem Begga. Ikker uzeggi di teyremt, Ruman ikcem tasga. Læesker n Metellus nyan wid nyan, seryen tizeywa n teyremt, hudden ayen hudden. Cudden imehbas fernen-ten, glan-

ten d aklan-nsen. Taggara, ġġan iħemmalen n yidammen deg yixerban n Begga.

Si tyita-nni n Begga, nekk kksey asirem n tifrat si tama n Ruman. Ayen i wumi zemren gan-t. Tikli n Metellus akked Marius tban am uzal. I aṡ-d-iggran yid-sen d ajenwi !

Nefra, ttrad mgal Ruman ad yiṡzif.

Ilmend ad neddu deg ubrid ad nedhem læsker n Ruman deg yimenṡiyen imeqqranen, alamma tama tekka di tayed, nekk ddiṡ-as abrid amaynut. Ilaq-aṡ ad nessiṡzef imenṡi, ad nessefcel tazmert n Ruman yiwet yiwet alamma imeqqranen n Ruma ad ttun tadyant n Tmazṡa. Ilaq-aṡ ad nessiṡzef imenṡi, ad newwet akken ur d-rennun ugar læsker si Ruma, taggara ad d-yas wass ideg ara ibeddel wudem n ugraw n Senat di Ruma. Nessarem ad d-nemlil ṡer sdat imṡaren wid ukkud nezmer ad nefru, wid ukkud ara nefsi tundar icudden.

Sin n yiderma-nni yellan di Senat, at *popular* akked at *nobilis*. Yal ass d amjadel anwa ara yaṡen adabu n Senat, anwa adrum ara d-iṡṡfen tasawent ṡef wayeḍ. Yal tama tekkat s wayen i wumi tezmer, s tidet, s tsertit neṡ s tfukal, akken ad d-tifrir. Seg wass ṡer wayeḍ, tezmer ad tbeddel udem. Wid i d-yuznen Metellus si Ruma ṡer Tmazṡa, zemren azekka ad iṡli wawal-nsen ; azekka ad d-asen deffir-nsen wid ara as-d-iṡren i Metellus ad yuṡal akkin, si Tmazṡa ṡer Ruma, netta akked læsker-is.

Nekkni, ṡas abrid n yimenṡi yenjer, abrid n tifrat ur t-nettu. I Metellus fkiṡ-as wid ara

t-issedhun, i Ruma uzney i wid illan din akken ad siwden awal-iw i wid yellan deg ugraw n Senat akked wid sarmey ad kecmen tazeqqa n Senat yer sdat.

Zziy i tmurt akken tella. Yal azayar, yal adrar kkiy-as-d akken ad nessemyer tanekkra. Yal tamurt nekcem, amager yiwen-is : tawayit n Rumantewwed-itenney-slanyis-s, irgazenheggan i twizi n ttrad. Wid i yuvalen seg yimenyiyen yer yiherman-nsen, hkan-asen tidyanin ideg llan. Mi d-tusa tegrest, amur ameqqran n laesker n Metellus yuval ad izdel deg wakal n Carthage, wid iqqimen deg yiherman n Tmazya sdurin iman-nsen deffir yifergan imeqqranen akked tregwa i yzen deg wakal. Qqimen din, kemnen, ggunin ussan n tefsut. Nekni ncudd-itt, yas d tagrest d usemmid, nuzzel akessar d usawen ad nesmenteg tanekkra.

Tallit-nni, mi grey tamuyl i ttrad mgal Ruman, anida rezfey ufiy at tmurt-iw, mezzi ney meqquer, begsen i twizi tameqqrant, nwiq nezmer i udrar ad t-nerr d azayar. Udem-nni n tdukli isefreh-iyi. Uyalev ttuy uguren-nni akk yellan gar at tmurt-nney. S tamuyl-nni n tdukli gar-anev ideg lliy, tdukli-nni am yidudan ufus, i d-iyli fell-ay usyax n Bumelqer.

Bumelqer illa am gma ney ugar. Anida ur lliy, d netta i d awal-iw, d netta i d tit-iw. Neddukel, nemyussan si zik n zik. Nedda di temzi, di talwit, deg yimenyi. D netta iyef bniq, fkiy-t ad iselqem awal akked Metellus. Bumelqer issen Ruman, issen tamurt-nsen, issen amek tteddunt temsal-

nsen. Ilmend ad isedhu Metellus, ad t-isgen s wawal akken ad nezzuyer imenɣi ar d-yas wass n tifat i nessarem, Bumelqer yuɣ abrid iden, yuɣ awal n Metellus.

Mi sliɣ Bumelqer ifra akked Metellus ɣef uqerru-w, di tazwara ur umineɣ. Bumelqer-nni yellan am gma, ur nwiɣ ad d-yas seg-s uɣurru.

Yal tikkelt, mi neqqim, netta ad d-yuɣal ɣer wawal-nni : «ilaq-aɣ ad nefru nekkni akked Ruman ; ur nezmir i yimenɣi mgal adrar n Ruma... uɣal kan ɣer Ruma, suter leenaya n Senat, ad asen-nefk ayen illan d lfil, d agmer neɣ d agerruj n wureɣ, taggara, awi-d kan ad aɣ-ğgen...».

Yal tikkelt ad d-isni awalen-nni, nekk ad as-iniɣ, ad as-alseɣ i Bumelqer abrid i ɣriɣ : «Ruman ur ssinen talast nnig talast n yiɣil-nsen. Wid illan zik, wid ifran d Masnsen, wid iqudren awal-nsen nitni akked Makawsen, ass-a negren. Wid i yellan ass-a di Ruma, d wid i yenwan timura akk nsen. Anida tewweɣ tiɣ-nsen ad ɣilen d ayla-nsen nitni. Nekk ssney-ten, ɣriɣ amek ɣerren timura asmi lliɣ yid-sen deg yimenɣi n Numance, di Sbanya. Yir tawat tessuffuɣ ɣer yir iberdan. Akken i asen-teɣdra i Yirumyen. Filen amaɗal ibna ɣef yiɣil neɣ ɣef yixef n ujenwi, mačči ɣef tmussni akked leqder n tlisa. Akka i llan nitni.»

Ansi i as-ddiɣ i Bumelqer, netta ad d-izzi ɣer wawal-nni n kennu, n leenaya. Akraf n tgecirt iqqim-as i Bumelqer zun d tanicca yentan deg unyir-is.

Acengu i yellan yer sdat, ayen i d-yusan si tama-s tebnîd fell-as. Tazmert, tiḥila, tiḥherci, yal tifexxet tezmer ad d-tili, yal tiyita tezmer ad d-ternu. Acengu n sdat, zwir-it yer tyita send ad k-izwir, zwir-it yer tsawent send ad k-izwir. Ma d acengu ara d-iffyen deffir-k, acengu ara d-ilalen gar waytma-k, winna, ur telli deg-s tewwurt. Tiyita d-ikkan si deffir ur tebnîd fell-as, tḡerreḡ, tessefcal ugar, tettruḡ ifadden. Akken tiyita-nni n Bumelqer. Tekka-yi-d si deffir ur bniḡ fell-as.

Gar yiberdan n yiseḡ deg nezmer ad nekkes akkin azaglu yef Tmazya, Bumelqer ifren abrid n kennu sdat Ruman, syin yuḡ abrid n tixxubbta. Ilmend ad iwwet ad isgen Metellus, taggara yuḡal-iyi-d d afus n Metellus i tyita n waytma-s.

Nitni cudden-tt, xerzen-tt. Metellus, Bumelqer akked wid iḡen, gan tazarezt akken ad aḡ-arzen, ad aḡ-cudden. S ufus n Bumelqer, Metellus igguni ass ideḡ ara aḡ-awin ḡur-s ncudd aḡar afus. Taggara, targit-nni ur as-teffiy i Metellus. Yiwen wass, iwwed-iyi-d wawal yef tesraft-nni i gan, send ad neḡli deg-s. Tabrat-nni i d-yusan gar yifassen n Nabdales syin tewwed-d gar yifassen-iw, tefra-tent-id. Ur illi din ccek. Tadyant teqqen, tefra, nekk ur as-ukiḡ.

Mi d-nurez Bumelqer, nessuter-as ad aḡ-d-ifru iberdan i t-isawḡen yer ubrid-nni. Awal-is igzem, inna-yi-d : «d kečč a Yugerten i d ugur i tifat gar-aḡ nekkni akked Ruman. Ma tettwakksed kečč, taggara ad d-tili tifat gar-aney. Nra tamurt-nney, nra talwit, ma d kečč

teggummaḍ ad d-tefkeḍ udem. Ansi i ak-nekka d asawen, ur ak-d-nufa tawwurt...».

Awalen-nni n Bumelqer, win akken ukkud nuzzel, nennuy Arumi aḥal d aseggas, ass-a yuy abrid n kennu sdat yimnekcem. Awalen-nni n Bumelqer, mi sen-selleḡ, nekk lliḡ selley i tiḥherci n Metellus.

Metellus isekcem-d tawekka gar-aneḡ ur as-ukiḡ. Akken fehmeḡ tamsalt, ufrarent-d tḥila i as-inna Metellus i Bumelqer akken ad t-isiweḍ yer talast-a. Inna-yas Metellus : «kečč a Bumelqer, Senat n Ruma ur izmir ad ak-issuref si mi tegreḍ afus di lmut n Masiwen di tmemmast n Ruma. Azekka nezmer ad nefru nekkni akked Yugerten. Nezmer ad d-naf tawwurt i tifat n tṭrad i yellan gar-aneḡ. Tella yiwet, ma nefra akked Yugerten, tifat-nni ara d-yilin ad teglu s uqerru-k kečč. Senat ad isuter ad k-nawi tɛuddeḍ yer teɣdemt n Ruma akken ad k-ncaraε din. Yugerten iqbel ad yefk afus deg-k.»

Awal-nni usekkak n Metellus ikka-yas deg wul i Bumelqer, yumen tikerkas n Metellus. Ikellex-it yir akellex, zun d aqcic ameḡyan. Tečča-yas i Metellus. Taggara, si tedyant-nni, Bumelqer yuḡal amzun d asafu, ireq ittaz yer sdat.

Mi tefra tyimit n ugraw n teɣdemt yef Bumelqer, ur d-iqqim usirem, ur d-teqqim tizedt i tmeddurt-iw. D qeḍran.

Gas Bumelqer immut, lexyal-is izdeḡ-aḡ akken nella. Wid ifkan afus yid-s, wa nefra-yas-tt s lmut am netta, wa yennser, yerwel yer tmurt n Carthage, idda akked Ruman.

Tawekka tekcem-d tasga. Ma d Bumelqer ifka afus ass-a, yal yiwen seg wiyaḍ izmer azekka ad ifcel, ad yefk afus, d Nabdales ney d wayeḍ. Refdey sersey, ufiy d adway kan i d ixef-is. Nnan zik «ma teddiḍ akked wasif ur izmir ad k-yawi wasif». Yal tamurt i wwḍey, send ad sersey, ad serḡey i tikli anida nniḍen. Amkan anida lliḡ akked umkan anida ttedduy uyalen ttin, xerzen am tundar uxerraz. Anida qqimey i wučči, tiḥdert n uyrum aquran, taɣenjawt ney snat n seksu, nekk kkrey. Awal n tisin n Yugerten akked wawal n tuyalin n Yugerten, mlalen. Ur izri yiwen anwa ass ideg d-usiy ney anwa ass i zriy, beddley tamurt. S tikli-nni n yal ass, safessey amur uyilif i d-iylin fell-i.

Tiyita n Metellus, friy ad as-tt-rrey. Anida yella læsker n Ruman fkiy-asen wid ara ten-isduqqsen. Akken wid-nney ad asen-ikkas ufcالنني, ilaq-asen ad rren udem-nse i yimenyi mgal Arumi. Yal tamurt tekker, tezzi-yasen i læsker n Ruman i yellan din.

Ma d nekk abrid-iw friy-t. Ttedduy uḍan ussan akken ad afey anida yella Metellus. Tas di tazwara ttweššiy læsker-nney akken netta ur t-tettaweḍ tyita, akken ur t-ittaweḍ uneccab, ad d-iqqim idder, d axšim, azekka ad nefru yid-s, ass-a tallit tbeddel. Netta iwweḍ-d aqerru-w, nekk ad qesdey aqerru-s. Ttedduy timura, simmal segrabey yer later-is. Tuḡal gar-aneḡ d timsizzelt am umcic d uyerda. Ttedduy ad t-id-arzey am uyerda deg umerdax. Yal yiwen ikkat ad izwir axšim-is. Netta yezra, nekk zriy.

Di teyremt n Tala, qrib i nemlal. Rziy yer din akken ad d-suffey arraw-iw si teyremt-nni. Gas amkan ifreg, ufiy iqreb tamurt n Carthage. Metellus izmer ad idwi yer din. Ur zrin sin ney krad wussan mi d-ffey tiyremt-nni mi yewwed Metellus s læsker-is.

Zzin-as i Tala, sbedden tigusa i yaëricen akken ad zrin nnig ufrag, nnig yicerfan i yezzin i teyremt. Gan ayen i wumi zemren akken ad kecmen Tala. Metellus inwa din i lliy. Netta isdukel ayen illan d læsker yer din, inwa ad ifru din ttrad n Tmazya s tutffa n Yugerten. Nnig waggur n yimenyi yal ass d wamek kecmen Yirumyen Tala.

Asmi wwdey yer Tala, deffir tyita-nni n Metellus, d nnger i yedran di teyremt-nni. Riy ad zrey s wallen-iw. Ur d-iggri ugadir ibedden, ur d-iggri useklu ibedden, ur d-teggri tmazirt zegzawen. Anida yewwed ufus n Ruman, igga-n ixerban, tabuxt n tmes akked lmut yer deffir. Inigan i d-iggran d imudduren, d wid kan inetlen di tmizar n Tala. D tisselbi kan i asen-d-iqqimen, ur mmuten, ur ddiren.

Tadyant n yixerban n Tala iffeý wawal-is di Tmazya. Imdanen zran ayen i wumi yezmer Ruman, anida yezmer ad isiweð. Acengu iwðen ad isiy times i teyremt akken tella s yimezday-is, ur illi usirem azekka ad d-tas talwit si tama-s. Imenyi yekker, ad tekk tama di tayed. Yal yiwen izra iman- is.

Tikkal, llan isalan issefrahen, llan day wid isseqrahen. Di teyremt n Lebda¹, imdanen uyen abrid iden. Ilmend deg ad fergen tiyremt-nsen, nitni uyen tama n Ruman. Sutren i Metellus ad asen-irnu læsker akken ad yili d afrag fell-asen. At Lebda ur llin d Imaziyen deg yizuran-nsen. Amur ameqqran seg-sen usan-d si tmurt n Tyr, azar n at Carthage. Gas iles-nsen yuḡal d amaziḡ, nitni ḡḡan leewayed n tmurt ansi d-usan. Tṭrad n Tmazya, zun nitni ur ten-id-irzi. Ilmend deg ad begsen yef yiman-nsen, nitni malen yer win uggaden. Sutren leenaya di Metellus akked læsker-is. Kksen-d iman-nsen seg wakal-nni iyef tteddun, rran iman-nsen ddaw leenaya n win i d-yusan d imnekcem si tmurt n Ruma yellan akkin, agemmaḍ i yilel. Tamurt tekker, tiwizi mgal Ruman tbeddel udem.

Akken ad d-nernu irgazen, zegrey tiniri yer waytma Imucaḡ i yellan din. Gas ur aḡ-qerben, tesdukel-aḡ tmurt. Ruman ma yetṭef Tamazya ufella, tama ideg nella nekkni, azekka ad yaweḍ tamurt n wadda. Acengu ilaq ad as-tgeḍ talast akkin, ansi kan i d-ikcem. D awalen-a i asen-nniḡ i yat tmurt Uheggar. Taggara, rran-d awal, nnig wayen ssarmey. Azar-nni n tnekkra akken illa yur-neḡ i yella yur-sen. Asmi d-uḡaleḡ syin, d timrawin n yimnayan i d-iddan.

Tamurt n wadda kksey-tt seg unezgum, tekker, syin qesdeḡ tamurt n ugellid Buxus, Tamazya utaram.

1. Lebda = Leptis Magna , tiyremt tella di tmurt n Libya.

Ilaq-aɣ ad nessihrew admer n yimenɣi mgal Ruman. Ilaq-aɣ ad nesdukel tazmert-nney akken ad nessemyer tiyita. Di tazwara, Buxus¹ ur t-tewwid temsalt. Ur illi d aħbib, ur illi d acengu n Ruman. Maca, tella yiwet, ma Ruman yuy tamurt-nney, abrid-is iban, tikli-s tban, azekka ad iwwet ad isihrew. Azekka Ruman ad yawed tilisa n Buxus. Mačči d asif n talast, asif n Melwen², ara t-id-irren ɣer deffir.

D awalen-a i as-nniɣ i Buxus. Gas nemyussan, nemcarak, yelli-s deg uxxam-iw i tella, sawley-as am wakken ara isiwel umdan i gma-s. Tesdukel-aɣ tmurt, isdukel-aɣ uɣar, tesdukel-aɣ tutlayt, sduklen-aɣ yidammen. Acengu i d-yusan ɣur yiwen, yusa-d ɣur wayed. Ur telli trewla, ur telli tdarit deffir wuffal. Times n Ruman ur tferreq gar tzeqqa ma tella akka neɣ akkin i talast.

Buxus yuy abrid n yiseɣ, ikker-d, ibges-d i tnekkra mgal Ruman.

Mi nefra nekk akked Buxus, nsemlal læesker-nney deg uzaɣar akken ad asen-nessefhem tamsalt i yifesyanen akked yiserdasen n Buxus. Din i asen-nniɣ :

— Yal tamurt tefka leqder i tliša-s. Yal tamurt tbedd i tudert di tmurt, ur tqebbel azaglu n win ara d-yasen ansi nniḍen. Si zik n zik, tudert-nney tebna ɣef tlelli. Nekni, ur nessin azaglu. Ass-a

1. Buxus (Bocchus) : agellid n Muretanya (Tamazɣa utaram / Merruk akked tmurt n Wehran n wass-a).

2. Asif n Melwen (Muluca = Malva = Moulouya) : talast gar tamurt Numidya, tagelda ugellid Yugerten akked Tamazɣa utaram (Maurétanie), tagelda n ugellid Buxus (Bocchus), adeggal n Yugerten. Tamettut n Yugerten, tayemmat n warraw-is, d yelli-s n Buxus.

ur nezgir asif, ur nezgir ilel akken ad nekcem tamurt n medden. D Ruman i d-ikecmen tamurt-nney, izger-d ilel, yusa-d ad yerr tamurt-nney ddaw uzaglu-s. Ur illi d ayen ara neqbel. Anwa deg-wen ara iqeblen azaglu n Ruman ? Imdanen, tiyremtin, timura, di ddiq i d-tettban tdukli-nsen. Ass-a, aql-aɣ neddukel acku tesdukel-aɣ temsalt, sduklen-aɣ yizuran, isdukel-aɣ yimmal-nney akked tlelli-nney di tmurt-nney. Immal-nney, izmer azekka ad yili d tafat ma nezdi, neddukel, izmir ad yili d tillas ma nebɗa, ur neddukel. Timlilit n wass-a tefka-yaɣ-d tafat ara aɣ-isiwɗen akkin i yiɣil, akkin yer wussan anida imdanen ur kennun ddaw yiɣil Urumi. Tamurt tekker, d kenwi i d iɣil-is, d kenwi i d afud-is, d azekka usirem-is.

Nenti tikli, abrid-nney yer Sirta.

Si tedyant n Begga, n Tala akked teyremtin nniɗen, Metellus ikcem s læesker-is tiyremtin nniɗen. Di taggara, ur riɣ ad irnu ad isery yal tiyremt n Tmazɣa. Si tedyant-nni n Begga akked Tala, yal tiyremt anida ara awɗey, nniɣ-asen yiwen wawal : ma yusa-d Ruman s tezmert tameqqrant, ġġet tiwwura n teyremt ldint. Tas Ruman ikcem ass-a, azekka ad iffeɣ, ad yafeg am tagut unebdu. Yif ad ikcem ad iffeɣ tiyremt ibedden wala ad isery ayen nebna nekkni seg waɧal n yiseggasen aya. Akken i teffey. Anida yewweɗ Metellus akked Marius, ad afen tiyremt ldint tewwura-s. Metellus inwa malen yer-sen yimezday-is, nekkni neġġa beddent teyremtin-nney, ddren waytmaten-nney.

Tadukli n læsker-nney akked wid n Buxus, abrid-is yiwen. Nefra yef Metellus ad as nekkes aqerru. Ur illi ubrid iden. Anida yella ad neyli fell-as. Ma yeffey si Tmazya, ad t-neɖfer alamma d Utika, di tmurt n Carthage, ula d akal-nni, d tamurt-nney. Nefra, ad d-nezzi s uqerru-s, anida yebyu yeffer.

Deg ubrid n Sirta, nedda, nettheggi imenɣi mgal læsker n Ruman. Imenɣi-nni izmer ad yili sdat n Sirta, di Tiddis, neɣ deg uzayar. D Metellus ara aɣ-d-ifken tasarut-is. Sirta-nni i yellan ikcem-itt Metellus, nefra ad tt-nekcem nekkni, ad d-nerr tiyremt i yimawlan-is. Syin tamsalt n Metellus ad tefru din neɣ deg unnar iden.

Mi yesla Metellus s tdukli-nney, nekk akked Buxus, iga anezgum ameqqran. Tihɣerci-nni n Ruman s wayla-s. Metellus iwwet ad aɣ-ibɗu nekk akked Buxus. Tifukal-nni i yessedda akked Bumelqer, iwwet ad tent-yesseddu akked Buxus. Yuzen-d wid ara d isiwɗen awal-is i Buxus. Yal tamacahut iwwet yis-s akken ad aɣ-ibɗu, ad yeg ugur gar-aneɣ. Di tfukal-is, inna-yas i Buxus: «nekkni yid-k ad nefru, ur illi ttrad, ala lxir i yellan gar-aneɣ ; ad naru leɛqed anida yiwen ur ittawɛɗ yiwen ; tamurt-ik ur tt-nkeccem. Ur tɛafar Yugerten, di yir abrid i yella...».

Buxus, irra-yas awalen ilaqen i Metellus. Inna-yas : «ma yella kra n leɛqed, akked Yugerten ara t-taruɗ, mi teffɣeɗ si tlixa n Numidya. Ma d Tamazya-nney, tebɛed akkin fell-ak».

Tadyant teqqim akken gar yimnayen i d-yuzen Metellus akked wid yuzen Buxus i Metellus. Taggara, nekkni ur nekcim Sirta, ur nekkis aqerru i Metellus.

Tusa-d tegrest, yal yiwen yuḡal yer umkan-is. Ttṛad ad ikker asmi ara kksen yigeffran imeqqranen, ad fsin yideflawen.

Tallit n Marius Caius akked Sylla Cornelius

Yiwen wass yusa-yaq-d wawal amaynut, yusa-d si Senat n Ruma : Marius¹ ittwafren, yuḡal d netta i d Consul amaynut, d aqerru di Ruma. Fran ad d-yas netta yer Numidya deg umkan n Metellus. Imir-nni, Marius yuḡal yer Ruma. Izger si Tmazya nnig lebyi n Metellus akken ad ibedd di temsizzelt i tefrent n Senat di Ruma.

Isalan-nni i d-yusan si Ruma fkan-aq-d tasarut n uzuyen-nni i yella yezzuḡur irennu Metellus. Si tazwara-s, d asedhu kan i aq-isedhuy. Tamsalt teffey-as afus.

Nefhem tamuḡli n Ruma : Irumyen ur beddlen tamuḡli-nsen yef tmurt-nney. Ilmend deg ad d-ldin tiwwura i talwit, ad d-aznen ḡur-neḡ akken ad d-naf abrid n tifrat, nitni fernen Marius, win izemren ad isehmu ttrad ugar, win ara

1. Amyaru Tite-Live yura yef wasmi yekcem Marius yer Senat tikkelt tamezwarut (-107 S.A.) : “... *Le peuple le reçut avec de vives démonstrations de joie. Conduit aux comices par un des tribuns, après avoir présenté plusieurs chefs d'accusation contre Metellus, il demanda le consulat, en promettant de tuer de sa main Jugurtha, ou de l'amener prisonnier à Rome. Il fut nommé consul sans opposition, et aussitôt, au mépris des lois et des coutumes des Romains, dans les nouvelles levées qu'il fit, il enrôla des esclaves et des gens sans aveu. Tous les généraux, avant lui, n'en recevaient pas dans les troupes ; ils ne confiaient les armes, comme les autres honneurs de la république, qu'à des hommes qui en fussent dignes, et dont la fortune connue répondit de leur fidélité.*»

yernun tardast i tmes akkin yef tlufa n Metellus. Marius ssney-t di ttrad n Numance, d aserdas deg yidammen-is, yufrar nnig akk yifesyane n Ruman. D argaz n wawal, iħemmel tamurt-is. Mi yella ddaw Metellus, ur as-fsin ifassen, icudd-it Metellus. Ass-a d netta wuyur i d-teqqim. Uysey, ad as-nuƧal i temsalt s wadda.

Di tefsut i d-iwwden, nesla izger-d Marius si Ruma yer Utika, irna-d ugar n yiƧerraben n læsker. Asmi d-yusa Marius, Metellus tuy-it izger akkin, yuƧal yer tmurt-is. Ur ira ad t-id-yaf Marius di Utika, ur ira ad imlil akked uxšim-is. Gar-asen, si tazwara d tismin, tayennant akked tuzzma, yiwen ur tt-iğgi i wayed.

Asmi d-iwwed Marius si Ruma, ikker fell-as, yuy abrid n ttrad. Si mi kan iħeggem Marius læsker-is, isdukel wid illan akked wid i d-irnan, iffeƧ-d si Utika, izger-d tilisa, inti tikli di tmurt n TmazƧa.

Si tama-nney, imenƧi yezrin mgal Metellus ifkayay-d abrid ara nedfer di tallit tamaynut mgal Marius. Di tazwara, negguni ad ibdu læsker-is. Neğga-ten kecmen-d TamazƧa, tteddun iberdan-nen, beƧtun yef teƧremtin. Simmal beƧtun, simmal tazmert-nen tettifsus ugar. Yal tiƧremt i wwden ad afen tiwwura ldint. Ur illi yimenƧi, ur telli tmes, ur lluzen yimezday-nni, ur rƧant tzeywa. Nufa abrid-nni yelha.

Nekk akked Buxus, negguni ass-is, negguni tagnit ideg ara nedwi fell-asen. Aħal n tikkal i neƧli yef læsker n Ruman deg umkan anida ur aƧ-ggunin. Snat tyitwin kan, mi ten-nesduqƧes,

neqqed kra seg-sen, ad d-neffey seg unnar n yimenyi. Nitni ad yilen nerwel, nuggad-iten, nekkni ad neddu deg ubrid-nney ad nesduqqes tarbaet iden. Akken i asen-nedda aḥal n wagguren. D axbacen kan, imenyi ameqqran ur d-illi. Marius nessen-it iḥrec, issen-as i yimenyi ameqqran, nekkni nunef seg ubrid-is.

Tiyita tameqqrant tamezwarut n Marius tusa-yay-d si teyremt n Gafsa. D tikkelt tamezwarut i yedda læsker n Ruman deg ubrid ayezẓfan, igzem izuḡar, nekkni ur nesli. Nuḡ tanamit, yal tikkelt ad iddu læsker-nsen, nekkni ad aḡ-d-yawed wawal. Di yal tiyremt, di yal tawrit, di yal tiḡilt, nesbedd wid iggunin, wid iẓerren iberdan uḡen Irumyen. Anida ddan, nekkni nesla. Tiyita n Gafsa tennser-aḡ.

Mi yeffey Marius s læsker-is, yezzi deg ubrid, yunef akka d wakka. Mi yewwed asif n Tanis, ibeddel abrid. Ihegga tiyelwin n waman i tissit n yirgazen akked yigemren, syin iffeḡ seg ubrid ameqqran. Itteddu deg yiḡ, itteffer deg uzal. Ur iẓri yiwen anida i yella. Yiwet yiwet armi wwḡen tawwurt n teyremt n Gafsa.

Mi yewwed Gafsa s læsker-is, iyli yef yimezday n teyremt ur bnan yef yiman-nsen. Marius yurar urar-nni n Metellus asmi yekcem Begga. Mi ddan ad awḡen, Marius izzwer imnayan Imaziḡen, wid illan ddaw ufus n Gawda. Mi ten-id-ẓran at Gafsa nwan d at tmurt s tidet. Taggara, mi tteddun ad kecmen tiyremt, tefka-ten tewwurt, at Gafsa ẓran-d ḡer deffir læsker n Ruman. Ikker herwel akked twuḡa.

Akken Marius ad issekcem tawekka di tmurt-nney, akken ad yeg iceqqic ur nselley, netta isehrec Gawda, gma-nni s baba, irra-t d acengu n Tmazya. Marius ifka-yas læsker i Gawda, itteddu seg yimenyi yer wayed mgal at tmurt-is. Iṛeggem-as Marius i Gawda ad yuṛal d agellid n Numidya ma yemmut Yugerten.

Si tedyant-nni, deg unnar n yimenyi, llant tikkal d at tmurt-iw i d ixṣimen. Sya d syin, d irgazen imaziyen i yettnayen, d idim amaziṛ i yemmaren.

At Gafsa, ilmend deg ad gen am wakken i asen-nenna, ad lḍin tiwwura n teyremt, nitni bedden tikli. Mi d-ṣran imnayen n Ruman, ikker yimenyi mgal imnayen-nni ikecmen, syin medlen tiwwura, bedden i tyita mgal wid d-irennun.

Taggara, teffey akken i teffey. At Gafsa ur zmiren ad qablen ahdum n læsker i asen-izzin. Tiremt kan, Irumyen hudden ifergan i as-izzin i teyremt, kecmen s ujenwi deg ufus. Wid meqqren nyan-ten din, wiyaḍ cudden-ten-id d aklan.

Tiyremt n talwit, n tezdayin n tini, tuṛal-as d yir targit. Ijdi-nni yellan d amellal yuṛal d azeggay s yidammen.

Tiyita-nni n Gafsa tekkes-as akukru i Marius. Tamurt issen- itt, irgazen llan, inwa teswa-yas-d s udfel.

Tallit kan deffir tadyant n Gafsa, Marius igzem Tamazya seg yixef yer yixef, ikcem akal yellan tama n wasif n Melwen, talast gar Numidya akked tmurt n Buxus. Din, ifra ad ikcem Tawrirt.

Tawrirt tebna yef uzru ameqqran, di tmemmast n uzayar. Yal tama d acruf ur izmir ad yali umdan, ur izmir yiddew. Abrid-is yella seg yiwet n tama kan, injer s uqabac deg uzru, idyeq, yessuddem, win imalen deg-s ad d-yetti deg yicerfan n wadda. Ifellaḥen, s yiwen i sezrayen izgaren, tistan ney igemren-nsen. Amur ameqqran bennun-asen ifergan akked tegrurin deg uzayar. Tawrirt tefreg, tedduri, zun d tazeqqa n yigider mačči n umdan ! Tama ufella, d awrir, iṣeggem zun injer-it ufus. Di tmemmast n tzaṣart-nni iyez wanu i waman. Imezday-is si zik n zik ur izmir yiwen ad asen-ikcem tasga. Sin yirgazen zemren ad d-gen afrag yef tewwurt s yineccaben-nsen. Ifellaḥen, yal ass ad adren akessar, ad xedmen tibḥirin-nsen ney igran-nsen, mi d-iṣli yiṭij ad alin yer tkanna-nsen di Tewrirt igenni.

Am Metellus di Begga, am wass-a Marius di Tewrirt, inwa ad yaf din agerruj n Tmazya, ad ay-yaf din, nekk akked Buxus, ad ay-d-iṭṭef s ufus. Marius izzi i Tewrirt, syin isedhem læsker-is yer yifergan. Ikker yimenyi. Win deg-sen iqerben ad d-yečč tiyita, ad immet ney ad d-irwel yer deffir. Wid isbedden tigejda i walluy, mazal ttawḍen yer yixef ad ten-id-yečč ujajih n tmes ney n uzru, syin ad d-rewlen yer deffir. Yal adham-nsen, ad yawi yer lmut timrawin n læsker n Marius.

At Tewrirt ur as-gan ayilif. Afrag illa, aman d wučči llan, irgazen llan. Yal tikkelt ad d-grirben Irumyen akessar ad ten-id-ḍefrent teyratin n tlawin n Tewrirt. Marius iffey-it leeqel. Akken iga ur as-yufi tawwurt.

Zrin wussan d wussan n ttrad, nnig waggur, Marius ifra d yiman-is, itteddu ad ikkes læsker-nni yezzin i Tewrirt, ad yuḡal akkin yer tmurt ufella, mi as-ikcem yer uqıdun-is yiwen userdas n tmurt n Liguria¹, inna-yas i Marius :

— Ufiy abrid isuffuyen yer tiyilt n Tewrirt. Lliy leqdey iearusen, uliy acruf si tama n deffir, armi ufiy yiwet n tasaft temyi-d yef uslaḡ ameqqran. Uliy yef tasaft-nni, ddiy yef ufurk-nni yerran yer tama ufella armi d-ufiy iman-iw yef tqacuct, di Tewrirt ufella ; seg umkan-nni zriy s wallen-iw Imaziyen illan din, nitni ur yi-d-zrin, sentley iman-iw. Syin uḡaley-d ansi kkiy. Ma tebyıd ad uḡaley akken ad awen-mley abrid !

Marius terkeb-it tawla. Iqdef aserdas-nni, ifka-yas wid iyef ittkel, ddan yid-s. Send ad alin, kksen taselsa n Ruman, kksen uzzal, lsan am Yimaziyen, ulin seg ubrid-nni n yiearusen, wwden taqacuct-nni n Tewrirt. Mi d-uḡalen, d awal i d-inna umezwaru-nni i nnan yineggura-nni. Abrid illa. Marius iffreh. Yufa teldi-yas-d tewwurt anida ur isarem.

Azekka-nni ihegga tarbaet, yerna-yasen abug akken mi wwden awrir ufella ad wten abug, ad gen şşut ameqqran. Marius isels-asen icettiden n Yimaziyen akken ad fken anza yer Yimaziyen n Tewrirt. Akken i teffey. Azekka-nni, mi ulin wa deffir wa, s lehder, taggara kecmen luḡa ufella. Mi wwden akken llan, dduklen yer yiwen umkan, heggan iman-nsen syin bdan tiyita n ubug rnan tiyita n ujenwi, tulawin iddurin yer

1. Liguria : tamurt illan nnig teyremt n Ruma.

deffir suɣent, dɣa at Tewrirt iffeɣ-iten leɛqel, acengu ikka-yasen-d si deffir, ikcem tasga. Mi d-bernen yirgazen ɣer deffir, ɣɣan imukan n tyita n sdat d ilmawen. Irumyen, nitni seḥman-d tiyita si tama n wadda, ulin seg yigudar, kecmen tanemmast n yiyrem. Syin, win ara immten illa, win ara iwwten ulac. Imenɣi yefra. Wid ufan Irumyen d imudduren nyan-ten. Ur d-iggri yiwen, d aqcic, d argaz neɣ d tameɣɣut. Gan timecreɥ deg at Tewrirt. Snegren-ten.

Deffir tedyant-nni n Tewrirt i d-yusa Cornelius Sylla si Ruma, d afesyan, akken ad yefk tallalt i Marius. Sylla yewweɣ-d ɣer tmurt, yerna-d læsker ugar. Senat n Ruma ildi-yasen tawwurt. Marius akked Sylla gan ayen i wumi zemren. Abrid n tɣrad injer, hraw zun d iyzer ameqqran.

Si tisin-nni n Marius akked Sylla ɣer Tmazɣa, ikkes usirem. Ur illi wayen gguniɣ si tama n Ruman. Abrid-nsen d tɣrad, abrid-nney d tamara d tɣrad. Tama ad tekk di tayeɣ.

Asirem n talwit ikkes, zziɣ-d tikkelt nniɣen i tmurt. Awal i asen-nniɣ yiwen-is :

— Aytma ! Arumi ikcem-d tamurt-nney, Arumi ilaq-as ad iffeɣ tamurt-nney. D nitni i d-izegren ilel Agrakal, mačči d nekkni. Yiwet n tmurt kan i nla, ur nezmir ad asen-tt-neɣɣ, neɣ ad tt-nefk d tarzeft i Urumi. Yiwen n ubrid i yellan ass-a, d abrid n yiseɣ, d abrid n tnekkra akken ad nessenger ajrad i d-ikecmen tamurt. Anida tufam læsker n Marius, ur din awexxer, ur din afcal, ur din inif. Win d-isutren leɛnaya eɣɣ-it d amuddur, ma d wayeɣ zwi-t ! Irumyen i d-yusan

ad asen-neddukel zun d awettuf. Ma s tubbya d wuglan kan nezmer ad ten-nessenger. Aytma ! Ma teddukel tnekkra-nney, nezdi zun d yiwen, taggara ad nessergagi Ruma. Ass-a nwen, azekka nwen, tamurt d kenwi kan i tegguni !

Mi d-zziy i tmurt, ufiy yuki-d ugar uẓar-nni n tnekkra, uyeẓ abrid yer tmurt n Buxus.

Si tallit-nni ideg nedda ad nekcem Sirta, teqqim akken gar-aneẓ. Uẓaleẓ ẓur-s akken ad nessemẓer admer, win ara isergagin Ruman.

Mi ufiy Buxus, nniẓ-as tamuyli-w nekk, amek ilaq ad as-neddu i ttrad mgal Ruman. Tamurt-nney yiwet, akal yiwen, aẓar yiwen, iles yiwen. Ulsey i wawal, nniẓ-as ilaq-aẓ ad nekkes talast illan gar-aneẓ si tallit n Sifaks, si tallit n Masnsen. Talast ibettun ad tt-nekkes, ad nerr tin isduklen, anida yebya, nekk qebleẓ. Nniẓ-as, Sifaks d jeddi-tney, Masnsen d jeddi-tney. Ma nesdukel iyallen-nney ad d-nerr leqder i tmurt-nney tameqqrant. Ad nekkes aẓar n yimennuẓen gar-aneẓ, ad nekkes ayen i aẓ-ibḍan, akken ad nessemẓer ayen i aẓ-isduklen. Nniẓ-as ad aẓ-zzmen wid ara d-ikkren azekka ma ur nuẓ abrid n tdukli. Ad aẓ-izzem wakal iẓef ntteddu ma nuẓ yir abrid ass-a. Abrid-nney ass-a d abrid n yiseẓ, d abrid n tissas. Takemmict n Ruman i d-yusan si Ruma, ma neddukel-as, ad tt-nesselfeẓ am tkemmict n tizwal di tdakumt. Arumi i d-ikecmen ass-a tama ufella, ma yessers iḍarren-is, azekka ad ikcem tama n wadda, ad iẓzu tuẓẓal-is deg wakal-nney. Arumi yessen kan awal n yiẓil, issen kan awal n wukkim

akked uzduz. Arumi yusa-d yef tkeckult n usyar idegger-it-id waḍu deg yilel, azekka ad yuḡal ansi d-ikka, ad t-idegger waḍu n tnekkra-nney, abrid-is akkin yer Ruma.

Buxus ifka-yi-d tamezzuyt, yuy abrid n jeddi-s. Nesdukel læsker-nney, nuḡ abrid yer tmurt anida yella Marius.

Wid nesbedd deg yiberdan, deg yicuqar, ayen illan yef tiṭ-nsen. Anida ddan Yirumyen, ad aḡ-d-yawed wawal deg wass-is.

Mi nella ntteddu deg ubrid i nemlal amnay s ugmer-is itteddu-n s tazza. Isalan i aḡ-d-iwwi sferḥen-aḡ. Inna-d :

— Marius akked læsker-is llan tteddun di tẓayart i yellan akkin yer sdat, deffir yiḡil.

Ilmend ad neddu aḡal n wagguren, ad nezzi si tmurt yer tmurt akken ad naf later n Marius, taggara yeyli-d netta deg ubrid-nney.

Din, nbeddel abrid, nefka imnayen izwaren yer sdat akken ad aḡ-d-awin isalan n wanida llan, aḡal i yellan, anwa abrid ideg tteddun. Nekk akked Buxus nessemlal ifesyanen-nney akken ad nheggi imenḡi. Ntteddu, nferru-tent amek ara as-neddu i yimenḡi-nni mgal Marius akked læsker-is.

D tameddit n wass, zun iyli yiṭij mi nemlal Marius akked læsker-is deg Yilmaten.

Tamurt nekkni nessen-itt, d azal neḡ d id, irgazen-nney zemren ad nnayen akken ran. Nebla ma nezzi nefka tissi tamezwarut n yimnayen teyli fell-asen am tmedda. Send ad d-rren tiyita, mi llan ttezzin akken ad gen afrag

ubrin, nekkni nerna tissitin n yirgazen. Ikker herwel, nekkni nekkat, nitni kkat.

Tit-nney nekkni, ad asen-nezzi, ad asen-neg afrag ubrin anida yiwen ur d-itteffey d amuddur. Nekk sya, Buxus syin, tekker ṭebbart, simmal nessiḍyiq annar, simmal ṇzerr nfeṛrez anida nekkat. S terbaēt-nni n yimnayen i yellan yid-i, kecmey di tmemmast akken ad awḍey Marius, nekkni nekkat, nitni ḥebbken akken ad snesren iman-nsen. Ajenwi idda, timseggeft tedda, aneccab idda. Yal tama tekkat, tettazzal, tnehhet, nettuyu. Tekker ṭebbart, irgazen wa ibedd yef iḍarren-is, wa yesred am uceṭṭiḍ, wa yemmut. Yal tikkelt, mi wwtey ad qerbey anida nwiḡ illa Marius, adham n yimnayen-nsen ad aḡ-d-yerr yer deffir, ad aḡ-sinfen yer yeffus ney yer zelmed.

Imenḡi yeḥma, itij ibda iyelli ugar, irgazen-nney am yizmawen zellzen akkin akka. Acemma kan tenyes tyita, Irumyen bdan nessren d tidist. Tabagust-nni i asen-nga ur teṭṭif. Marius akked kra n læsker-is nnesren, syin uyen amkan deg yiwen n ugni, yufrar akkin afella n tewrirt. Gar yirumyen-nni, win snesren iḍarren-is yer ugni-nni innser, wayeḍ ičča-t uneccab ney ujenwi.

Læsker n Ruman, ḡas ṡran mačči i tmurt-nsen i ttayen, mačči d akal-nsen iyef kkat, nitni ssnen-as i yimenḡi. Tussna n yimenḡi lemdentt, rnan ttayen awal ugar. Akken i asen-inna ufesyan-nsen ad aḡen abrid-is. Marius izwar-asen yer ugni-nni, nitni ddan di later-is, tteddun

kkaten-d yer deffir, nekkni nedda deg-sen. İd iyli-d, tillas uyent tamurt, imenyi yefra.

Nekk akked Buxus neqqim, nefra amek i d abrid-is. Skud tella taffza, nezzi-yas s læsker i ugni-nni ideg llan, zun d tubrint. Ur telli tardast nezel, yiwen userdas n Ruman ur izmir ad d-iffey syin, awtul ur izmir ad innser.

Nemsefham nekk akked Buxus i tyita akken kan ara yali wass. Ansi wwten ad ffyen İrummyen-nni, ad ay-d-afen sdat-nsen, nekkni ad ten-nesni d asnay. Mi nefra, yal yiwen yuy amkan anida llan læsker-is. Nezra ad yiyzif yid.

Akken sersen iman-nsen Yimaziyen-nney, ssayen iheğguğa n tmes, dya kkren i umendayer akked lya. Tarewla-nni yerwel læsker n Ruman, iffer, nwan dayen ifra yimenyi, ad ten-nettef s ufus. Amendayer ihma si tyita, maçci d ayen ara issusem yiwen, neğga-ten. Aytma smeyren adrız, afus ikkat, tiqesrit tekkat tadersit. Mi nella nekkni yehma udrız, nnig-ney Marius akked læsker-is xemten, ur illi şşut, ur illi wawal, susmen zun mmuten.

Mi yelha yid, Imaziyen-nney feclen si tmeyra-nni, susmen, win yufan amkan ad izzel, ad igen akken yufa gar waytma-s, armi d-ters tsusmi. Qqimen-d iæssasen bedden akkin. Lawan-nni kan ideg eziz yides, aytmaten-nney kecmen tanafa, imir-nni i yesker tayebbart Marius netta d læsker- is. Di tnemmast n yid i d-heggan iman-nsen ad nnesren. Uyen-d takesart, d adway, s tazza d usuyu, lbuq ikkat, ajenwi ikkat, aneccab ikkat. Mazal nşeggem iman-nney i tyita, nitni

zrin akkin, ffyen i ufrag-nni i asen-nga. Zrin zun d affug, Win nyan immut, win rekden yeglalez. Marius innser-as i lmut.

Tidet, sduqqsen-ay akken ilha. Ilmend d nekkni ara ten-yerwin acemma kan send ad yali wass, Marius yugar-ay tihherci, izwar-ay, izwar-as i tlalit n wass.

Timlilit n Yilmaten tefka-yay d udem n yimenyi. Marius-nni i nella nettef-it-id gar yifassen-nney, innser-ay s tmussni-s, s tihherci n ttrad. Gar wid ukkud nennuy, icban Bestia, Albinus ney Metellus, yur-i, Marius yerna adar akkin di tmussni n ttrad. Ufiy, ma zik imenyi d adrar, ass-a d igenni. Akken i as-nekka i tedyant-nni, nekk akked Buxus, ur as-nufi ixef-is. Amek i nettwakellex ? Amek i ay-tennser tyita ? Ur illi din usugget n wawal. Akken i yezri uzaylal-nni, nserreg, nedda deffir Marius.

Marius itteddu, nekkni nedda di later-is. Udan ussan ntteddu deg ubrid-is. Abrid n Marius itteddu yer Sirta. Ass wis rebca, neyli fell-asen.

Mi tteddun deg ubrid-nsen, nezra-ten sersen ad sgunfun. Send ad seggmen iman-nsen, nekkni nfuces tagnit-nni, nezzi-yasen. Annar n yimenyi ihegga.

Nekcem annar, nekk si tama, Buxus si tama, newwet akken ara negzem afrag-nni-nsen. Di tazwara, fkiy imnayen yer sdat, d nitni i d azduz amezwaru n tyita ; yugar i srewten yigemren i wten yirgazen s yineccaben ney s yijenwiyen. Irumyen zzin, swezlen annar akken ad miqraben. Marius akked Sylla llan di tnemmast. Udem

n yimenyi ibda ittšeggim gar adwi n Buxus s læsker-is akked nekkni. Marius ur ibeddel tikli-is, ikkat irennu akken ad aḡ-issefcel s tuzziya-nni i asen-nezzi.

Acemma kan mi teḥma tyita, nezra iwweḍ-d Bilak¹, mmi-s n Buxus, s læsker-is. Mi d-iwweḍ kan indeh yer yifesyane-is, kecmen imenyi. Tas amur ameqqran deg-sen yef uḍar i d-ddan aḥal n wussan, gezmen-d Tamazya seg yixef yer yixef, ur sersen, ur sgunfan, din kecmen annar n yimenyi.

Imenyi-nni yal tikkelt ittbeddil udem.

Buxus akked yimnaye-is tṭfen yiwet tama, nekk tama nniḍen, Bilak ikcem di tne-mmast. Nitni di sin, Marius akked Sylla, yal yiwen tama i yetṭef. Seg wakken teḥma, yerwi unnar, taggara ur izri yiwen anwa i d axšim-is. Wa yekkat, wa yesdari iman-is, wa yuzzel akkin akka, wa yesred, wa yemmut. Ma teyli-d tmellalt seg yigenni ur d-tettaweḍ yer tmurt.

Tameddit n wass, mi d-iḡli yiḍ, yal yiwen ijbed læsker-is yer deffir. Azekka-nni, nuḡal yer yimenyi, am yidelli-nni. Si mi tebda tyita, zriḡ Buxus ijbed læsker-is akkin yer deffir.

Mi yefra yimenyi, tama ur tekka di tayeḍ. Marius akked Sylla sduklen irgazen-nse akkin, nekkni nezzi-d yer deffir, nessenser-d wid ijerḥen. Irgazen feclen deffir yimenyi ameqqran amezwaru, tikli n tlata wussan, akked uḥbak nnig tezmert, rnu-yas imenyi n wass-a. Tazmert s talast-is. Annar-nni n yimenyi i neḡḡa ur illi d

1. Bilak = Volux, isem akken i t-yura Salluste.

win ara ssirment wallen. Irgazen, igemren, wa yemmut wa itteddu yer lmut, wa yenta deg-s uneccab deg yidis inehhet, wa icelleh s ujenwi ikkat ad ikker syin ad iyli yer deffir. Idim, idim issezwey akal d uhicur. Agni yuḡal d azeggay s yidim n yirgazen. Ur telli d tamuḡli n tudert. Gar wid immuten akked wid itteddun yer lmut, llan yimeqqranen, inemmasen, imezzyanen. Imaziḡen akked Yirumyen dduklen. Nnuḡen di tudert-nsen, dduklen di tmettant-nsen. Akka ! Mar ur telli tyennant, yili yal yiwen ad iqqim deg yiḡrem-is, deg uxxam-is akked warraw-is. Yal yiwen ad d-ilhu di tfellaht-is, ilmend n uneccab d waxtuc, ad iṭṭef tayuga d umger, ad ixdem laḡ n warraw-is. Imdanen ur uksanen, si zik n zik.

Marius ikemmel abrid-is akkin, deg ubrid n Sirta, Buxus¹ isdukel læsker-is, iṭṭef yiwet n tiḡilt akkin, nekkni neqqim din akken ad nenṭel irgazen-nneḡ. Neqqim akken ad as-newzen i tedyant iḡran.

Tagrest n usegga -106 tusa-d s usemmid akked yigefran-is. Marius yuli akkin yer tama n Carthage, yerna isdukel læsker-is di teḡremtin i ṭṭfen di Tmazḡa, am Sirta, Zama. Buxus yuḡal yer Tmazḡa-s utaram, nekk uḡaleḡ-as i tazza akken ad d-snekkreḡ tamurt ara immagren tawayit-

1. Salluste yura : “Buxus iḡbed læsker-is di tnemmast imenḡi mi yella Yugerten itteddu ad isenger Marius akked læsker-is. Buxus yurar tihila-nni akken ad ibeggen i Marius awal ifka. Imir-nni illa ufus gar-asen. S tuffḡa-nni seg unnar imenḡi, mi teḡma, itteddu ad imil yer Marius”. Kra wussan yer sdat, nnan-as Ruman i Buxus : “Ruman ur ittettu aḡbib-is, ur ittettu acengu-s. Asmi ara aḡ-d-tbegneḡ s wayen ilaqen, ass-nni ad k-neḡbel d aḡbib”. Tawekka n Ruman simmal tetteddu i tyita si deffir i Yugerten.

nney. Imenɣiyen izrin mgal Marius slemden-iyi akken ad as-dduy abrid amaynut. Ma yella ccek, imenɣi aneggaru isban-d anida i tent-nuy. Nekk ufiɣ-d nuy-itent di tuddsa. Yal tikkelt, deg unnar n ttrad, mi yekker yimenɣi, aytmaten-nney ad dwin akkin d wakka. Adway-nni ur illi d abrid. Ilaq-aɣ ad nernu aselmed ugar i læsker-nney. Di tuddsa kan i aɣ-ifen Ruman, nekkni ad as-neqqim.

Imenɣi ɣezzif, walay itteddu ad yiɣzif ugar, nekkni ilaq-aɣ ad nesdari ilemɣiyen-nney. Imenɣi ur illi d ahmal kan s yidmaren-nsen ɣer sdat. Imenɣi s ubrid-is, s tuddsa-s, am tiddas-nni n yilqafen iss netturar ɣef teblaɗin. Yal alqaf iddukel akked wid izwaren, irna ihegga tiyita i yilqafen d-itteddun. Tuddsa Teɗres, temcuddal. Imenɣi mgal Ruman friɣ ad as-nbeddel abrid.

Ilaq-aɣ ad as-neqqim skud ur nhegga læsker-nney am wakken ihegga Ruman læsker-is. Imenɣi n Yilmaten akked win n sdat Sirta fkan-aɣ-d talast yellan gar-aɣ d Ruman.

Tidet, ɣas Irumyen ttfen tiɣremtin, netlen deffir ugadir d afrag, tamurt d nekkni i tt-ittfen. ɢas ad neɣɣ imenɣiyen imeqqranen, taggara ansi ddan ad aɣ-afen sdat-nsen, yal takemmict n læsker-nsen iddan ad teffey si teɣremt ad tenger, ansi ddan ad afen tɣez tesraft deg ubrid-nsen. Friɣ ad asen-neddu s yimenɣi i nessen ugar, tiyita n tuqqa, am tuqqa n wareɣzen.

D abird-nni i as-ddiy. Mi nefra nekk akked yifesyanen-nney, nebɗa, yal tarbaet tuy abrid-is. I yal tiɣmert n tmurt ad nessiwed awal,

ad nessemyer asirem i tnekkra yugaren tin izrin. Di tallit-nni ideg lliy ttedduy deg yiberdan, rwiḡ akessar d usawen, Buxus, deg ubrid-is, yuzen irgazen i Marius akken ad d-yaf-tawwurt i tifrat. Si tedyant-nni n Ruma, nekk ur uḡaleḡ i wawal yid-sen. Ayen i wumi zemreḡ giḡ-t. Ulac abrid i asen-d-kkiḡ akken ad d-naf tifrat, Irumyen gguman ad d-fken udem. Abrid-nsen, nekk fehmeḡ-t si tazwara : seg wasmi yemmut Makawsen, issew n Ruman yiwen : ad kecmen Tamazḡa s yiḡil-nsen. Ayen i d-irnan yer sdat, d tifukal kan.

Mi sliḡ s Buxus ifka irgazen yer Sirta, akken ad ḡren Marius, di tazwara rfiḡ. Amek, tiḡremt ideg igelled Masnsen, anida yedder, anida yemmut, anida yeṇṇel, anida igelled Makawsen, anida yeṇṇel, ass-a Buxus ifka udem i Urumi, ad qqimen yirgazen yuzen nitni d Ruman di Sirta ?

Urfan d urfan, tikkal llan, tikkal zrin. Taggara, ufiḡ tikli n Buxus tezmer ad tili ur tezlig. Marius di Sirta i yella, yer din kan ara yazen Buxus irgazen-is.

Di tallit n yimenḡi, Buxus yusa-d netta akked mmi-s, wwin-d læsker nnig wayen ssarmeḡ. Kecmen annar n yimenḡi, wwten ayen i wumi zemren. Aḡal n yirgazen i aḡ-immuten. Taggara ḡas tiyita-nni sdat Sirta ur teffiy, nitni fkan-d tazmert-nsen. Ass-a ma Buxus inwa abrid isuffuyen d awal akked Marius di Sirta-nneḡ, taggara mi d-imḡi ad iban !

Deg yiwet n tama, awal akked ucengu ilha. Di lawan-nni n wawal, imenḡiyen imeqqranen ad

neyssen. Anida yella usirem, ineqqes weḥḍam n tṭrad. Nekkni, di lawan-nni nfures, neskker-d læesker ugar ad immagren Ruman. Ayen isseyzef wawal ilha-yay.

Asmi zriy Buxus, nniy-as ad iyi-d yefk amek isedda awal netta akked Marius akked Sylla. Awal-is igzem :

— Zik d kečč kan i iqublen Ruman, ass-a nella yer tama-k, nessawed tanekkra-nney yer ubrid n yimenyi. Irumyen, zran anida maley, zran tazmert-nney ma neddukel. Illa wawal yur-nney, «ma tseyled wwet ; ma ur tezmired ur syal», nekkni nekker, newwet. Ass-a ma neqqim i wawal ur telli fell-as tuzzma. Nekk walay, Ruman yif-it ad yili si tama-nney, wala ad yili d acengu-nney. Ma zemrey ad ssinfey tallit-a ideg nella yer tifrat, anida yella wugur ?

Abrid i d-iwwi Buxus, ufiy-t d abrid.

Ayen riḡ ad as-skecmey i Buxus yer wallay-is, d tikerkas, tiḥherci n Marius akked yifesyanenis. Nekk zriy tamsalt teqqen, tefra-d si Ruma. Marius fkan-t-id ad iseddu tṭrad, netta ad iwwet s wayen izmer, s yal taḥilet, akken ad yawed isewi-s : Ruman ad iṭṭef Tamazya.

Ayen nniḍen, d urar, d tuzzya deg wawal. Takti-agi tekcem-iyi yer wallay-iw ur zmirey ad tt-id-suffvey. Awal n Ruman yebna yef tkerkas, ur illi din yisem n tidet.

Aytmaten-nney i yellan di tmurt n Carthage, di Utika, sawḍen-aḡ-d awal : Marius simmal issekcem-d læesker irennu si Ruma. Win issarmen talwit, ur d-irennu iyallen akked yifadden i tṭrad.

Di tegnit-nni ideg Buxus illa yesselqam awal netta akked Sylla, nekk ddiḡ di tfellaḡt-iw. Yal ass anida ara iḡli yiḡ yis-neḡ. Nejjem ad nens sin wuḡan deg yiwe n umkan. Nedda d timsizzelt, yal tiḡremt i nekcem yiwen wudem i nufa. Imdanen bedden, heggan i tnekkra, kkren i twizi mgal Arumi. Tas irgazen llan, ḡas idammen ḡman, amur ameqqran d ifellaḡen. Ifassen yuḡen tanamit d uqabac akked wanzel n tkerza, ur zmiren azekka-nni kan ad ṡeggmen i uneccab, axtuc neḡ ajenwi. Ur zmireḡ ad d-sbeddeḡ irgazen seg yiḡerman n tmurt akken taggara ad ten-fkeḡ d asfel i ujenwi n Ruman. Abrid-iw nekk, yal ilemzi-nneḡ, ilaq-as ad ikcem annar n yimenḡi, ad iwwet ḡef tmurt-is, syin ad d-iffey d amuddur. Riḡ ad ilin d wid ara iwwten, mačči d wid ara immten.

Yuzen-d Buxus ḡur-i akken ad nemlil.

Zegreḡ asif n Melwen, kecmey tamurt n Tmazḡa utaram. Mi mlaleḡ akked Buxus, inna-yi-d anida yessaweḡ wawal gar-as akked Marius. Netta issarem ad d-naf tawwurt i tifat. Inna-yi-d :

— Irumyen fkan-d udem akken yal yiwen ad yay abrid n talwit. Ma neqqim, nezmer ad nefru uguren illan gar-aneḡ ; ma neqqim-as, ur telli tindert ur nfessi.

Taggara, Buxus iseggra-d awal, irna-yi-d :

— Marius yuzen-d Sylla akken ad nemlil yid-s. Abrid n tifat ad t-id-naf akken ibḡu yentel. Kečč a Yugerten, ilaq-ak ad d treḡbeḡ, ad tefsidi tundar, ad d-tefkeḡ udem akken taggara ad

nekket tazza n yidammen gar-aɣ d Ruman. Awal n Buxus s ubrid-is. Acu tetnadiɣ ay adderɣal, d tafat !

Tidet, nekk walay awal-nni d uffal.

Ayen ur d-issefrez Buxus deg wawal-is, nekk yur-i d tagejdit n wawal. Ma netta yessawel akked Sylla, si tama-w, awal amezwaru d wa : Irumyen ad ffyen si Tmazɣa, ad ffyen si Sirta, ad uyalen akkin i tliša-nſen, yer tmurt n Carthage. Ih neɣ ala ?

Buxus ur yi-d-issefrez tamsalt. Akken i as-ddiy i Buxus, tagut simmal trennu teddal awal-is. Nekk, tiħherci n Marius ssney-tt, tin n Sylla terna tardast yer sdat. Taggara, friɣ-as awal i Buxus, nniɣ-as :

— Nniɣ-ak, nekkni akked Ruman am tedyant-nni «mmi-s n taɣadt ad t-yečč wuccen». Sylla inna-yak ad d-yas. Nekk, yiwen ubrid kan i walay isuffuy : ad d-nettef Sylla gar yifassen-nney, syin Irumyen ad d-ffken udem. Am Marius, am Senat di Ruma. Ma nurez-asen argaz am Sylla, nitni ad gen ayen i nra nekkni akken ad asen-yuɣal urgaz d amuddur. Mi nettef Sylla, nezmer ad ten-nesseks akken ad ayen abrid nra nekkni, ad ffyen si tmurt-nney.

Buxus idhec. Abrid i as-d-wwiɣ ur ibni fell-as. Ur yi-d-inna zzant neɣ rɣant. Isuter-iyi-d ad as-iwzen i wawal-iw kra n wussan yer sdat, syin ad tt-nefru.

Nekk zegreɣ-d asif, uɣaleɣ-d yer umkan-iw, netta ġġiy-t ad iseddu awal akked Sylla. Nefra ad d-yerr yur-i kra wussan yer sdat.

Timlilit-nni n Buxus ur tris yef twenza-w. Awal i yi-d-isaweḍ Daber, win illan tama-s, send timlilit akked Buxus, akked wawalen n Buxus s timmad-is netta, fehmeḡ tella talast gar-asen. Ur zriḡ anida yella yiceqqiq, ma d nekk, ukiḡ-as, iceqqiq-nni yella.

Zrin wussan, Buxus isaweḍ-iyi-d awal ad aseḡ tikkelt tis snat akken ad nefru awal-nneḡ. Ilmend d nekk ara izegren yer tmurt-is, ifka-yi-d amkan n temlilit di tmurt-nneḡ, send ad zegreḡ asif n Melwen. D netta ara d-izegren asif.

Nuḡ abrid nekk akked terbaet, ddan sin warraw-iw.

Send ad naweḍ amkan, nezra akkin yer sdat aḍeggal-iw Buxus, ibedd afella n tiyilt, netta akked yimnayan-is. Izger-d i wasif akken ad nemyager. Nekkni nesḡel-as, netta isḡel-aḡ-d s yiḡil-is akkin.

Mi nerna tikli ad neddu yer sdat, send ad ten-naweḍ i d-ḡlin fell-aḡ læsker Irumyen, zzin-aḡ zun d aglaf. Nitni llan netlen i tmuyli, akkin ddaw udernu. Nekkni nella ifassen-nneḡ d ilmawen. Ur illi s wayes ara newwet.

Læsker-nni nḡan akk wid illan yid-nneḡ. Ġḡan-aḡ d imudduren, nekk akked sin warraw-iw. Qqnen-aḡ tixelxalin n wuzzal.

Sylla iffeḡ-d si gar læsker-is.

Buxus, izzi udem-is akkin, yuder akessar. Iwwi iseḡ, izzenz idammen-is i Ruman...

*Tikli n Ruma*¹

D tanamit n Ruman, yal argaz-nsen ara ismeyren tamurt akkin i tliya yellan, nitni ad as-gen tameyra tameqqrant, *Triumphum*, di tmemmast n Ruma. Tameyra-nni deg-s sin n wudmawen, tebrek temlel : d tameyra i yat Ruma, d tançelt i wid ittwarzen, cudden s txelxalin n wuzzal, ddan gar sin n yidurra n læesker, di tezribin n Ruma.

Ussan n tegrest izdey-iten usemmid. Tewzel n wussan-nni trennu amur i teyzi n wuḍan akken ad sebken yidammen, ad iqqar uglm, ad kkawen yifadden.

1. Dans la Rome Antique, le Triomphe (*Triumphum*), c'est la procession accomplie au temple de Jupiter Capitolinus par un général vainqueur: le triomphateur richement vêtu et couronné de lauriers, traversait la ville monté sur un char attelé de quatre chevaux blancs. L'armée criait «io triumphe» et chantait des chansons paillardes. Suivaient les membres du Sénat, les magistrats, les prisonniers, le butin et les animaux destinés au sacrifice. Le cortège partait du Champ de Mars (*Campus Martius*), hors les murs, entraît dans Rome par la porte triomphale, traversait le *Circus maximus*, contournait le Palatin, avant d'emprunter la Voie sacrée pour atteindre le Capitole. Parvenu au Temple de Jupiter, le général immolait lui-même les animaux destinés aux sacrifices et offrait sa couronne de lauriers au dieu... Ce défilé était attribué par le Sénat romain, et constituait une récompense pour le général victorieux. Il pouvait avoir lieu longtemps après sa campagne. Un des critères importants était le butin rapporté, mais il ne pouvait y avoir de triomphe si l'*ager romanus*, le territoire de la République, n'avait pas été augmenté.

Asemmiɗ n Ruma iqseɥ, di tegrest irna tardast yer sdat. Campus Martius (Annar n Meyres)¹, annar-nni ameqqran i yellan akkin berra ugadir n Ruma, iččur d imdanen, iččur d igemren akked yizgaren seg waɧal n wussan. Imezday-nni n Campus Martius d imezday n tmara. Ur llin d wid itturaren, uraren n Ruma, ur llin d wid i d-yusan ad nezhen uraren n Circus Flaminius ney Circus Maximus, deffir tawat, deffir wučči yelhan akked tissit n waman n waɧil. Imdanen-nni qqimen d tikemmucin, susmen, læsker n Ruman ttezzin-asen, tteddun senqaden akkin d wakka, afus-nsen yef ujenwi ney yef uneccab.

Urar-nni deg unnar n Campus Martius di tegrest n useggas -104, ur illi d win i ssnen akk yimezday n Ruma. Urar-nni i asen-d-ihegga Consul Marius i yat Ruma, ira ad yili d win ara d-tkakin iseggasen d yiseggasen, d win ara hekkun yimdanen i tarwa-nsen, i warraw n warraw-nsen, si lqern yer lqern. Akken i t-ira Marius.

Aɧal n wussan d wakken iččur unnar n Campus Martius. Gas akken, yal ass rennun-d yimdanen icudden, igemren, izgaren. Mi d-tekcem tissi ad taɥ amkan-is akkin, di teymert i as-hegga læsker-nni.

Tasusmi n umkan-nni simmal trennu ayilif ugar i unnar-nni n tmara. Taduli n tiggugemt terza ula d izgaren akked yiserdan-nni. Şşut ameqqran i d-yulin si Campus Martius, tikkal d

1. Campus Martius (Champ de Mars) / Annar n Meyres, illa berra n ugadir n Ruma.

win kan n læsker-nni i yellan ttezzin i ugraw, ney d astenten n txelxalin n wuzzal. Tixelxalin-nni yurzen irgazen wa yer wayeɗ, zun d izurar n teryel.

Asemmiɗ-nni n tegrest n Ruma isberber-asen, isdukel imdanen-nni, zun iga talaba n tsusmi fell-asen.

Açal n wussan si mi yeččur unnar-nni. Laɓ d usemmiɗ kecmen iɣsan n yimdanen. Tiɣimit-nni n yal ass, si tɕebɣit alamma d tameddit, si tmeddit alamma d taɕebɣit, tekref-iten, laɓ d usemmiɗ irna-yasen. Qqimen feclen.

Ʀas serden, nitni ur uyisen, ssarmen ad tbeddel fell-asen, umnen, am wakken umnen yimezwura, «akken triɗ ɣezzifeɗ ay iɗ, taggara ad yali wass». Tikkal dya ssarmen ad d-yas wass ideg ara tefru fell-asen, ad d-teffey tafukt, ad ikkes uyemyum-nni ideg llan. Melmi ara d-yas wass-nni i ssarmen açal ?

Imdanen-nni yeqqnen am wakraren, ur llin d imezday n Ruma, ur llin d imezday n Latinium, n Liguria, ney n tmura n Ruman i d-izzin akkin i Ruma. Nitni usan-d si tmurt illan akkin i yilel, akkin i waman izegzawen. Usan-d nnig lebɣin-sen, ur llin d inebgawen n Ruma.

Tikli-nni nnig waman, ahuccu-nni n waɗu, asendu-nni n waman nitni cudden, skeflen-d izerman-nsen. Ussan-nni n tzeɣra gar Tmazya akked Ruma ukin-as zun d aseggas. Asmi wwɗen akal, rsen seg uyerrab-nni, tuli-ten-id tumert, ssarmen ad ikkes yimirzeg seg yimi-nsen. Ʀas kecmen tamurt ur ssinen, ferɣen mi asen-ikkes

ukuffir-nni n lmujat n waman, ferhen ad bedden yef tmurt ur tettebruqqul ddaw yidarren-nsen.

Imdanen-nni, yal yiwen seg-sen anta tamurt i t-id-ifkan, taggara isemlal-iten-id ubrid-nsen gar yifassen n Ruman, di tnemmast n unnar ameqqran n Ruma.

Wid ur d-newwiḍ amkan-nni, yal yiwen akken i as-tefra. Wa ččan-t wuccanen akkin i yilel, wa ččan-t yiselman deg waman mi d-zegren. Wid i d-iggran ass-a d imudduren, qqnen am wakraren, ggunin tawenza-nsen.

Di tiggugemt-nni n unnar, llant tikkal ideg ara d-yali ššut amezyan gar-asen, gar sin yisbecbucen, tamezɣuɣt yer tmezɣuɣt :

— Ansi-k kečč, amek i k-id-ttfen ?

— Nella di teɣremt-nney mi d-iwweḍ læsker n Ruman. Nella nferren irden i yizid. Mi d-kecmen kan snegren tamurt, gar wayen seryen d wayen nyan. Ur d teggri tzeqqa, ur d-iggri useklu ibedden... Win srewlen yidarren-is innser, wid i urzen akka am nekkni, cudden-aɣ-d. I kečč amek ?

— Ufan-aɣ-d nkerrez. Akken kan yuli wass, si mi neqqen tayuga n yizgaren nenti takerza, nefreh teswa-d, akal afessas. Iḍelli-nni kan i zwaren i tkerza at Ufella. D nitni si zik n zik i d-isuffuyen tagersa d imezwura deg yiyrem, ilmend d nitni i d axxam amezwaru gar wid ibnan iyrem-nney. Nekkn i nekker i umeggel n tferka, itij iffeɣ-d, tagut tuli akkin di tegnewt. Mi d-mmɣen fell-aɣ Ruman zun d aglaf, fsin-d i tyuga-nney, zlan-tt din læsker Irumyen, gan aheggaɣu n tmes, ččan-

tt, ma d nekkni rran-aɣ icuddan-nni, qqnen-aɣ zun d izgaren-nni. Taggara, anzel iqqel i nekkni. Ijreh wul-iw ɣef tyuga-nni. Yiwen uzger, bu tirqemt taberkant gar wallen, ilul ɣur-nney, nessutted-it zun d aqcic imettid, wayed yuy-it-id baba si ssuq n Tasift. Açal n wussan d wussan d wamek i ten-isselmed i tkerza. Yal ass ad ten-isdukel, ad ten-iqqen i uɗref neɣ sin, taggara uyen tanamit i sin, myussanen, kerrzen s war awal. Anzel-nni i tnalit kan i yella, i «ddaw-as, nnig-s». Taggara n tneggura tura-yasen tefrut n Ruman ! Mi aɣ-d-skecmen ass-a ɣer unnar-a ideg nella, ɣriɣ tajlibt n yizgaren imellalen derren akkin, d izgaren am tyuga-nni-nney. Ijreh wul-iw am wass-nni amcum. Lemmer ur ɣriɣ s wallen-iw, yili ad skiddebey iman-iw. Izgaren-a, si tmurt-nney i ten-id-zegren.

Di tama nniɗen n unnar, win iɣran leesker-nni yedda akkin, ad iknu acemma ɣer win illan ɣer tama-s, ad as-yini :

— I kečč ?

— Neɣra Irumyen tteddun-d deg ubrid. Mi ddan ad kksen afrag, ad d-kecmen tiyremt, nekkni neffey-d akkin si tama nniɗen ; nezzi-yasen, nga afernas deg-sen, ulac win innesren seg-sen d amuddur. Nɣil tefra. Mazal nsers uzal, mazal tekkaw tidi fell-aɣ, mi d-terna tejlibt n leesker-nsen, d awettuf ; yal tama tefka-d ; mačči d ayen i wumi nezmer ad nedhem. Taggara n tedyant, iyrem-nney iqqel d ixerban, wid nyan mmuten, nekkni qqnen-aɣ-d am yizamaren...

— I kečč amek tedra ?

— Mi yuli wass i d-nezra udmawen n Ruman nnig ugadir n yiyrem ; zzin-d i tuddar nekkni ur asen-nuki ; iyrem-nney intel di teyzut, nyl ur ay-d-ttawden, taggara ufan-d anida nezdey. Ur ay-ggan ad d-nekker. D asduqqes i ay-d-sduqqsen seg wussu. Llan wid snin s ujenwi-nsen akken llan deg wussu yehman. Azgen nya-t, azgen cudden-t-id...

— Nekkni, mi nesla yusa-d Ruman, neffey seg yiyrem, neffer deg yiger, akkin anida yentel. Neqqim din kra wussan, nessarem tezri tyita, Ruman zegren akkin. Taggara mi d-nezzi ad nekcem yer yiyrem nufa-ten-id ggunin tawwurt. Ur illi wanida ara nerwel, nekcem deg umerdax s yiðarren-nney. Nitni fernen imezyanen, wid izemren, rran-ay-d isuka n yirden yef yizugar-nney, nedda-d yid-sen zun d iserdan-nsen. Aytmaten-nney, icca-ten ujenwi, sdat wallen-nney.

— Nella neqqaz anu n waman. Açal n wussan nessalay-d tiqufftin n wakal si ddaw tmurt. Nyez tiddi n urgaz d urgaz, ugar n snat temrawin n yiyallen. Win illan iqqaz di tama n wadda ur d-isel i wawal n wid illan yef yimi n wanu. Niqal d nekk i yellan adda. Lliy qqazeý, taquffet deffir ultma-s, wid illan tama ufella ssalayan-d akal d walud. Tiremttissnat, nekk uliy-d, yuder Gender-nney. Iffel yitij akkin i yiyl mi d-iyli fell-ay uglaf n Ruman. Yal tama tefka-d amur-is. Nekk akked Wakli akked Hemmu, zzin-ay, ttfen-ay, fkan-ay ayen i wumi zemren n tyita, syin cudden-ay. Ma d Gender-nni ur zriy amek i tedra yid-s. Ur

zriy immut ddaw wakal ney idder. Ala netta i d-turew yemma-s. Tikli n wussan d wuḍan nnig wakal d waman, tiddi n wussan d wuḍan i laẓ d usemmid, ass-a neggra-d di texnaqt n Ruma...

Yal yiwen tadyant i yehka i gma-s, yal yiwen d ayilif i t-icqan ; wa yeḡḡa-n tarwa-s akkin i yilel, win ittezzeḍ deg wallay-is tamuɣli-nni n wid iglalzen, mmuten sdat-s deg wasif n yidammen. Yir tallit, yir taggara !

Di Campus Martius, imdanen qqimen, qqumcen, ggunin kerfen, tiddi ur telli. D amured kan di snat turdas-nni ideg llan i ubeddel n tmeṣṣaḍt. Win iwten ad ikker ney ad ibedd am wakken bedden yimdanen, at sin iḍarren, din kan ad t-id-taweḍ tyita yer wallay, ney aneccab gar yidmaren. Si tazwara-nni mi d-kecmen, sin seg-sen i suffyen seg unnar d iyerrusen, ikka-yasen uneccab n wuzzal si tama yer tayed n yidmaren. Mmuten din. Wid i d-iggran kerfen, ney uyalen yef tgecrar, ifen-ten yigemren-nni akked yizgaren-nni izeggayen akked yimellalen, nitni zemren ad qqimen, zemren ad bedden.

Yir tariht tuy akk annar. Gar tuffya n yimdanen akked tin n yiwersiyen, tazefrant-nni trennu teqseḥ yal ass. Leesker n Ruman simmal rennun tteddun akkin, simmal regglen akkin, yunfan tariht n yimdanen-nni, tariht n wufni.

Aḥal d ussan i yezrin, imdanen-nni ggunin tafat ansi ara sen-d-tas, d tudert ney d talwit n lmut wicqa.

Deg wass-nni amcum, send ad yali wass i yekker herwel deg unnar Martius. Asuɣu-nni

n læesker n Ruman ad d-issaki win immuten. Tteddun, afus ikkat, iḥebbek akka d wakka, win iqqimen ad ikker, win immuten ad d-ikker, win ur nezmir ad t-yečč ujajih. Akken llan yimdanen-nni neggzen, bedden nnig lebyinsen, nnig tezmert-nsen. Bedden yir tididi deffir waḥal n wussan n ukraf uqummec. Tagecirt tenteq, tawetžit tsuḡ, tiqeşrit tergagi. Win iwten ad iqqim, din ad t-id-taweḍ tyita n wanzel n Ruman. Ur telli tasa, ur illi yillu.

Si teqreḥ-nni n zellum usemmeḍ, iḡsan şaḥen, igelman ddubzen, taggara tididi n yimdanen-nni tmal, tekna am terga n uyanim deg wass n waḍu.

Tagut-nni yedlen i Campus Martius tettifrir, tafat n wass trennu ayilif ugar i wudmawen-nni akked wallen-nni-nsen, udmawen n laḡ d uyilif. Ilmend tafat ad tekkes tillas, ad teffey tiṭ akkin i tmuyli, taggara d tafat-nni i d-irennun tillas si tmuyli taberkant n yimdanen icudden, imdanen iknan ur d-tewwiḍ tizi n tewser.

Asuḡu, aḥbak, amdegger... Ikker herwel deg unnar. Win iqqimen ikker, win ikkren iyli, win iddan ičča tiyita, terki deg unnar amcum. Imdanen yellan yer sdat derren, iḡḡaren derren, Ruman, anzel deg ufus, tteddun ttşeggimen rennun adar deffir wayeḍ. Yuli wass mi bḡan tikli. Tteddun tikli tazayant. Imdanen-nni tteddun, ur ḡrin anida tteddun.

Wid illan seg-sen ssnen Ruma, mi ffyen annar n Martius, ḡran sdat Circus Flaminius. Dḡan aḡar deffir wayeḍ, ur bedden sdat Circus-nni. Urar, ass-a aḡemmaḍ i tewwurt n Circus i yella.

Di tezribt-nni ideg tteddun yimdanen icudden, izgaren derren, igemren bubben iħemblen d ibernusen, ur illi wawal, ur telli taḍsa. Afrag n yineccaben n læsker-nni si yal tama irna fell-asen ayilif.

Di tmemmast n Circus-nni, di lawan-is, llan wuraren, tella temzizzelt n yigemren, n yimdanen. Uraren n wass-a, sdat Circus, ur ten-ggunint twuḡa, ur ten-igguni waħḡay ! Imdanen-nni zrin akkin, tasusmi tazayant tdel i Circus Flaminius.

Tajlibt n yirgazen, igemren akked yizgaren ddan abrid-nsen. Simmal ass itteddu, simmal imezday n Ruma tteffyen-d sdat yixxamen-nsen, ḡerren «iddawen», imdanen at uberkan uqerru n Numidya i d-izegren ḡur-sen. Di tazwara, imezday-nni dehcen kan, syin ikkes-asen ukukru. Imaziyen-nni i ḡerren sdat-nsen cudden, afrag-nni n læsker-nsen irna-yasen tabḡest. Taggara, ur qqiment tsusaf, ur iqqim yir awal, ur iqqim uburrem s waṭṭawen, ur iqqim usḡal s yiḡil ḡer yimeḡbas-nni. Imdanen-nni icudden tteddun aḡar deffir wayeḡ, susmen. Ur sfiḡen tisusaf-nni n at Ruma, ur d-sulin aqerru-nsen... Akken triḡ ḡezzifeḡ ay iḡ ?

Mi kecmen si tewwurt n teḡremt, «tawwurt n Triomphe»¹, læsker-nni i asen-izzin sersen akkin ineccaben akked yijenwiyen-nsen. Akken i tella si zik-nsen. Anekcum n læsker ḡer Ruma, ad yili ifassen d ilmawen, d anekcum n talwit².

1. Triumphum / porte triomphale = pomerium.

2. «Le triomphe : le parcours du cortège est immuable, considéré

Mi ten-tefka tewwurt-nni, tiwuɣa d uʒeggi n yimezday n Ruma simmal rennun, ifergan n yimdanen-nni si yal tama n tzerbatin tuɣyiqin simmal ɖerrsen. I nitni, d ass n tmeyra. Tas tawwurt-nni n «Triomphe» deg-s tiddi n mraw n yirgazen neɣ ugar, imdanen-nni icudden aɗar afus tteddun knant tuyat-nsen, tekna tiddi-nsen, zun qqnen ddaw uzaglu.

Tikli-nni di tne mmast n Ruma, gar yidurra n tsusaf akked yir awal, tuɣal-asen d tamaggert. Ssarmen ad d-teldi tewwurt ddaw yiɗarren-nsen, ad ten-tečč tmurt akken llan, ad sgunfun si yir taggara. Tteddun tikli n tmara, tiwuɣa simmal rennunt ugar sdat-nsen. Nitni tteddun yer sdat, awal-nni itteddu seg yiwen yer yiwen yer deffir, d awal n tmes, n war taggara, n nnger : — Agellid-nney, agellid Yugerten, illa yer sdat; icudd am nekkni... agellid-nney... Yugerten, icudd s wuzzal, itteddu sdat-ney... agellid Yugerten itteddu akkin deffir ukarrus¹ n Marius... llan warraw-is di sin, cudden... Agellid Yugerten...

Win islan i wawal-nni ad yiwriɣ wudem-is, ad imɗerkal, syin ad iseddu awal-nni i wid d-itteddun deffir-s. Awal itteddu yer deffir,

comme un retour à la vie civile des soldats citoyens. En franchissant le pomerium, le général vainqueur abandonne son pouvoir de commandement militaire (imperium), symbole de son retour à sa condition de simple citoyen. Partant du Champ de Mars, où les légionnaires déposaient les armes, se détournant symboliquement du dieu de la guerre».

1. Akarrus : yusa-d yur tmaziɣt seg wawal n trumit (talatinit) : «Carrus», asmi llan Irumiyen n Ruma d Tmazɣa ; (le mot latin carrus a donné en français : carrosse).

si tmezẓuyt yer tmezẓuyt, yuy idurra-nni n yimdanen itteddun tikli n taggara.

Deg yixef n terhilt yer sdat, Yugerten itteddu gar sin n yifergan n læesker, uzzal iqqen idarren d yifassen. Deffir, tteddun sin warraw-is, cudden s txelxlin am netta.

Yugerten itteddu tikli tazayant. Fer sdat, akkin, iban-as d Marius ibedd s ubernus-is, itteddu yef ukarrus i jebbdent snat n tyugwin n yigemren imellallen. Yugerten ikna i tuyat-is, itteddu aḍar deffir wayeḍ. Ur isli i twuḡa, ur izri iyallen-nni d-isḡalen yer-s, ur izri arquqen-nni i t-id-iberrmen. Itteddu, isers aṭṭawen-is, zun di targit i yella, di yir targit.

Abrid izzi. Tarhilt tezri sdat Forum Boarium¹, syin tuy abrid n Circus Maximus, kecmen di yiwet n tewwurt n Circus, ddan di tnemmast-is, si yal tama d aglaf n yimdanen s twuḡa d uẓeggi, syin ffyen si tewwurt iden. Fer sdat akkin, yal asurif irennu-yas ṡṡut-nni n «Viva ! Viva !» akked twuḡa n «io triumphe ! Io triumphe !» i Marius. Fer deffir, d awalen ifuḡanen i wid-nni yettwarzen s yixelxalen n wuzzal. Yiwet n tikli, sin wudmawen : tameyḡa, taṇṭelt.

Imdanen-nni itteddun si deffir ttun tilufa ideg llan nitni. Si mi slan s ugellid-nsen, Yugerten, illa gar-asen, iqqen ula d netta, ikkes fell-asen uẓar n

1. Abrid n triumphum : (1) Campus Martius (Champ de Mars) > (2) Circus Flaminius > (3) Porte Triomphale > (4) Forum Romanum > (5) Forum Boarium (ass-a isem-is «Piazza Bocca della Verità») > (6) Circus Maximus > (7) Palatinum (izzi i tewrirt n Palatinum) > (8) Via sacra (Voie sacrée) > (9) Clivus capitolinus (tazribt yulin yer Capitole) > (10) Capitolinus (Capitole).

usirem. Awal-nsen : «Yugerten, mmi-s n tsedda, ass-a iqqen am yiḡid, gar læsker n Ruman. D yir taggara !».

Mi d-ffɣen si Circus Maximus, ddan yef zelmeḍ, zzin i tewrirt n Palatinum. Tteddun yimdanen tikli n tmara, ur ḡrin anida tteddun. Ma yer lmut, yif xir lemmer zwaren deg-s. Ma d tudert am tin, yif xir lmut tamaṣṣart. Tteddun di Ruma zun di tnemmast n tasna n warreḡen. Irumyen simmal seḡyaqen-d abrid, simmal qerrben-d yiḡallen-nsen akked yifassen-nsen yer wudmawen-nsen. Tikli simmal tettiḡzif mi as-zzin i tewrirt n Palatinum, syin uḡen tazribt tameqqrant, Via Sacra, di tnemmast n Forum Romanum.

Tikli n luḡa, ḡas ma ifadden kkawen, ḡas ma iḡarren cudden s yixelxalen n wuzzal, amdan izmer ad iseddu iman-is, aḡar deffir wayeḡ, ad yefk llu i tid-di-s. ɢas allay sellaw si laḡ, ḡḡay seg usemmiḡ d unezgum, imdanen-nni tteddun d tissi, win imalen ad as-d-gen tarkizt, ad t-id-allen waytma-s. Tteddun deg ubrid ur ssinen, di tmurt ur ssinen, yer wanida ur ssinen.

Mi bdan tikli usawen di tezribt n Via Sacra, ukin i tgecrar-nsen feclent. Abrid ibeddel, tteddun ikkat-iten wugur gar teblaḡin-nni n Via Sacra. Tiwuyā rennunt simmal, abrid itti, irna yezzif yer sdat. ɢas d asemmid, amur seg-sen tidi n tkuffirt tettḡittir seg wudmawen-nsen. Ur telli tid-di, ur illi usgunfu. Yal yiwen seg-sen iḡra anida ara as-teffey i win ibedden, i win iḡlin isred, ur izmir ad iddu yer sdat. Tuddma-nni i ddmn læsker

winna yeŷlin di tewwurt n Triumphum, teqqim di tmuyli-nsen. Tuddma-nni kan tefka-d udem n wanida i itteddu umdan-nni.

Tteddun yimdanen zun d tameqqunt-nni n tgedrin di tallit n tmegra. Yal yiwen inteq yer gma-s, win imalen ad t-id-ittef wayeq. Tteddun, aḍar ifcel, afud ikkaw, allay iffeŷ-it usirem.

Ter sdat yekker udriz n lferḥ akked ubayur yur ibernas izeggayen n Marius : «*Io triomphe ! Io triomphe !*»

Targit ideg yella Yugerten tefka anza i targit-nni n win illan deg yifri n teryel. Targit akked takayt dduklent, ur telli talast gar-asent.

Aḥal n wussan i izrin si mi t-id-ttfen Ruman. Ussan-nni n tuber, ŷlin-d waman di lawan-nsen, teswa-d tmurt, llan wid ikerzen. Ilmend ad isirem ad mɣin yigran, ad ččarent tesrafin n yirden d temẓin, ad d-isdukel tamurt i tnekkra tameqqrant, taggara tunef, tmal, iwwet usyax di tnemmast. Tikli-nni n Ruma yuki-yas Yugerten ɣezzifet. Abrid-nni ideg itteddu, ɣas d iberdan i issen si zik, asmi d-yusa aḥal n tikkal yer Ruma, ass-a ur as-yufi udem. Ruma-nni yessen, Ruma n tussna, Ruma n yidles, ass-a tenger. Tiwuya-nni akked yir awalen-nni n wid iččuren iberdan kksen sser ɣef teŷremt n Ruma, «Ruma i d-ikkan nnig akk tmura !»

Yugerten iger tamuɣli akka d wakka ma ad d-ŷlint wallen-is ɣef yiwen neŷ sin gar wid yessen din, wid ukkud ičča tagella d tisent. Yufa ur illi din yiwen. Udmawen n wid-nni i as-d-izzin ass-a cuban wid-nni n yifri n teryel, udmawen-

nni n tmucuha. Ruma-nni n zik tenger, tucka.

Abrid usawen di tezriht n Via Sacra simmal irennu ittiqzif, simmal isuddum zun d tinifift, irennu tasawent i usawen. Imdanen tteddun nehten, ifadden kennun, tididi tzelleg. Wid illan di tmemmast feclen, læsker-nni itteddun si yal tama, tteddun s teḍsa, aḍar afessas, udem innecraḥ. Abrid-nni yessuddmen iban-asen i wid icudden, d azayar.

Tafat-nni tawrayt n yiṭij n tegrest simmal trennu tettimlil, wid itteddun s tmara yezzifet fell-asen tremt. Lemmer zrian anida tteddun, zemren ad as-gen ul, ad ṣebren i dderk, i laz, i leṣtab. Zemren ad rekḍen yeḥ wul-nsen, ad qeblen leṣtab-nni, laz d usemṣiḍ-nni, taggara ad awḍen anida tteddun. Ad awḍen, ad tefsi tindert fell-asen, ad sgunfun. Imdanen n tikli di Ruma, ur ten-id-iwwiḍ wawal, ur qḍicen i tikli-nsen. Amdan icudden s yixelxalen n wuzzal, ur iqqim d amdan i tiṭ n win i t-icudden. Si tallit-nni deg icudd, zun iffeḥ si lufeḥ n yimdanen, ikcem addaynin n war amdan. Akka ! Timanit, tanefsit, tezmer ad tuḡal d urar gar yifassen n yimdanen, gar yifassen n wid i d-yuḡen tasawent.

Yiwen seg wid-nni itteddun sdat, tama tazelmaḍt, imal abrid neḥ sin, syin yuḡal-d. Irna idda amecwar yeḥ sdat, aḍar ifcel, tigeclar rgagint. Amdan-nni irna idda yeḥ sdat asurif neḥ sin, imḍerkal. Mi d-gren wid illan deffir-s akken ad t-id-arzen s yiḡallen-nsen, innser-asen. Abrid iḍyeḥ isuddem. Argaz iwwi tiḡiḡit akkin, imrehwal akkin d wakka, inṭer s lqedd-is, isred.

Tikuffta timellalin ffyent-d seg yimi-s. Mazal ters deg-s tergaġit-nni mi t-id-wwden, ylin-d fell-as zun d igudar. Læsker zuqren argaz-nni amzun d acetqtd. Sin seg yifassen, sin seg yidarren, sdergen-t akkin deffir ugadir.

Nnig wid illan sdat-s akked wid illan deffir-s, argaz-nni yufeg, yucka, ur t-izri yiwen. Iffey si tmeddurt, zun ur d-ilul, ur yuzzil, ur idsa, ur innuqna. Asmi d-ilul di taddart-nsen, di Tewrirt, di Taberka neq di Tala, ass-nni tefreḥ yemma-s, rnant teyratin n tlawin di taddart, gant-as urar armi yuli wass. Ayen akk tessarem yemma-s, ayen akk yuzzel netta akken ad yuqal d argaz, taggara inqel deg wass-nni n tuber mi t-id-urzen læsker n Ruman. Ass-a isred di tegrest, immut deg ubrid n Via Sacra, abrid-nni yulin qer Capitolinus, di tnemmast n Ruma.

Send ad yali wass, mi yettnaq yid d wass i d-suffyen Yugerten si lḥebs-nni ideg yella di Ruma. Usan-d qur-s d tirkeft n læsker, zzin-as, akken ad yali qef ukarrus i zuqren sin n yigemren. Suffyen-t-id akken s wuzzalen-nni yurzen idarren d yifassen, idarren qer yiqallen. Yugerten itteddu s leḥder lemmer ad iqli, iwwet ad yali qef ukarrus-nni.

Tas akken argaz iqqen, læsker-nni zzin-as am warezzen, gan afrag, afus qef ujenwi neq qef uneccab. Ur illi wawal gar Yugerten akked wid i d-yusan qur-s.

Mi ddan qur sdat, tamuqli-nni n tewwurt n Triumphum i yeqra sdat-s, tefka-yas-d i Yugerten tasarut n tuffya-nni i t-id-suffyen taṣebḥit.

Tikkelt-a yezra mačči yer tmettant i t-id-srekben.

Mi yezra annect-nni n læsker, annect-nni n yimeḥbas am netta, igemren, izgaren akked wayen icudden s ufella n yikarrusen-nni, ifhem anida i d abrid-is.

Yugerten issen Ruma, issen Irumyen amzun d tamurt-is. Ačal n tikkal i yezger ilel, irzef yer Ruma. Dya si tedyant-nni n ttrad n Numance iga-d imeddukal ugar, imeddukal-nni n tidet, wid illan yer tama-s, wid-nni ukkud idegger læsker n Viriathe deg yimenyi n Numance.

Ameddakel illan di tizi n ddiq, di tizi n tidet anida yellin yirgazen d tissi, yiwen ur izmir ad t-ittu. Di tedyant-nni i yuki Yugerten ikcem di tmemmast n yidles arumi ; issen amek tteddun, amek zerren tameddurt, timmanitnsen ; issefra-d ayen izwaren yur-sen akked wayen iggran yur-sen. Yal tikkelt ideg ara yili di tmemmast imeddukal-is Irumyen, ittaki i yimanis zun d yiwen seg-sen, d arumi am nitni, ayen ilhan issen-it, ayen ur nelhi issen-it. Tikkal dya issaram ad d-yas wass ideg ara isdukel ayen ilhan yur Ruman akked wayen ilhan yur Yimaziyen am netta akken ad ibnu tamurt akken i ttimenna netta. Di tallit-nni ideg yella Makawsen d agellid, tikkal izer tagelda n Sirta abrid-is yer deffir mačči yer sdat. Llant tikkal dya ideg issaram ad d-yuḡal jeddi-s Masnsen, ad d-yuḡal d ilemzi akken ad as-ibeddel abrid i tmurt. Llant tikkal ideg ara iḡur ilemziyan-nni di Sirta, icban Aderbal, Gawda akked wiyad, wid akken d-ikkren di taḡut, rennun wurfan deg-s ugar. Di

tallit ideg ilemziyen n Ruman ur ssinen asgunfu gar tazzla s ugmer, almad n yimenyi s ujenwi d uneccab, tazzla n maraṭun yef uḍar si tmurt yer tayed, wid n tgelda n Tmazya sbuḥrun-asen waklan ddaw tara tazegzawt di tawrarin n Sirta. Abrid-is netta, izra ur illi d abrid-nsen nitni.

Mi sbedden akarrus ideg yedda Yugerten sdat tewwurt n Triumphum, imezday n Ruma ččuren-d annar. Awal iffeṣ syur læsker-nni, dya at Ruma suffyen-d yir awalen yer wudem-is, yugar tisuusaf awalen.

Yugerten issen amezruy n tikli n Triumphum mačči armi d ass-nni. Si zik n zik, yusa-d jeddi-s Masnsen yer Triumphum n Scipion, yusa-d Makawsen d inebgi. Ass-a lemmer tšeggem, ad yili d inebgi n Senat mačči d amehbus n Senat, ittwarez s wuzzalen...

Yugerten ifhem ass-a d ass n Triumphum n Marius. D ass-is ilmend n wayen i d-issas i tmurt-is.

Ilers aqerru-s, ur isel i yir awal, ur yuki i tsusaf-nni i t-id-iwwden. Fas tafekka-s tella din, allay-is izger akkin yer teyremt n Sirta. Ayen akk izrin si lmut n Makawsen, ass-a iban-as-d am tafukt n magu, iban-as ifren, yufaf, iktal, yuṣal yer tesga. Triumphum-a iban-as-d i Yugerten am win yufan tasarut-nni i as-idergen aḥal n wussan, aḥal n yiseggasen. Azal ameqqran n Triumphum issen-it netta. Izra anwa i d aḥar-is di tmurt n Ruman : akken ad tili tikli n Triumphum i yiwen seg wid iseddan ttrad, i Consul jiniral n læsker icban Marius, ilaq ccert ameqqran. Ilaq-

as ad yili yerna-d akal¹ akken ad isemɣer, ad isnerni tamurt n Ruman.

Iwzen-as Yugerten. Senat i as-iqeblen ass-a tikli n Triumphum i Marius, i netta tefra. Marius irna-d tamurt i Ruma, idegger akkin tilisa n tmurt n Ruman, irna-d Tamazɣa (Numidya) d aḥric amaynut i Ruman. Tur-sen tefra, seg wass-nni ideg d-ṭṭfen Yugerten. Tamazɣa tuɣal d taferka-nsen. Afrag-nni i iga Yugerten, ass-a, ikkes akkin i Ruman seg wasmi i t-id-cudden s yixelxalen n wuzzal !

Yugerten itteddu, aɗar deffir wayeɗ, ur isli i twuɣa, ur yuki i tsusaf. Anezgum-nni ameqqran yellan fell-as yuki-yas ittifsis. Ass-a tefra-yas-d tagut. Anezgum-nni i iga seg wasmi yekker ṭṭrad mgal Ruman, ass-a yettifrir am tagut-nni n tefsut. Akukru-nni yemmuger aḥal n tallit, di yal imenɣi, ass-a ikkes. Izra netta seg wass amezwaru deg ubrid n tissas i yella. Innuy Ruman acku nitni begsen si tazwara ad kecmen Tamazɣa. Tamettant-nni n Makawsen tusa-yasen-d tawwurt akken ad kecmen Sirta. Nitni heggan, begsen, cudden-tt, taggara ufan d Yugerten i d axšim-nsen.

Abrid-nni heggan-t si zik. Heggan arraw n Makawsen akken ad kerzen yis-sen. Lemmer ur ten-heggan yili Aderbal ur d-isuffuy awalen-nni n lɛar sdat tejmaɛt n Senat asmi yezger ɣer Ruma akken ad isuter tallalt. Inna-yasen i Ruman ass-

1. *Triomphe* : «Un des critères importants était le butin rapporté, mais il ne pouvait y avoir de triomphe si l'ager romanus, le territoire de la République, n'avait pas été augmenté». L'annexion de la Numidie se confirme donc !

nni : «Tamurt d ayla-nwen kenwi, nekkni d iqeddacen nwen...».

Afus deg-nney i yella.

Di 14 n yiseggasen n yimenyi mgal Ruman, llant tikkal ideg Yugerten iga ccek. Llant tikkal ideg ifcel. Taggara, yal tikkelt ittaf tazmert yer sdat, ittaf afud amaynut i tnekkra.

Yugerten itteddu s tazeyt, knant tuyat-is, gar twuɣa d uqejjem, allay-is yerna yunag akkin yer udrar n Wawras, akkin yer Sirta. Mi d-itkaki ilemziyen-nni i d-immuger di tikli-is di yal tiyremt n Tmazɣa, izra deg wul-is ass-a izza di tmurt-is uɣar n tnekkra.

Izra netta issay tafat n tnekkra deg wulawen-nen, tafat-nni ur nxessi. Iqqen allen-is, itteddu am udderyal, aɗar deffir wayeɗ.

Ter sdat, Marius, ibedd fella ukarrus amellal i jebbdent snat n tyugwin n yigemren imellalen, itteddu yer tewrirt n Capitolinus. Itteddu akken ad yefk tarzeft, ad izzal, ad isizzel idammen i Jupiter... Ad as-yerr lxir.

Di tesraft n Tullianum

Mi tewweḍ tikli n triomphe yer Capitolinus, Marius izzul tazallit-is, isazzel idammen n yizgaren-nni imellalen at wacciwen, iwweḍ lebḃi-s.

Imeḥbas imaziyen akked wid n tmura nniḍen, nehren-ten læesker-nni yer yiderbaz anida llan. Azekka-nsen yiwen, d aberkan. Ad nzen d akkan ney ad ten-yečč ujenwi ney yizem deg uraren n Circus di Ruma. Nitni ffyen si tudert.

Yugerten sudren-t yer lḥebs n Mamertinum, akkin ddaw tewrirt n Capitolinus, deg yixef n Via sacra, d abrid yer wanida tella tesraft n Tullianum.

Mi wwḍen Mamertinum Carcere, udren tiseddarin yer tama n wadda. Send ad gren Yugerten deg yimi¹ ufella n tesfrat n Tullianum, fsin-as tixelxalin n wuzzal, kksen-as icetṭiden-is, rnan jerḥen-t si yal tama mi as-d-qeccmen timengucin-nni n wurey seg yimezzuyen-is. Gren-t deg umruj-nni, inṭer yer tmemmast n tesraft tasemmaḍt, d aæryan am wakken i t-id-turew yemma-s. Inṭer yef yiblaḍen isemmaḍen, imezzuyen tteddun d idammen...

1. Imi n tesraft Tullianum izzu, injer deg uzru aberkan, tehri-s (*diamètre*) azal n 0.61m ; tiddi n tesraft (*hauteur*) = 3.53m (= 12 *pieds romains*) ; tehri n tesraft (*diamètre*) : azal n 3.5m.

I yezzifed ay id !

Tillas d usemmit zegyen tasraft-nni ideg yekcem Yugerten. Tebrek akked yir tariht rnant-as ugar ayilif i umkan-nni. Tasraft-nni teldi-d imi-s si ddaw tmurt zun d talafsa. Ur yuki mi d-yufa iman-is iglalez di tama n wadda, di tmemmast n tesraft. Mi as-bran si tama ufella, ur izri iyli yef uqerru-s ney yef yidarren-is. Iqqim inzef.

Tariht-nni i t-id-iwten yer tanzarin-is tesmekta-yas-d ifran-nni n Taza, ifran-nni anida zedyen yizmawen. Yugerten icarrew. Izzel iyil-is, yufa-t zḡay zun d azduz. Tas kksent txelxalin n wuzzal i t-yurzen aḡal n wagguren, yuki-yas i tesmed-nni-nsent, yuki-yas i tazeyt-nni. Immekta-d anida yella.

Akken iqqim Yugerten ur as-yufi udem. Teqseḡ akked tesmed n yiblaḡen-nni gan-as-d ineccaben deg uksum-is. Izzel idarren-is, yufa yerra-t-id udernu n uzru. Tigecrar qqiment kerfent. Iḡeggem iman-is.

Ur izri ldint wallen-is ney qqnent. Ur izri amek i as-d-teggra i yizri-s. Ur ifri d ass ney d id, netta yeqqim ttezzint deg wallay-is. Tebrek-nni n tesraft akked tillas-nni rnant tidderyelt i tidderyelt. Iqqim, issusem.

Yugerten yuki-yas i tesmed tuy tafekka-s. Mi isers afus-is yef yidmaren-is, yufa ur illi ucettiḡ, ur telli tselsa. Iggra-d akken i d-ilul si tēbbuḡt n yemma-s. Isself i wudem-is, yuki i ufus-is yulway, iḡma-d si tnalit-nni. Idim irennu itteddu deg yimezzuyen-is, yuder adda, iga-d targa si

tuyat-is. Yugerten iwwet ad d-itkaki. Açal aya i yella di tesraft-nni ? Ass-nni kan ? D ussan, ney d agguren ?

Yugerten ur d-yufi ; xerbent, rwint deg wallay-is.

Tariht-nni tazefrant n tesraft terna tyezza-t ugar di tinzert-is. Tariht-nni tesmekta-yas-d tadyant-nni asmi yedfer izem netta akked yimeddukalis, Ameqqran akked Gider, di tezwi n wagdel n Taza, deg udrar n Wawras.

Yugerten itkaki-d tadyant-nni, izerr-itt, zun yeyma usaru-nni deg waɥawen-is : «... mi ay-innser yizem-nni tikkelt tamezwarut, neɣɣa din imeddukal-nney, wid iddan yid-nney. Nuzzel, nuɣ abrid ansi yezri yizem-nni. Nedda açal, izem yufeg, yucka, ur d-iban later-is. Nezzi i tezwi, nekkayas tama ufella, nerna tama wadda, ur illi yizem. Nerna tikli yer sdat, syin ners-d yer tmurt, neqqen igemren-nney, nedda yef uɗar gar yisekla n wagdel akked umadaɣ.

Mi nuli si tama ufella, newwed yer yiwen n uslaɗ, nufa din llan yicerfan, llan yifran. Negguni tiremt, nessusem ; ur d-inɥiq ufrux, ur d-ineggez uwtul. Tasusmi-nni tdel amɗiq-nni, tesberber-as zun d tasusmi-nni n usalu n udfel yessan. Ameqqran akked Gider zzin-d si tama n wadda, nekk lliɣ tama ufella. Zriɣ-ten mi bedden akkin. Seyley-asen s uneccab-inu akken ad asen-iniɣ: «nekk ad kecmeɣ yer yifri-nni yellan sdat-i, nitni ad bedden yef yiman-nsen». Gider irrayi-d s yiɣil-is, zun akken inna-d : «ih ! kečč zwir, nekkni ad nergel abrid n wadda». Ddiɣ snat

tsuraf kan gar yiblaɗen mi ɣliɣ ɣef yimi n yifri. Amruj-nni n yifri yella iffer-it udafal, idres fell-as zun d azetɛta. Illa deg wawal : «ifri n yizem, ɣas d ilem issaggad». Mi skecmey aqerru-w di tewwurt n yifri i yi-d-tewwet tariht-nni ɣer tinzarin-iw, tariht-nni taqeshant, tazefrant. Mi d-rriɣ iman-iw ɣer deffir akken ad nefsey azwu azedgan i d-ineggez kra sdat-i, iffeɣ-d gar yigenni akked tmurt, yufeg akkin am waɗu ɣer tama n tezgi. Imir, nekk ur ɣriɣ tigdert. Ukiɣ kan i waɗu ameqqran iɣuɗ-iyi-d, “huuufff !” ukiɣ i kra ihucc-iyi, icrew iɣil-iw, syin idegger-iyi akkin ɣer uslaɗ n uzru n tnicca. Mi d-ukiɣ, ufiɣ-d iman-iw ɣɣley d tinnegnit gar yimedduk-al-iw, Gider akked Ameqqran. Ufiɣ-d aqerru-w icudd s ucettiɗ i tejbirt umagraman. Mi sersey afus-iw ɣef uqerru-w, ukiɣ-as i ɣamu n yidammen-nni...».

Tesmeɗ-nni n tesraft tebda tkeccem ugar deg yiɣsan n Yugerten, icarrew tikkelt tis snat.

Yugerten iserfed i uksum-is, ihukk iɣallen-is s yifassen-is akken ad issenɣes tisuqqas n usemmiɗ-nni. Tadyant-nni n yizem terna deg-s anezgum. Itkaki-d imedduk-al-is n temɣi. Gider, Ameqqran, anida llan ass-a ?

Di tesraft-nni, izirig areqqaq n tafat i d-yudren akkin si tegnawt ibda iselles. Izra-nni n tesraft i as-d-izzin bdan netlen yiwen yiwen. Ur ifrin ma d ass i yeffalen akkin i yiɣil am yal tameddit neɣ d izri-s netta i wumi ddalent tillas, ibda yedderɣil. Yugerten iqqen aɛɛawen-is, ifka tameɣɣuyt akken ad isel i wayen i as-d-izzin. Ur illi ɣɣut,

ur illi wawal. Yuki i yiman-is inġel d amuddur. Tuli-d tkuffirt deg-s, inġeq yer yiman-is :

— Nekk, Yugerten n at Yiles, aql-i di tesraft n Ruma, neġley ddaw tmurt, ttwarzey deg umerdax...

Di taġect-is ur d-iffiy sşut. Yugerten ikref-d tigeclar-is yer yidmaren-is, isker iman-is zun d takurt akken ad as-inġes usemmid, ma d allay-is izger, yunag akkin i yilel, akkin i yidurar, akkin i yizuyar n tmurt-is.

Yugerten irra tamuyli yer deffir, yer wussan d wagguren ineggura. Ussan-nni ttezzin sdat wallen-is, ttezzin rennun : timlilit n Tzayart, Buxus, Sylla, Dabar, Irumyen zzin-as zun d ajrad, idammen, tisuusaf, uzzal, tixelxalin n wuzzal, yir awal...

Yugerten ittef aqerru-s gar yifassen-is, iwwet ad ikkes seg wallay-is ayen akk izerr di tedyant deg yella, taggara imukan n txelxalin-nni n wuzzal azayan rrant-d tamuyli-s yer umkan-nni ideg yella. Ihukk iyallen-is, yuki mačči d targit i yettargu. Irna islef i yifassen-is, i yidarren-is, ur izri yella ney ur illi wuzzal n txelxalin-nni.

Ayen i yesnedfen ul-is ugar, ur illi d tadyant idran yid-s netta, tufa-t-id ass-a ittef tama n wadda sdat ucengu Arumi. Tidet, netta tuy-it innum tilufa, innum akessar d usawen, innum uguren seg wasmi i t-id-turew yemma-s. Yugerten isers afus-is yef yidmaren-is akked tuyat-is, islef i uksum-is, yuki i cwami-nni n tyitwin n uneccab, tyitwin n ujenwi ney n ucangal. Gas nejrent tyitwin-nni deg uksum-is,

yur-s amzun ur llint. Açal n yimenyiye ideg yella, ideg yewwet, ideg yečča tiyita, taggara, yal tikkelt yufrar-d di yir tagnit. Ajraḥ n tyita d-ikkan syur ucengu iqqaz iḥellu...

Ayen i yesnedfen ul-is ugar, d tiyita-nni i as-d-yusan si deffir, seg yidammen-is.

Yugerten ifka awal, ifka laman i Buxus akken ad imlil netta akked Sylla. Ad mlilen akken ad d-afen tawwurt n tifrat netta akked Irumyen, Buxus ad yili d inigi. Taggara tedda tedyant akken iden.

Ilmend deg timlilit-nni n Tzayart ad tili d timlilit n tifrat, s ufus n Buxus, taggara tuyal d tazarezt, d yir targit. Aḍeggal-is netta, idammen n warraw-is, ifka afus deg-s, izzenz-it i Ruman, am netta am arraw-is.

Akken i as-iwzen Yugerten ur as-yufi ixef-is. Di tazwara n ttrad dduklen netta akked Buxus, sduklen tazmert-nsen akked læsker-nsen, nnuyen Irumyen di yal amkan, di Sirta ney anida nniḍen. Taggara tunef.

Amek iwweḍ Buxus ad izzenz aḍeggal-is, ad t-iger gar tuccar n Yirumyen ? Yugerten ur as-yufi tawwurt. Itkaki-d awal-nni zik, «tixsi d idammen-is i tt-inyan».

Açal d Imaziye am netta i d-iggran di tesrafin ney di leḥbus n Ruman, mmuten ney nzan d aklan. Yugerten yufa ur illi d amezwaru di tegnit ideg yella. Itkaki-d wid akk illan yid-s deg yimenyiye, wid i tṭfen Irumyen, cudden-ten akken ad ten-awin d aklan yer tmurt-

nsen. Itkaki-d dayen tadyant n ugellid Sifaks¹, ittwacudd am netta di tmurt n Ruman. Sifaks ittef-it-id Masnsen akked Consul Laelius deg yimenyi n Sirta. Sifaks immut d ayrib di teyremt n Tibur², di tmurt n Ruman. Gas Sifaks yenfa, ikker-d mm-is, Awernin³, iseyzef imenyi mgal Masnsen. Tamurt tamaziyt teqqim tebda yef sin. Izirig-nni n tafat di tesraft iselles.

Yugerten isker iman-is di teymert, aqerru gar yifassen, iqqim igguni. Iger tamuyl i yiseggasen ineggura izrin : «tadyant i ay-d-isawden yer da, azar-is d aqdim, illa si zik n zik. Nuɣ tanamit, mi tenyel tsagemt i nettuyal i tuzzma. Di yal tallit, ussan akked yiseggasen izrin amzun ur nessin ad nelmed seg-sen. Fur-nney, ayen izrin immut, iwwi-t waɗu. Yal tikkelt ad as-nuyal i bennu s wadda amzun imir-nni kan i d-nlul.

Ugur ameqqran-nney : nessimɣur tid n gar-aney armi d tidderyelt ideg ur nzer uguren imeqqranen i ay-d-izzin, uguren n tliɣa, uguren n berra. Yal tikkelt akka. Win i d-yusan si berra izmer ad ikrez yis-neɣ ma yufa tasarut n yiceqqiq-nni yellan deg-neɣ, tayennant-nni yellan gar-aney si zik n zik.

Asmi yemmut baba-tney Makawsen, yileɣ wwden-d wussan ideg nezmer ad nbeddel

1. Agellid Sifaks (Syphax) : immut d amehbus di tmurt n Ruman, di teyremt n Tibur. D Masnsen akked Laelius i t-id-ittef di Tmazya, deg yimenyi wis sin gar Carthage akked Ruman (2^{ème} Guerre Punique). Masnsen imal yer Ruman, Sifaks imal yur Carthage.

2. Tibur (ass-a isem-is Tivoli), d tamdint n Telyan, tezga-d 32km akkin yef Ruma (agmuɗ n Ruma / à l'Est de Rome).

3. Awernin = Vernina (s tlatinit), mmi-s n Sifaks.

udem i Tmazya. Nwiɣ ad as-neddukel i twizi tameqqrant, ad d-nessakwi ilemziyen n tmurt, ad nebnu tiyremtin, ad nenjer iberdan imeqqranen si tmurt yer tayed, ad nɣez tiregwa akked yisaffen i waman ad awɣen timura iffuden, ad swen yigran. Nɣil tamussni tella, iyallen llan. Taggara, ur teffiy targit-nni.

Yir tagmat tettruz ifadden.

Mazal yekkaw uzekka n baba-tney Makawsen, aytma, Hiemsal akked Aderbal, begsen-d i tlufa. Ilmend ad nemyefk tayet, ad nekker i tmurt, nitni heggan-d tasraft. D nekk, Yugerten, gmat-sen, i d-ufan d acengu-nsen mačči d laɣ, mačči d ccwal yellan gar tmura n Tmazya. Nitni kkren-d deffir ugadir, di liser akked tawat, dɣa tamuɣli-nsen tuɣal-d kan ansi d-yuɣal ugadir i asen-izzin di Sirta. Kkren-d deg wudi d tamemt, tlen di taduɣ, uggaden ad asen-tekkes. Nitni, ur ffiyen, ur kcimen timura n Tmazya neɣ tid n medden, ur gan ttrad, ur ten-tuɣ di tagnit anida ara rgagin yiɣesmaren-nsen, anida ara d-teffey seg-sen tidi-nni tasemmaɗt.

Ilmend deg ad cemmren i yiɣallen-nsen, nitni fran ad qqimen di hamu akked tizedt n tamemt-nni n Sirta ideg uɣen tanamit asmi yella baba-tney.

Asmi llan di tattalt, am Aderbal am Hiemsal, nekk gezmey Tamazya seg yixef yer yixef, seg wagmud ar utaram, seg wanɣul ar ugafa. Zegrey isaffen, zegrey idurar, ulac tiyremt ur kcimey, ulac taddart ur ssiney. Anida ddiɣ d aytma, axxam kecmey d axxam-iw. Yal tikkelt s mraw n

yifassen i yi-d-ttmagaren at tmurt-iw. Zegrey ilel yer tmurt n Sbanya, kecmey di ttrad n Numance, tama n læsker n Ruman, nemyefk tayet, nečča ayrum asemmaḍ, necrew tidi d yidammen. Imir-nni Irumyen llan d imeddukal-nney, mačči am wass-nni am wass-a...

Di Numance, isem n Tmazya yennerna yisey-is. Deg yimenyi, anida terki, anida tegguma ad tefru tyita, d nekk wuyur d-idellu Scipion. Mi nekcem annar, ad neg afernas deg ucengu. din di Numance, nesdukel tamussni-nney di ttrad akked tin nelmed yur Ruman. Nerna-d afud i yisey n yilemziyen imaziyen i wwiw yid-i. Nefka ixef-nney i yisey n tmurt-nney.

Asmi tefra tedyant n Numance, mi nekker ad d-nuḡal, sdat læsker n Ruman i d-izzin i aḡ-d-inna Scipion awalen ineggura i nekkni Imaziyen: — Kenwi, iserdasen n Tmazya, tefkam-aḡ-d tallalt, tefkam iqerra-nwen i tifat n yimenyi ameqqran n Numance, i temyer n Ruma. Tzegrem-d ilel akken ad tegrem afus deg yimenyi tama-nney. Ass-a, azekka Ruma ur ittettu ayen i tgam di tmurt-a...

Nezra awal n Scipion anida yessawed ass-a.

Asmi d-nuḡal si Numance, imeddukal-nney immuten din ur ten-nettu. Mi d-nuḡal kan, nezzi-d i tmurt, nezra imawlan n yirgazen i neḡḡa akkin i yilel. D tamettant-nsen i yernan azal i tmurt n Tmazya. Isey ameqqran, d idammen-nsen nitni i t-id-iwwin i ugellid Makawsen.

Tasusmi-nni yedlen i Tullianum terna amur-is n tebrek i tillas, i tazeyt uyemyum-nni. Idammen-

nni yeddán, sebken yef tuyat n Yugerten, rnan-as tesmed i uksum-is. Yugerten ikna, iger afus-is ad d-innal ixelxalen-nni n wuzzal i t-yurzen. Isferfed ifassen idarren, ulac. Ur llin yixelxalen-nni. Yugerten issarem ad ten-yaf akken ad ten-yeg d imwansen.

Di tsusmi nni, yezzi yer usefsi n usaru-nni n tmeddurt-is akked yiman-is :

— Tiyyita taneggarut n Buxus, yas ukiy-as, s tidet tugar-itt tin d-yusan syur waytma. Tiyyita n Hiemsal, n Aderbal, n Masiwen akked tin n Gawda sfeclelnt-iyi. Terna-d tin n Bumelqer d timsislit.

Ilmend tagmat ad tili d afud, d tarkizt wuyur ara isenned win imderkalen, taggara yir tagmat terna-yas-d ayilif.

Akka si zik, seg umezruy amezwaru, tamurt-nney ur as-tufi ixef-is. Si zik n zik, di yal tallit nekkni nerwa akessar d usawen akken ad nesbedd tilisa n tmurt-nney. Nezga-d gar sin n yicenga. Yiwet n tama d Ruman, yiwet n tama d Carthage i d-igren tucrar-is di tmurt-nney seg wachal d leqrun.

I sin skecmen-ay di tlufa yellan gar-asen. Tikkelt d wa, tikkelt d win. Tttrad¹ ameqqran amezwaru i d-illan gar-asen ahal n yiseggasen aya, ikker yef tegzirt n Sisilya². Asmi tefra gar-asen, Ruman ikcem Sisilya, irna tighzirin iden,

1. *1^{ère} Guerre punique*, gar Ruma akked Carthage (-264 ar -241) ; *2^{ème} Guerre Punique* (218 ar -202) ; *3^{ème} Guerre Punique* (-149 ar -146), tefra s uhuddu n Carthage.

2. Sisilya (Sicile), Sarda (Sardaigne) ; Kursu (Corse).

Sarda akked Kursa. Carthage ur telli d tamurt s tidet. D beṭṭu-nney i tt-irran d tamurt. Carthage tusa-d am timmist deg uksum n Tmazya. Di tazwara-s d tiyremt i bnan Yifniqen sdat yilel Agrakal. Smeyren akal-is s udegger n tliṣa di tmurt-nney. Si tkemmict-nni n wakal n Tmazya akked tmussni-nsen i waman, uyalen d ixṣimen n Tmazya, syin tazmert-nsen tettimɣur ugar armi uyalen d acengu n Ruma.

Gas adabu-nsen nitni, amur ameqqran n yimnayan akked yifellaḥen-nsen d Imaziyen akken llan. Adabu n Carthage iṭṭef tamurt n Tmazya s ufuṣ akked tidi n tarwa n Tmazya. Neqqen iman-nney s yifassen-nney !

Di ṭṭrad wis sin i yekker jeddi, Masnsen, ifka tallalt i Ruman, dduklen yef uqerru n Carthage.

Di tedyant-nni i d-iban wudem n tidet n Tmazya: tamurt tebḍa ur teddukkel. Di yiwet tama d Tamazya (Numidya) n ugellid Masnsen, di tama nniḍen d Tamazya (Mureṭanya) n ugellid Sifaks.

Lemmer dduklen yigelliden-nni, myefken tayet, yili Carthage ad tenger deg wass-is. Lemmer qqimen dduklen, Ruman ad yerr aḍar, ad ikukru ad d-isekcem iman-is di tmurt-nney.

Akka i tella. Di ṭṭrad wis sin, Masnsen idda akked Ruman, Sifaks idda akked Carthage. Tama tekka di tayed. Masnsen ikcem tiyremt n Sirta, ibedd d agellid, Sifaks icudd s txelxalin, iwwi-t Ruman yer Tibur, akkin i Ruma, immut din d ayrib.

Tayennant-nni yellan gar sin n yigelliden, ilmend deg ad teffer, ad tenger, taggara tesban-d udem-is i Ruman. Si tedyant-nni, Ruman zran zemren ad ddun yer sdat, zemren ad uraren akken ran s beṭṭu-nni yellan gar Tmazya / Muretanya akked Tmazya / Numidya. Tamurt yiwet, azar yiwen, iles yiwen, igelliden bdant-ten tyennant akked tismen.

D tadyant-nni n yimezwura i ay-d-isawḍen yer tegnit ideg nella ass-a. Beṭṭu gar Masnsen akked Sifaks imir-nni icba beṭṭu yellan taggara gar Yugerten akked Buxus. Gas akken necrek idammen, tabaεuct-nni n tyennant akked tismen n zik tekfel-d si ddaw tmurt, tesazzel idammen, tessawed Yugerten yer Tullianum...

Tasusmi-nni n tesraft tsers-d ayemyum yef Yugerten. Gar wussan-nni ineggura mi d-ittwatṭef gar yifassen n Irumyen, abrid-nni ayezsfan n tikli si Tmazya armi d Ruma, anida ur izmir ad iqqen tiṭ si herwel n leesker, ass-a yufa-yas talwit di tesraft ideg yella. Yugerten yuki-yas i wallay-is yers am win akken i teffey tawla. Tasusmi-nni n tesraft tga-yas-d tafat deg wallay-is ilmend n tafat-nni n tafukt ur iẓer. D izirig-nni n tafat i d-ikkan seg yimi ufella n tesraft i as-d-isbanen yuli wass. Ur iẓri igen ney ur igen. Akken isker iman-is tameddit i d-yufa iman-is tafejrit. Ikker, yuki ikcem-it usemmid ugar, syin iqqim, irna isker iman-is zun d takurt. Ihuzz aqerru-s, inna-yas i yixef-is :

— Zer kan ! Ayen akk i ssarmey, ass-a teffey targit-iw tezleg. Aḥal n yiseggasen i neṛwa

akessar d usawen nekkni di ttrad mgal Ruman. Ansi i asen-d-nekka, ad ay-d-zzin ansi nniḍen. Ur telli tewrirt, ur illi ugni, ur telli tazayart ideg ur uzzilen yidammen-nney ney nsen. Ruman isekcem-d tuccar-is di tmurt-nney si zik n zik.

Ulac tuzzma fell-asen. Lemmer ur ufin afus deg-nney, yili ur d-keccmen tamurt-nney, ur ttezzun tuzzal din. Afus deg-nney i yella. D ayen ur neffir, d afus-nni i ten-iskecmen yer Tmazya i yi-d-iskecmen yer tesraft n Tullianum.

Ruman, si zik-nsen, anekcum n tmura n medden illa-yasen deg yidammen. Ur telli tama i ggan. Akken bnan Ruma, saherwen tamurt-nsen di Urupa, ukin iman-nsen zemren, zegren ilel Adriatik yer wagmuḍ, syin zegren-d ilel Agrakal yer Tferka-nney. Di tazwara-s, isew-nsen d ttrad mgal adabu n Carthage i asen-d-ikkren d acengu aghemmaḍ i yilel, nekkni ur ay-d-wwiḍen.

Di tazwara n Ruman, di tgelda n Sabin¹ n leqrun izrin, abrid n ttrad gan-as talast i yal anekcum n tmurt n medden. Mačči d adway kan, mačči d imenyi kan si tazwara. Nnan zik, send ad kecmen yiwet tmurt, uyen tanamit ad zwiren s wawal send ad awḍen imenyi s uneccab d ujenwi. D agerram-nsen, win illan d amyar-nsen, ney amedyaz ameqqran, ara izwiren akken ad asen-d-ildi s wawal tiwwura n tmurt-nni i ran ad kecmen.

1. Igelliden Sabin (am Ancus Martius), igelliden imezwura yellan zedyen Ruma.

Nnan zik, agerram ad iddu ar talast n tmurt-nni i qesden, ad iyumm aqerru-s s uqelmun, syin ad iger tiyri, ad sen-yini :

— Sel-iyi-d a Rebbi ameqqran (Jupiter), slet-iyi-d a wid d-isellen n tmurt-a, aql-i deg ubrid n lheqq, ayen suturey d aya d waya...

Mi yessuli awal-is ugerram-nni, syin ad iddu deg wakal n tmurt-nni ar d-immager deg ubrid-is amezday amezwaru n tmurt-nni, ad as-yales awalen-nni i yenna di talast mi yezger. Ad irnu ad iddu. Mi yewweḍ yer tmemmast n tmurt-nni, di tmemmast n tejmaet tameqqrant n yiyrem anida llan yimezday, ad yernu ad yini awalen-is, syin ad d-izzi yer deffir, ad d-yuḡal yer tmurt n Ruma. Mi wwḍen 33 n wussan, walan ur d-yuḡal wawal n ccerṭ syur wid i iqsed, agerram-nni ad yuḡal tikkelt tis snat yer tejmaet-nni, ad asen-yales awalen-is :

— Sutrey-awen-d ayen i awen-d-sutrey, maca awal-nwen ur as-nesli. Ass-a tewweḍ talast. Taggara, nekk ad uḡaley yer Ruma, ad ciwrey irebbiten-nney akked yimḡaren-nney akken ad aḡ-tt-id frun.

Mi yefra ugraw n yimḡaren di Ruma, fran abrid n tṭrad d win kan, d tamara, ad sutren i yirebbiyen akken ad ten-allen, ad ḡallen tazallit n tṭrad. Syin, ad aznen agerram-nni ad yuḡal. Mi yewweḍ talast n tmurt-nni, ad iger tiyri i ubrid n tṭrad, syin ad isentu aneccab deg wakal n tmurt-nni. Aneccab-nni ad yili irḡa deg yixef, iḡla s yidammen. D abrid n tṭrad !

Gar wass amezwaru n tikli n ugerram akked wass n ttrad, imir-nni izmer ad d-yili ubrid n tifat gar Ruman akked yixşimen-nsen. Di yal tallit, gar ttrad akked talwit, llan yiberdan mačči yiwen.

Ass-a, Arumi ibeddel. Ur ifki azal i bab n yigenwan, ur issin abrid n talwit. Anida i tentessawed tezmert-nsen d yiyl-nsen, i d-tekka talast-nsen. Azal n talast iyef tebna tmeddurt, talast n wakal, n wawal, n tikli, nitni ur tssinen, ur ssinen iman-nsen. Tga-yasen ass-a i Ruman, am tlaşa-nni ur nessin tawat.

Illa deg wawal di tmurt-nney, si zik n zik, talast tella gar wayen illan d wayen ur nelli. Tilisa gantent yimdanen akken ad beddent, ad ilint garasen. I yal talast tella tseylit-is. Tiseylit-nni tella kan i wallay, ur telli i tezmert ; tella kan akken ad d-iktaki umdan ansi i as-d-tegzem. Dya, ula d izmawen akked iyulas di tezgi tgen tilisa. Yal wa deg umdiq-is. Gas imdanen ur llin d iyulas ney d izmawen, si talast akka i nekk, si talast akkin i kečč. Yal yiwen d amur n uybel-is. Amkan ideg ur llin tliş, d nnger kan i d-itteddun yer-s.

Ugur, mačči syur Ruman kan i yella. Di tidet, yella deg-neş si zik n zik. Illa wayen ilhan, illa wayen n dir. Akka ! Iseggasen-a ineggura, wid ideg necrew temrey, ideg nerwa akessar d usawen deg yimenşiyen mgal læsker n Ruman, wwteş ad as-afey abrid-is, ad as-afey asafar ilaen i wanida i tt-nuş, anida tettwet tmurt.

Deg ubrid n ttrad, Irumyen ur aş-ifen irgazen, ur aş-ugaren tabşest, ur aş-ugaren tamussni.

Ifen-ay di tuddsa¹. Di tin ideg tettway tmurt !

Di Numance, di tmurt n Sbanya, i d-lemdey tamuylı n Ruman, amek zerren tamurt-nsen, amek zerren timura n medden. Lliy mezziyey, maca ldiy allen-iw, şhercey imezzuyen-iw di tallit-nni n ttrad mi nennuy mgal agellid Viriathe.

Di tneммast n at tmurt i tzemređ ad tissineđ at tmurt-nni. Di tneммast n ttrad i tzemređ ad tissineđ ugar imdanen. Di ttrad, akken illa umdan ad d-yefk udem-is, udem-nni n tidet. Ur illi wurar, ur llint tkerkas ad igen tagut i tidet. Di ddiq, yal yiwen akken illa wudem-is i yella s timmad-is. Izem ad d-iban, awtul ur izmir ad intel.

Abrid n Masnsen

Ugur ameqqran i d-illan gar-i akked waytma, Aderbal d Hiemsal, simmal izžad deg wallay-iw. Llant tikkal ideg teggey ayilif ilmend ur fkiy awal, ur qqimey ayen ilaqen akken ad asen-slemdey ugar abrid i zerrey, abrid-nni nwiy ilaq ad t-neđfer nekkni neddukel. Abrid-nni ur illi d nekk i as-irzan asalu. Abrid-nni i zriy nekk isuffuy, d abrid n jeddi, agellid Masnsen.

Abrid-nni yas iban, di tidet zun iffer, inţel, tdel-it tagut n yiseggasen d yiseggasen.

Lemmer yura jeddi Masnsen ayen izer di tgelda-s, ayen d-itteddun i Tmazya yer sdat, yili izmer ur ay-tetteffey akka. Asmi yedder Masnsen, si mi yemmut Masnsen, awal-is, ayen inna, ayen iga, ayen iwehha, nekkni nelqeđ-it-id d iceqfan.

1. Tuddsa = organisation (*stratégie / discipline militaire*).

Lemmer yuri adlis anida ara d-isnefsusi tundar icudden, yili fell-aɣ ad tifsis, syin abrid isuffuyen ad aɣ-d-iban ɣer sdat. Yili dayen nekk ad afey tarkizt iyef zemrey ad tekkiy. Ad afey afud yis ad sdukley aytmaten-nney i twizi tameqqrant.

Llant tikkal, mi ara d-tkakiy tadyant tamezwarut i aɣ-d-iglan s wuguren imeqqranen gar-aney, si mi yemmut Makwasen, ttafey amur ameqqran seg-neɣ i d-tekka. Tilufa-nni gar-aney, nekk, Hiemsal, Aderbal, izmer ur d-ttlalent, ur ttimyurent.

Tas tuzzma ur salayent aman n wasif afella, tidet ur as-gan talast. Ayen ilaqen ad d-yifrir, taggara-s ad yifrir. Nnig tidet ur illi.

Deg wussan-nni imezwura, deffir lmut n Makawsen, ɣas abrid-nni i aɣ-ilaqen ad t-neɖfer ɣerrey-t, maca ur d-ufiy amek ara asen-fkey udem-is i Hiemsal akked Aderbal. Ur d-ufiy amek ara sen-t-fkey akken ad t-ɣren am wakken i t-ɣerrey nekk. Abrid ɣezzif, yezzi, illa deg-s usawen, illa ukessar, ma d nekk iban-iyi-d iɣeggem, ibrez, d azayar. Akken i t-ɣerrey nekk iɣeggem i nwiɣ ɣerren-t waytma, Hiemsal akked Aderbal. Di tagnit-nni n tlufa, ur qqimey ussan ilaqen akken ad asen-fkey tamuyli-w, ad asen-slemdey tidet n ubrid n Masnsen. Tella ɣur-neɣ nekkni, nbeddu deg uzlez send ad nɣeggem tagnit umeyyez. Taggara, mi tmal tenyel, ad as-neqqim i tuzzma, i wawal-nni : «lemmer ɣriy akka ara teffey !»

Di tesraft n Tullianum ideg lliḡ ass-a, ufiḡ akken tetulles tesraft i tennerna tafat deg yizri-w, i tuḡ ugar deg wallaḡ-iw. Ufiḡ iman-iw zerrey Tamazya, ferzey-tt am win yulin taqacuct useklu armi d tagnawt, izerr-d syin taferka-s. Ayen illan ad t-id-izer, syin, izmer ad d-ifren irden s tiṭ-is.

Seg wasmi yekker Masnsen, ikcem deg yimenḡiyen gar-as d Ruman akked Carthage, tikkal idda akked wa, tikkal idda akked win, tikli-s, di tidet, yiwet kan i yellan : abrid-is d win ara isherwen Tamazya, seg yixef yer yixef, win ara ikksen timmist n Carthage di Tmazya akken ad d-tuḡal teyremt i Tmazya, ad yernu ad iwwet akken Ruman ad iqqim akkin i yilel, akkin, agemmaḍ di tmurt-is.

Ruman akked Carthage llan imir-nni d at tezmert tameqqrant i sin, myezmaren, ma d Tamazya tga-yas am win d-ikkren d ameḡyan ur tšeggem terkelt-is, ilaq-as ad yernu tiram akked yiseggasen akken ad yefk afud i yiḡes-is. Aḡilif ameqqran-nneḡ, d beṭṭu-nni tebḍa Tmazya yef sin, si tallit n Gaya. Yiwet tama d tagelda n Masnsen, yiwet tama d tin n Sifaks. Yal yiwen ikkat ad issemḡer iger-is netta s uhuddu n wayeḍ, ahuddu n gma-s !

Tiddas-nni, Masnsen ifhem-itent. Ifhem urar-nni, win imbawlen, icceḍ, ad as-imil lkil-is.

Di Ruma di tallit-ni, am wass-a, llan sin iderma: win ibḡan Tamazya ad tili d tamurt iḡehden, agemmaḍ i yilel, s ugellid-is, akken ad teqren Ruma di talwit. Illa udrum wis sin ibḡan ad issemḡer iger n Ruma, ager republica,

akkin i yilel, akkin i yidurar. Adrum-nni issarem yal tamurt n umaḍal ad teknu ddaw tezmert n Ruman, ddaw tecḍaḍt-nsen, ddaw leenaya-nsen. Talast-a gar-asen nitni di Ruma, tella di tallit n Masnsen, di tin n Makawsen, akked tallit ideg nella. Yal tama tekkat ad tesmil Senat n Ruma yer ubrid-is.

Di Carthage, Hamilcar Barca, Asdrubal, ney Hannibal kkren ad smeyren tilisa-nsen. Imezwura-nsen, seg waḥal n leqrun, usan-d am tfiri di tmurt n Tmazya. Ugar n 7 n leqrun si mi tebna Carthage deg wakal n Tmazya. Tella d takemmict n tzeywa, tuyal d tiyremt kan, syin tebna d tamurt. Gas d tamezyant deg wakal, tessahrew, tessemyer di tezmert n leesker-is, deg wakal ney yef waman. Imir, llan at Carthage kecmen tamurt n Sbanya, rnan tizgirin n Sarda akked Kursa. Simmal tteddun, simmal seqraben yer Ruma. Temyer-nni, tikli-nni yer yidisan n Ruma, taggara tewwi-yasen-d imenḡiyen imeqqranen¹ mgal Ruman. Aḥal d aseggas, imenḡi ur ifri. Tiyemert ideg tefra, ad d-tekker di tayed.

Deg imenḡi-nni gar Ruma akked Carthage, Masnsen ifra ilaq-as ad ikcem annar. Yal yiwen seg-sen, am Ruma, am Carthage, ibya ad ismil Imaziḡen yer tama-s. Yal yiwen ibya ad t-allen Yimaziḡen deg yimenḡi-s mgal axṣim-is. Di

1. Ttrad i wumi semman «*les guerres puniques*». Amezwaru (si -264 armi -241) ; wis sin (si -218 armi -202), Masnsen innuy deg-s mgal Carthage ; di wis 3, aneggaru deffir lmut n Masnsen (si -149 armi -146), Ruman ikcem Carthage di -146, isery-itt, ihudd-itt azru azru. Agellid Makawsen illa deg-s, innuy s leesker-is si tama n Ruman.

tidet n taggara, yal yiwen isew-is ibya ad ikcem tamurt-nney. Urar gar-asen nitni, taggara-s yef yiqerra-nney. Adderyal ad tt-izer !

Di ttrad gar Ruma akked Carthage, abrid n Masnsen ibrez : ad izwir deg uxšim amezwaru, Carthage, win i yuɣen aɣar deg wakal n Tmazya seg waɧal n leqrun. Tamuyli-s netta, ad iwwet ad yerɣ tazmert n Carthage, syin ad ikcem tiyremt-nni. Di tama-s netta, d Carthage i d tiyremt isarem ad tili d tiyremt tamanayt n ugellid n Tmazya. Tella deg wakal n Tmazya, d tiyremt ibnan ireqmen, imezday-is, amur ameqqran d Imaziyen. Sirta ɣas tella, ur tessaweɗ i Carthage.

D abrid-nni i as-ikkxen akukru i Masnsen, d win i t-ifkan ikcem annar n ttrad di tama n Ruman.

Mi yuy Masnsen adrum n Ruman, Sifaks imal yer Carthage. Lemmer Masnsen idda akked Carthage, yili Sifaks ad imil yer Ruma. Tismin akked tyennant n waytma ! Tamurt-nsen tebɗa, yal yiwen tama yuy, ilmend deg ad zdin, ad dduklen, nitni rnan-as ttrad i beɗtu.

Ɛas izwar Masnsen ad ifru tamsalt n Carthage, akken ad d-yerr akal n Tmazya i yettef udabu n Carthage, netta ur ikkis sdat wallen-is ugar ameqqran : Ruman.

Masnsen ifhem tazzla n Ruman yer-s akken ad asen-yefk tallalt ad seɣlin Carthage, mačči i lfayda n Tmazya neɣ i lfayda-s netta. Tikli n tɥila n Ruman i lfayda-nen nitni: ad kksen acengu i yugaden ad yimɣur ugar, agemmad i yilel Agrakal. Syin, mi fran tin n Carthage, ad

d-zzin i tmura i d-ifergen Iel Agrakal. Talast n Ruman tella kan ansi i ten-id-terra tezmert-nsen. Nekni nezga-d agemmad i waman, nbedd-asen di tneemast n ubrid-nsen.

Akken Masnsen ad idhem Ruma asmi ara d-yas wass ideg ara tefru tin n Carthage, netta ibna ad izwir di tid n uxxam. Ilaq-as ad isdukel tamurt si talast yer talast. Ayilif ameqqran, tamurt tebda, iceqqiqen llan : sya d tihdert n Carthage, syin d tagelda n Sifaks, tama n wadda n tniri ¹ d ayezzu yal ass. Ur illi uqerru, ur telli talwit.

Di tama nniḍen, Masnsen iwwet akken ad issemzi tucarka netta akked Ruma am wakken issem yer tucarka netta d tmura nniḍen, icban Athena, akked tamurt n Nnil, tamurt n Ferēun. Amur ameqqran d tinzin n yirden d temzin² tteddun deg yiḡerraben yer Athena ney akkin. Di Sirta simmal llan ugar yimdanen n Athena ; deg-sen wid itjaren akked wid iselmaden tussna akked yidles n Hellas³.

Di tallit-nni yeffey yisem n Tmazya ugar. Di tmura tteddun yidrimen n Tmazya. Deg uraren imeqqranen n Olymp di Athena⁴, izger baba,

1. Tiniri (tiniriwin) = Sehra.

2. Di -200, Masnsen yunez 200 000 teqlalin (boisseaux) n yirden akked 200 000 t. n temzin i læsker n Ruman ; di -198, 20 000 t. n yirden i Athena ; di -191, 300 000 t. n yirden d 250 000 t. n temzin i Ruma akked 500 000 t. n yirden d 300 000 t. n temzin i Athena. Di -171, ifka i læsker n Macedoine, 1 000 000 t. n yirden, ima-yasen 11600 iqenṭaren i tmurt n Deliens. (syur Mouloud Gaïd, «Agellids et Romains en Berbérís, pp.55-56).

3. Culture grecque.

4. Gar useggas -168 akked -163. Llan wuraren n Athena (festivités/ jeuxpanathènes).

Mastanabal, iger di temsizzelt n yigemren deg unnar n Athena. Nnan, d netta i yeffyen d amezwaru.

Tikli n Masnsen tedda ad tefk iżuran i tmurt, ad tezzu tigejda i tlisa, ad tesnerni tamussni. Taggara tewweḍ-d tewser, immut Masnsen ur issaweḍ anida yessarem.

Nekk si tama-w, d abrid-nni n Masnsen i wwtey ad t-id-berzey, ad as-zwiḡ taḡebbart-nni n yiseggasen. Abrid-nni, ḡas idres, tuli-t tissist, abrid illa. Ur izmir yiwen ad iffer itij s uyerbal.

Abrid-nni n jeddi Masnsen, zriḡ d win i d tidet. Greḡ asurif deg-s. Taggara, akken i teffey, ad teffey !

Tagelda n Makawsen, tenti mi lliḡ di tattalt, deg yirebbi n yemma. Mi yemmut jeddi, ibedd Makawsen d agellid. Gar waytma-s, baba Mastanabal akked Gulusen, ḡal yiwen tama i yettef deg ugraw n Sirta. Ur d-zzin sin n yiseggasen, am baba-nni am Gulusen-nni, mmuten di sin. Iqqim-d Makawsen.

Deg yimenḡi ameqqran wis kraḍ gar Carthage akked Ruma, ikker Makawsen deg ubrid n Masnsen, innuḡ di tama n Ruman. D win i d imenḡi aneggaru i d-iglan s uhuddu n Carthage. D ahuddu-nni n teḡremt iss iżza tużzal-is Ruman deg wakal n Carthage, irra-t d ayla-s, d timmist di Tmazḡa. D win i d asurif amezwaru n unekcum n Ruman ḡer Tmazḡa. Makawsen isusem i twaḡit-nni. Ur d-ikkir ad idhem Ruman. Taggara, iḡḡa-ten fkan aḡar deg wakal-nney.

D timmist-nni deg yidisan-nney, «akal n Ruman di Tferka»¹, i wuyur tedduy ad t-kksey.

Ass-a aql-ay nettwarez. Ma nedder ur nemmut, tiwizi tameqqrant ad as-neg ass-is.”

Azru n tesraft n Tullianum ittarew-d aman, irennu tesmed i tegres. Yugerten yuki i yiysan-is simmal cerrwen tesmed-nni. Akken iga ur as-yufi talwit. Ikker, izwi iman-is, izzi i tesraft, irna izzi akken ad ihm, idda akka d wakka am yizem-nni yettwarzen. Feclen yifadden-is, iqqim. Tesmed-nni tezdey-it, tegguma ad teffey deg-s.

Yugerten iqqumec di teymert, isenned yer sin n yizra akken ad isenyes tesmed i uksum-is. Tikkal, yif teqreh tesmed. Udmawen n wid akk i yessen, wid ihm, wid ur ihm, ttezzin sdat wallen-is. Ttezzin zun llan gar yigenni akked tmurt, di tafat n tafukt tamellalt. Ttezzin, nitni ur zmiren ad as-d-siwlen, netta ur izmir ad asen-isiwel. Gar wudmawen-nni, llan wid wuyur izzel iyil-is zun ad ten-id-ittef. I d-immuger ufus-is ala ilem n tesraft. Ttezzin, nitni ur d-giren afus-nen, ur as-d-zzin udem-nen. Tuyal-as tmuyli-nni d anezgum. Yugerten iduqqes, ikker, izwi iman-is, yuwal i wawal-nni netta akked yixef-is :

— Nekcem di targit nekkni nuki ! A war nedderwec ! Ad kkrey, ad beddey. Amdan ilul-d, turew-it-id yemma-s s ibeddi, fell-as ad ikker, ad ibedd, ad yazzel. Skud tetteddu tefkert n wul, illa usirem yer sdat. Ma nedder, tamurt

1. «Province romaine» = ayen illan di tazwara d akal n Carthage si mi tt-ihudd Ruman di -146. Tamurt-nni tuyal d ayla n Ruman di Tferka!

ad as-neqqim. Nnan at zik «akken triḍ ƴezzifed ay id, taggara ad yali wass...» Di tmuyli n tudert-nney nekkni, nesdukel tudert n wid izrin, amzun yid-nney i llan, nerna tudert-nney nekkni akked tudert n wid d-itteddun ƴer sdat. Di yal ass ƴurney, win ibennun ad ibnu i wid d-itteddun ƴer sdat, ad ibnu i warraw n warraw-is, ƴas netta di ddiq i yella ; win ittleqqimen ittezzun, ad izzu isekla ad ččen wid ara ifrurxen ƴer sdat, ƴas netta ad izgel tiram. Amedyaz, win isefrun awal, di yal tamurt, awal-is itteddu akkin i wussan, akkin i yiseggasen ƴer sdat, akken awal-nni ad yili d tafat i ubrid di tagut n tmeddurt. Ma yella uḍar ittruzun asalu izmer ad ifcel, awal isfal akkin i tizza, itteddu irennu tirkelt i tmussni. Awal ur izmir yiwen ad t-iqqen, ur izmir yiwen ad t-ikkas ma yuy timura, iffeƴ am waḍu, yuy idurar d izuƴar. Awal-nni n tlelli, nekk ufiƴ-t deg wallen n yilemziyen-nney, di yal tiƴremt i kecmeƴ di Tmazƴa, di yal taddart wuƴur unfey. Yiwen ur izmir ad ikkas, yiwen ur izmir ad issenger awal-nni n tlelli. Ruman ƴilen fran tadyant n Tmazƴa si mi d-skecmen Yugerten di tesraft-a n Tullianum. Nekk ad asen-iniƴ, ur fran tigdert. Ur illi yiwen Yugerten kan i sen-d-yusan d asennan deg uksum-nsen i Ruman. Azekka, di yal tiƴmert, yal tiƴilt, yal azayar, yal tawrirt ad afen Yugerten ibedd sdat-nsen !

Di tikli-nni n Ruma, mi zriƴ Marius itteddu ƴef yigemren imellalen, s ubernus azeggay ƴef tuyat, sdat-i di tmemmast n Ruma, zriƴ-t am win ibedden akken ad ixbec igenni. Taƴallit-is

ur tessared ammus ameqqran, ammus ugertil¹, ammus n yir iyil, n yir tazmert. Fur-nney, tissas rennun i win illan deg ubrid n tissas. Ur llint tissas i win izegren ilel, irza tilisa n tmurt n medden, ikcem tamurt-nsen s yiyil.

Mi yi-d-skecmen Irumyen seg yimi n tesraft n krad turdas di tehri, nitni nwan d anjal i netlen Yugerten. Nwan kksen ayilif-nsen, wden anida ssarmen.

Nekk yur-i, anjar-nni i d-netrey seg yimi n tesraft yef yizra isemmađen, d talalit tis snat. Am yimettdi i d-ilulen si tæbbuđt n yemma-s s yibeddi, izzwer-d tiwuya. Nekk, awal-iw iffeɣ, ggiɣ-t-in yer deffir i warraw n tmurt-nney. Awal-iw idda yuy timura, izger akkin i tyaltin, ur izmir yiwen ad t-yarez.

Azekka, aseggas, neɣ iseggasen d yiseggasen yer sdat, ɣas awal-iw izmer ad iffer, ad injel tallit neɣ ad t-tdel tagut tallit, taggara ad d-yawed wass ideg ara d-ifrari i tafat n tefsut, ad iddu, ad innerni...

1. «Ammus ugertil, ur ittirid ur iseffed !».

Tallit taneggarut

Yugerten immut, deffir 6 wussan n laḥ d usemmid. Suffyen-t-id si tesraft n Tullianum, wwin-t akkin yef ukarrus, ičča-t wasif n Tiber, asif-nni yekkan di tneimmast n Ruma.

Sin warraw n Yugerten i yellan ttwarzen yid-s, ur izri yiwen anida d-ggran. Ur nessin ismawen-nen, ur iban ubrid uyen si mi tefra tikli-nni n Ruma. Iyba yisem-nen di tmurt n Ruman.

Yugerten immut.

Ugur ameqqran deg ubrid-nen, nwan ikkes-asen i Ruman. Ufan abrid, ḥḥan tuḥḥal-nen di Tmazya. Deffir Yugerten, snulfan-d win i sbedden d agellid i Tmazya : Gawda, gma-s n Yugerten s baba-s. Sbedden-t d agellid am lexyal n wuffal akken ad kerzen-yis-s.

Nnan, Gawda d abehlul kan, ur issin, ur iwzin, ur ixebbec ur iyez.

Tamurt n Tmazya gezmen-tt, gezren-tt, gan-as iyisan di tneimmast. Amur ifka-t Ruman i Buxus, rran-as lxir ilmend n tixxubta-s, izzenz idammen-is.

Amur wis sin rnan-t nitni akken ad smeyren tamurt n Carthage (*province romaine*).

Teggra-d teḥdert n wawal, akked teyremt n Sirta, yuḥal-as Gawda d agellid, ddaw ubernus n Ruman ! Ibedd d agellid n wuffal !

Taggara, di snat turdas-nni n wakal i d-iggran i Gawda, ikcem Ruman yal taferka yelhan, yal iger ilhan, yal tiyremt. Tamurt tbeddel udem.

Di tallit-nni, iqli-d yid yef tmurt n Tmazya. Azaglu n Ruman iqqen i leqrun d leqrun...

Asaru n umezruy

* -264 ar -241 : ttrad amezwaru gar Ruman akked Carthage (1^{ère} guerre punique).

* -218 ar -202 : ttrad wis sin gar Ruman akked Carthage (2^{ème} guerre punique) ; Masnsen n at Yiles, illa d agellid n Tmazya ; innuy tama n Ruman.

* -158 (?) : talalit n Yugerten di Tmazya. D mmi-s n Mastanabal. Jeddi-s d agellid Masnsen. Ikker-d di Sirta (*Constantine / Qsentina*).

* -149 ar -146 : ttrad wis 3 gar Ruman akked Carthage (3^{ème} guerre punique) ; Makawsen innuy tama n Ruman ; ifra yimenyi, thudd teyremt n Carthage.

* -148 : Immut ugellid Masnsen di Sirta. Makawsen (Micipsa) ibedd d agellid n Tmazya. Llan yid-s waytma-s : Mastanabal (baba-s n Yugerten), Gulusen, Masgaba, Bogud.

* -134 : Yugerten izger ilel yer Sbanya, s læsker-is, i ttrad n teyremt n Numance, mgal agellid Viriath. Yuzen-it Makawsen, innuy tama n læsker n Ruman n jiniral Scipion.

* -118 : Makawsen (Micipsa), agellid n Tmazya, immut di Sirta. Iğğa-d tamurt i sin n warraw-is, Aderbal, Hiemsal, akked Yugerten, mmi-s n gma-s, Mastanabal. Si mi yemmut Makawsen, tekker gar-asen.

Llan sin iden di lwert : Masiwen (Massiva), mmi-s n Gulusen akked Gawda (Gauda), gma-s n Yugerten s baba-s.

* Hiemsal, immut di teyremt n Tuga, deg yimenyi mgal læsker n Yugerten.

* -116 : Ruman ibda tamurt yef sin gar Aderbal akked Yugerten ; tiyremt n Sirta tedda deg umur n Aderbal.

* Yugerten ikcem tamurt n Aderbal. Aderbal isuter tallalt di Ruman.

* Ruman nyan Masiwen di teyremt n Ruma, si mi d-iffey si Senat. Sbabben lmut-nni i Bumelqer akked Yugerten. Nnan-as «Yugerten irza leenaya n Ruman (*legatio*) di tnemmast n Ruma !» D tahilet akken ad simsen Yugerten, ad as sbibben tamgerdt. D tasebbiwt akken ad kecmen tamurt n Tmazya.

* -112 : Yugerten ikcem Sirta. Læsker-is inya Aderbal. Yugerten isdukel tamurt. Si tedyant-nni Yugerten yuval d acengu n Ruman.

* -112 ar -105 : ikker ttrad gar Yugerten akked Ruman. Iqubel 4 n yifesyane imeqqanen (*Consul*) ihekmen læsker n Ruman si -112 armi d -105 : Calpurnius Bestia, Postumius Albinus, Cecilius Metellus, Caius Marius akked Cornelius Sylla.

* -105 : Cornelius Sylla, afesyan illan ddaw Marius, yurez-d Yugerten. Icudd-it-id. Izzenz-it i Ruman udeggal-is Buxus, agellid n Muretanya, Tamazya utaram (Merruk akked umur ataram n Lezzayer).

* -105 (taggara) : Marius idda di tnemmast n Ruma, di tikli n «Triomphe». Deffir-s, Yugerten akked sin warraw-is, tteddun cudden s txelxalin n wuzzal.

* -104 (yennayer) : Yugerten immut di tesraft n Tullianum, deffir 6 wussan n laɣ d usemmit. Di leɛmer-is azal n 54 n yiseggasen.

- Gawda ibedd d agellid n Tmazɣa, ddaw leenaya n Ruman.

- Sin warraw n Yugerten iɣba yisem-nsen.

Amezruy n Tullianum

Lḥebs Mamertine¹ (*Mamertinum Carcere*) illa di tnm mast n Ruma, tama n Capitoḷe. Di tama n wadda n lḥebs-nni i tella tesraft Tullianum.

Mamertinum ibna-t ugellid Ancus Marcius di lqern wis VII S.A. D amkan anida ttwarzen yirgazen, anida ttwaxenqen, ney anida mmuten si laḷ yicenga n Ruman.

1. «Ce qui reste maintenant du Carcer est la partie la plus intérieure et la plus secrète du cachot. De l'église S. Giuseppe dei Falegnami (St Joseph des Charpentiers), un escalier moderne conduit à l'édifice antique dont la façade en travertin date du début de l'époque impériale. Derrière, on trouve une façade plus ancienne.

La cellule supérieure de la prison est une pièce trapézoïdale, voûtée, de 5m sur 3 environ, reposant sur le roc, avec une hauteur de 5m au point le plus élevé. La cellule inférieure, le Tullianum, est entièrement construite en blocs de pépérin, assemblés sans mortier, de forme conique, avec le sommet plat.

Dans le roc, une ouverture de 70cm (encore visible) la relie à la cellule supérieure. En l'absence de porte, c'est par ce trou que les condamnés étaient précipités. Sur le côté qui regarde le Forum, il y avait un égout de près de 2m et près du mur opposé à l'égout, un puits. Les blocs de tuf utilisés ici permettent d'avancer la date de la seconde moitié du II^e siècle av. J.-C. D'illustres personnages périrent ici -une inscription moderne gravée à droite de la porte d'entrée rappelle leur nom- comme Jugurtha, en 104 av. J.-C., pendant que défilait au Forum le cortège triomphal de son vainqueur, Marius. En 63 av. J.-C., les conjurés, amis de Catilina, y furent étranglés. En 46 av. J.-C., Vercingétorix y fut également étranglé après le triomphe de César. La prison ne se composait pas seulement des deux cachots décrits. Au-delà, sur la pente du Capitole, se trouvaient d'autres pièces, les Lautumiae. Elle était encore en activité dans la dernière moitié du IV^e siècle. C'est au Moyen-Age qu'elle prit le nom de Mamertine.»

Gar wid ittwassnen, wid immuten din, illa Yugerten di yennayer -104, Vercingetorix, agellid n igulwatan (n Fransa), xenqen-t din deg useggas -46. Azal n 14 n yiseggasen i t-ğğan din d amehbus. Nnan day din i ttwarzen Saint Pierre akked Saint Paul, si mi d-ikcem ddin n Aëisa yer tmurt n Ruma. Di lqern wis IV D.A, lħebs-nni hudden-t si tama ufella, bnan-as tamesgida wumi semman «S. Giuseppe dei Falegnami» (Sidi Yusef n yineğğaren).

Ayen i d-iqqimen ass-a di lħebs Mamertinum, d ayen illan di tmemmast-is, d tasraft Tullianum-nni. Akken tella tesraft-nni zik-nni i tella ass-a, bnan-as kan tiseddarin si yiwet tama akken ad adren medden yer tesraft, ad zuren amkan-nni. Rnan ssan-as, sulin-d agens afella. Si 3,53m n tididi, ggran-d kan azal n 2,0m. Ass-a, izmer ad ibedd umdan deg-s. D izra-nni n zik, d izra n wass-a.

Awal n Salluste yef Tullianum¹

«Mamertine Carcere d lħebs illan ddaw tmurt, deg-s sin wannagen. Tama n wadda d tasraft, isem-is Tullianum. Tedrem, izzi-yas-d ugadir, iqba s uzru. Yiwen yimi si tama ufella i d tawwurt-is, zun d imi n ucbaali. D amkan ixlan, irtem, yumes, itulles, issaggad.»

1. C'était une prison souterraine à deux étages. Selon l'historien Salluste : «Elle contient une salle basse, nommée Tullianum, qui s'enfonce à douze pieds sous terre. Elle est fermée de murs épais et couverte d'une voûte de pierre. C'est un cachot malpropre, obscur, infect, dont l'aspect a quelque chose d'effrayant et d'horrible.» (Salluste)

Tikli n Triomphe di Ruma

Tikli tedda si Campus Martius, berra n Ruma, armi d Capitolinus, tanemmast n Ruma. Di Capitolinus, Consul (jiniral), i wumi gan Triomphe, ad isizzel idammen n yizgaren i Rebbi (Jupiter), ad izzal tazallit-is.

- 1- Campus Martius (Annar n Meyres / Champ de Mars).
- 2- Circus Flaminius.
- 3- Porte Triomphale (Pomerium).
- 4- Forum Boarium (>> isem-is ass-a «Piazza Bocca della verita»).
- 5- Circus Maximus.
- 6- Palatin (ad izzi i tewrirt n Palatinus).
- 7- Via sacra (Voie sacrée).
- 8- Clivus capitolinus (tazribt yulin yer Capitolinus).
- 9- Capitolinus (Capitole).



Ruma n zik (Tikli : si Campus Martius alamma d Capitolinus).




Via sacra (voie sacrée). Abrid n yiblađen iḡef yedda Yugerten.




*Ruma : Iḥebs Mamertine carcere.
Tama ufella d tamesgida S. Giuseppe dei Falegnami,
ddaw-as d carcere Mamertine, ddaw-as d Tullianum.*



Izra n ugadir n Tullianum, tamuylī si tne mmast n tesraft.



Imi n Tullianum, tamuyli si tama ufella. Imi injer deg uzru aberkan, ass-a di tehri-s 61cm. Ifreg s wuzzal.



Imi n Tullianum, tamuyli si tama n wadda.

Adriraw

1- Salluste, Gaius Sallustius Crispus, »*La Guerre de Jugurtha*» (*Yugurthinum Bellum*), Trad. du latin par Alfred Ernout, ed. Les Belles Lettres, 1941 et réédition en 1974 et 2002 (France) ; et «Grand Alger Edition» (GAL), Edition 2005 (Algérie).

2- C. Salluste, *La Conjuration de Catilina*, Les Belles Lettres, Ed. 2003.

3- Tite-Live, *Histoire romaine, la fondation de Rome*, Les Belles Lettres, Ed. 2005.

4- Houaria Kadra, *Jugurtha, un berbère contre Rome*, Edition Arlea, Paris, 2005.

5- Mouloud Gaïd, *Aguellids et Romains en Berbérie*, ENAL-OPU, Alger 1985.

6- Plutarque : *Biographies de Marius et de Sylla*, in *Les Vies des hommes illustres*, Furne et Cie Librairies-Editeurs, 1840, internet : <http://remacle.org/bloodwolf/historiens/Plutarque/marius.htm>

7- Site internet : Tullianum : http://www.panoramicearth.com/326/Rome/Tullianum_in_the_Mamertine_Prison